

Ҳалима
Худойбердиева

МУҚАДДАС
АЁЛ

Шеърлар

Тошкент
Зафур Ғулом номидаги Адабиёт ва санъат нашриёти
1987

Ўз 2
Х 90

Худойбердиева Ҳ.

Муқаддас аёл: Шеърлар.— Т.: Адабиёт ва санъат нашриёти, 1987.— 224 б.

Узбекистон Ленин комсомоли мукофоти лауреати, истеъоддли шоира Ҳалима Худойбердиеванинг ушбу янги мажмуаси «Коммунистлар, олдга», «Ватан баҳти», «Садоқат», «Туғилиш», «Муҳаббат ёзи», «Бир шеър керак» каби бўлимлардан тузилди. Улардан ўрин олган шеърларда даврга ҳамнафаслик айрича жилоланади. Шунингдек, аёл қалбичиг турфа кечинмалари тасвири ҳам алоҳида самимият билан чизилади.

Худойбердиева Ҳ. Священная женщина.
Стихи.

X — $\frac{4702570200 - 121}{M \ 352 \ (04) - 87}$ Доп. — 87

Уз2

© Faafur Fулом номидаги Адабиёт ва санъат нашриёти 1987 й.

Коммунистлар, олдга

БУ ВАТАН...

Мен Ватан сўзин қандай нафас билан айтаман,
Бу йўлда қайдан бошлаб, қай нуқтадан қайтаман.
У бир гўдак, мен уни қай тарзда улғайтаман,
Билмам, ўзни англай деб кўз юмдимми қай фурсат?
Шу хил турфа ҳолатлар аста ростлай бошлар қад.

Лампачироқ пилиги титраб, куяр кечалар,
Келинчаклар бошини музга қўяр кечалар,
Чақалоқдан отаси ҳидин туяр кечалар,
Куёв қайтиб келмайди, келган ғамни ғарамлаб,
Келинчаклар фифони: «Вой тўрам-ей, тўрам»лаб.

Қад кўтараверади, йиллар деворин йиқиб,
Бир тикилган маҳсими тўрт бор тўздириб, тикиб,
Кўрпасин бошга тортса, оёғи қолган чиқиб,
Қийин кунлар қорида юпун, ивиган аёл,
Тирноғидан қон сизиб, кўсак чувиган аёл.

Шу келинчак, шу аёл Сенмасмидинг, дилбандим,
Етмиш икки томирим, жигарим банди-бандим,
Сен отамми, боламми, билолмайман, асли ким,
Бир четида қўёшдай онам ботган Ватаним,
Бир четини қўриқлаб отам ётган Ватаним.

Отам бўлсанг руҳингга садоқатдан айтайнин,
Болам бўлсанг ёнар жон, ёнар хатдан айтайнин,

**Момом, онам айтганни мен бошқатдан айтайин,
Қўйлагим шамолидан баҳра олар Ватансан,
Майсасида сочимнинг ҳиди қолар Ватансан.**

**Қўраман, хаёл суреб мардлар кетган йўл билан,
Этик изин соғинган чечакли ўнг-сўл билан,
Жанг ханжарлари кесган йигирма миллион қўл билан,
Ғалаба байробини кўтаришган Ватанини,
Ким разолатдан куйса тенг куйишган Ватанини.**

**Шундай, ғалаба барҳақ, ер билан кўк қўлласа,
Кеча-ю бугунги кун, виждон-у, ўқ қўлласа,
Ҳар улусин энг аввал чап кўкрак — чўғ қўлласа,
Суян, абад нурамас қоя бўлар бу Ватан,
Авлодларни кўтарган ғоя бўлар бу Ватан.**

**Бугун менинг кўксимда гул унадиган куним,
Дийдорингга термулиб жим, тинадиган куним,
Сутдан ҳалол юрт, Сенга сифинадиган куним,
Бир четида қуёшдай онам ботган Ватан деб,
Бир четини қўриқлаб отам ётган Ватан деб.**

**Ватан! Сенинг йигирма миллион
Дарёингни уруш қуритди.
Оқди шунча дарёларда қон,
Шунча дардни юрагинг ютди.**

Унутмайсан сарғайиб, ёҳу,
Үққа учган дунёларингни.
Ошқин-тошқин оқиб кетгану,
Сўнг қайтмаган дарёларингни.

Туш кўрасан тўлиб, тўкилиб,
Ул дарёлар тўлқин уради.
Бари бирдай шовуллаб келиб,
Тунлар сочинг оқартиради.

Кундузлар оқ сочинг силайсан
Куйиб, ўлган дарёларингга.
Қуримаслик умрин тилайсан,
Кучга тўлган дарёларингга.

ХАЛҚИМГА

Гирдингизда дарёдай оққаным оққан бўлди,
Жонингиз алқаб жоним ёққаным ёққан бўлди,
Букилманг,— деб кўз узмай боққаным боққан бўлди,
Нон-тузини кўз ёшдай ёмғир, қорга қорган халқ,
Охир-оқибат озод, кўксини кўтарган халқ!

Офтоб юз кўрсатгани әринган кунлардаги,
Рутубатли, бесамар уринган кунлардаги,
Жанг майдонида отлар суринган кунлардаги
Изтироблар ошароқ бу юксак тоғ муборак,
Толиб-толиб сўнг ғолиб қад тикламоқ муборак!

Аёл мунглиғ демишлар, гоҳ мунглиғ кўнгил бўлиб,
Ҳар алп оғаларимга қалдирғоч сингил бўлиб,
Фамингиз тошдай босиб, қувончдан енгил бўлиб,
Билмайман, бу кунларга қай тарзда етиб келдим,
Ҳар ҳолда бор чиғриқдан Сиз билан ўтиб келдим.

Изғирин-қор келганда бир-бирини қувишиб,
Кўкарган қўлларингиз қолганида увишиб,
Титроқларга солганда ичингизга қор тушиб,
Жилмадингиз даладан, бу қай фидо имондир,
Демак, виждон ўлмаган, демак, имон — омондир.

Авжи юрмоқ ёшида шуъла кечиб, ой кечиб,
Мўйсафидлар ҳам юрди кўлмак кечиб, лой кечиб,

Ўспирин — ўғил-қизлар шавқдан, ҳойнаҳой, кечиб,
Шу пахта деб, шу нон деб сарғайди рўйи-ранги,
Бу жанг — ғурур, ҳис жангти, бу жанг ризқу рўз
жанги.

Урушда биз бермадик бир қарич еримизни,
Бу жангда бир толани, нон, манглай теримизни.
Урушда, тинч куиларда кўп синаб кўрдик ўзни,
Демак, энг юксак ва энг тик ғоя ўзимизда,
Ҳар қандай зўр ҳужумга ҳимоя ўзимизда.

Не бахт-ки, аввал-охир тун ортидан тонг келур,
Қийин қелган ғолиблик — бахтга ҳамоҳанг келур.
Тириклик десам — менинг кўз олдимга жанг келур.
Жанг-ки, еру кўк учун, жанг-ки, нону туз учун,
Фақат ўзимиз учун, фақат ўзимиз учун!

Гарчанд, кечаги кунлар ўтди мушкул, жафоли,
Тун қанча нотинч кечса тонг шул қадар сафоли.
Ўзбекистон, фарзандлар ўтгай Сенга вафоли,
Улар балки минг-мингдир, аммо яхлит, тоқ бўлиб,
Утган иттифоқ бўлиб, ўтгай иттифоқ бўлиб!

Гирдингизда дарёдай оққаним-оққан бўлди...

КОММУНИСТЛАР, ОЛДГА

Катта-кичик ҳаёт юкин орқалаб келаётир
Яхши-ёмон кунларини ўрталикда ўтказиб.
Синчиклаб боқ, ҳар биттаси курашмоққами қодир,
Боргаймикан ҳар ким юкин манзилига етказиб.
Агар бирор хушнуд, бирор фаромуш, карахт келди,
Демак, коммунистлар олдга чиқадиган вақт келди.

Серхархаша ҳаётдир бу, ким калта қўл, узун ким,
Гоҳ узун қўл мева терар ўзганинг ҳам боғидан.
Узун қўлнинг олғирлигин илғаганлар юрса жим,
Титроқларга тушмасалар калта қўл титроғидан,
Ўйламангиз, омад деган бу номардга нақд келди,
Демак, коммунистлар олдга чиқадиган вақт келди.

Дейлик, юлғич бир амаллаб чиқиб олди минбарга,
Энди «бири икки бўлмас, ношудлар»дан кулади.
Энди гоҳ у эснай-эснай сабоқ берар мингларга,
Пайт топса ион-туздан тортиб номусгача юлади.
Ўйламангиз, фирибгарга нураш билмас тахт келди,
Демак, коммунистлар олдга чиқадиган вақт келди.

Аёл ўйнаб юрар ўзга давраларда гул бўлиб,
Гарчанд дилин қай бурчида мажруҳ муҳаббат ётар.
Эркак яшаб ўтаётир армонларга қул бўлиб,
Бир ён совуган кўнгил-у, бир ён ўғил-қиз қатор,
Деманг, ишқ — бу хонадонда сарғайган дараҳт келди,
Демак, коммунистлар олдга чиқадиган вақт келди!

Ярим кеча, она чўчир, мизғиганга ўхшайди,
Туш кўрибди. Ёлғиз ўғли, келаётганимиш кириб.
Ўғил ўз иссиқ уйда қорин қўйиб яшайди,
Онасини «қариялар уйи»га жойлаштириб.
Деманг, она-ўғил ётдир, қойим-қиёмат келди,
Демак, коммунистлар олдга чиқадиган вақт келди.

Кураш, ғоят оғир кечар, минг қуриб, минг тўламиз,
Нажоткорлик туйғусини алишмасмиз олтинга.
Биз ўлсак ҳам энг олд сафда, қонлар ютиб ўламиз,
Оптимиизда коммунистлар чиқаверар олдинга.
Ёраб, сўнгги йўлга бурчин ўтаб Улуг Аҳд келди,
Демак, коммунистлар олдга чиқадиган вақт келди.

РУС ХАЛҚИГА

Бобом биттадан чўп бериб «синдиринг» деб кутганди,
Синдиргандик, эсимизни энди танир пайтлари.
Кейин ҳар биримизга у боғлиқ ўн чўп тутганди,
«Синдиринг» деб, синдиrolмай берган эдик қайтариб.

— Болаларим, дегандилар, овозлари гулдираб,
Бир бўлсангиз хор бўлгайсиз, бекор эмас айтганим.
Ўн бўлсангиз ҳар бирингиз яшагайсиз гуркираб,
Ўн одамга юрак бетлаб човут сололмас ғаним.

Эҳтимол-ки, ўттиз йиллар ўтиб кетди шу гапдан,
Унча-мунча жумбоқларга қотирмай ҳам қўйдик бош.
Аммо ҳамон ўша шамол эсар шимол тарафдан,
Аммо ҳамон ўша қуёш Шарқдан кўтарадир бош.

Мен улуғ рус халқи десам, мен жафокаш халқ десам,
Шу нурхикмат бобо янглиғ дониш чолни кўраман.
Тарих дарвозасин очиб фарзандлари чиқса жам
Ўз ўрнимда ҳайраглардан тили лолни кўраман.

Ўн беш айри-айри халқнинг қовуштириб бошини
Ўн беш оға-ини қилмоқ айни савоб эмасми.
Бир-бирига зулм ўтказмай, оқизмай кўз ёшини
Бир-бирини кўтармоқлик энг баланд боб эмасми.

Узгаларни сақлаш учун, жон бўлмоқ-чун бировга
Энг аввал ўз жонин гаров қўйганлиги ҳақиқат.

Фашист ўлмас қиз Зояни ҳайдаб қорда, қировда
Елкасига юлдуз расмин ўйғанлиги ҳақиқат.

Қескир қилич азал-абад маҳкум бўлмаган қинга,
Қескир ақл, шиддат билан ҳар ўт, жангга кирдинг тик.
Жон фидолик — энг аввало тушган Сенинг чекингга,
Балки шундан энг аввало сенга қисмат — **ДАҲОЛИК**.

Кўраяпман... Пушкин келар тобутида чайқалиб,
Ерда бир тирик қалб борми, унинг оҳи етмаган.
То қиёмат юриб ўтгай унинг мағрур ҳайкали,
Унинг қадам товушлари юраклардан кетмагай.

Лермонтовни эсга олсанг чек борми фаҳр, аламга,
Адо бўлди қалб баҳти деб, қалб тубидан ёш қўйиб.
«Меҳр бер деб, ишқ бергин» деб қўл чўзганди оламга,
Алдадилар, унинг чўзиқ қўлларига тош қўйиб.

Кўкрагини бир ўт ғамхўр имон бўлиб ёндириди,
Шу имонлар ҳаққи, мангу юракда бўл, Улуғ Рус!
Алданганлар ҳоли уни исъён бўлиб ёндириди,
Шу исъёнлар ҳаққи, мангу юксакда бўл, Улуғ Рус!

Сен қўлимдан тутмасайдинг, ўрганмасам бу тилни,
Некрасовнинг ноласидан дил оғригим ортмасди.
Исаакяннинг фифонлари бузмасмиди кўнгилни,
Балки дўстим ғамидан ҳам кўнглим хира тортмасди.

Бу беҳиштий шамоллардан озиқ олмаганда онг
Ўз кўксимга тушган чўғни қолармидим мен таниб.
Кўксим аро Нозим Ҳикмат яшамаса уриб бонг,
Қўшиқлари яшамаса қонга, шонга беланиб.

«Ватан, ҳуррият йўлида ўлмак иқтидори-ла»,
ЛАҲЗА ОРТИҚ ЯШАМОҚҖА ЗАНЖИРЛАНГАН, ТИРМАШГАН.

Ҳар темиртан қаҳрамони, темир қилар танимни,
Мен ҳам токнинг новдасыдай чирмашганим чирмашган.

Чирмашганим чирмашгандир бу Ватан, бу яшашга,
Фарзанд янглиғ, аёл янглиғ, она янглиғ бетиним!
Мен шу хилда яшаганда Ватан маҳкум яшнашга,
Мен ҳам маҳкум бу Ватанга бермоққа бор ўтимни.

Одамлар бор, лоҳас бўлар кўрса қовушган нурни
Важ қидирар, шу иккисин орасини бузсам деб.
Улуғ Рус, сен халққа бердинг Ленин каби шуурни,
Умри ўтди, каж заминда бир ИТТИФОҚ тузсам деб.

Тасодифан шўр, зах ерда гул унмайди барг ёзиб,
Бекут ернинг меваси ҳам бўлгай бекут, тару талх.
Лениннинг туғилиши ҳам бўлмагандир тасодиф,
Биргина у ҳаққи ҳам Сен буюк халқсан, буюк халқ!

Менинг қадим ўзбек халқим, нурга юзин бурган халқ,
Нур шарқданми, шимолданми ё жанубдан — фарқи йўқ.
Тоғлар янглиғ бир-бирини аяб суяб юрган халқ,
Ака-укасидан айру танҳо баҳти, барқи йўқ.

Кўнглимизда туғма меҳр, муҳаббат, ишқ кўкариб
Сенга жипслалиб борамиз бу туғилиш тонгидা.
Жипслашамиз тик ғуур, тик байроғимиз кўтариб,
Байроғимиз бизнинг бир хил, қон билан шон рангida.

Халқ дер, дўстлик тўзмас қаро кунда ўтса синовдан,
Йўқ, топмаслар Сену биздан садоқатга бойроқни.
Ўқ еганда бир-бировни қутқараётисб ёвдан,
Кўксимииздан оққан қонга бўяғанмиз байроқни.

Бош устида қон, қон сизган байроқларки, ранги ол,
Жипслашамиз, ўрмон янглиғ бўроёнларга қасдма-қасд.

Ҳар дараҳти муқим әкан, ўрмон топмагай завол,
Ҳа, байроғи муқим әкан бу Иттифоқ қуламас.

Гап шу ерга етганида, тағин Сенга қайтар сўз,
Ким тузган бу Иттифоқни, ким қурган бу қалъани.
Илк нур Сендан, илк сўз Сендан, Сендандир илк та-
шаббус,
Пойидор бўл эй улуғ Рус, эзгуликнинг қалқони!

САМАНТАНИНГ ПОРТРЕТИ

Америкалик Джейн Смитнинг Совет Иттилоғига қылган сафарининг охирги куни унга қизи — Саманта Смитнинг скулъптура портрети топширилди.

Қолган гаплар барчасига, бас
Виждон ўзин ололмас оқлаб,
Ахир она ўз гүдагинимас,
Портретини турар қучоқлаб!!!

Темир кўзга қараб тўяди,
Ўз кўзига мунчоқлар осиб,
Сочларини силаб қўяди
Бошгинасин кўксига босиб.

Ич-ичидан келаркан куйиб
Олов олиб кетмасми хаёл.
Кўкрагида азоблар туйиб
Қандоқ бутун турар бу аёл.

Бу қай кундир, баҳтми, қаро кун
Ололмайди ёшин ютиниб,
Гўдагига ўҳшагани-чун
Ул темирга турар юкиниб.

Темирми-йўқ, бу хатни, илло,
Унинг қўли ёзган, жажжи қўл:
«...Сиз урушга қаршимисиз, ё
Қарши эса... топинг бирор йўл».

Ўн иккига етиб-етмасдан
Гуркираган оламмидинг Сен.

Оғзидан сут ҳиди кетмасдан
Йўл излаган боламмидинг Сен,

Улар Сенда илғаб қолдими
Анжеланинг тик овозини?
Тағин илғаб ўйга толдими
Виктор Хара гулдуросини?

Улар қўрқди, бу қўрқув садо
Бераверди ўртаб қонларин.
Мана шундай қилмоқда адо
Америка ўз виждонларин!

Беиз кетмас, қон эмасдир сув,
У мудҳиш он, сачраган, теккан.
Минг Саманта йифлаган дув-дув,
Минг Саманта муштласин туккан...

Фақат она... чиқармайди ун
Ун на ҳожат, ҳислар етади.
Самолётда қизин портретин
Кўкрагига босиб кетади.

УЧИНЧИ ҚИЗ

*Шекспирине „Кирғол Лир“ трагедийсими
ұқиб...*

Айтолмайман ширин сүз авраб,
Кечиролмам пастлик, гуноҳни.
Тоза қалби барча ўққа даф
Мен учинчи қизиман шоҳнинг.

Опаларим ўхшаш нусха гул,
Мақтай олар силлиқ, ширали.
Мен тўғрисўз — юрагимга қул,
Бир юракки чабдаст, қиррали.

Опаларим зарга кўмади
Ширин алдоқ, сайлови баланд.
Мени эрим олиб жўнади
Юрак, шул бир бисотим билан.

Кекса отам учун талашиб
Ардоқлашга топиб минг сўз, ранг
Аввал мушук янглиғ ялашиб
Сўнг солдилар кўкрагига чанг.

Мол-дунёсин бўлгунча олиб
Тантиқ жонни унга тикдилар.
Олгач, юртдан олдига солиб
Шир ялангоч ҳайдаб чиқдилар.

Ҳақ әшиитди, балки, оҳимни,
Қайтарди-ю уни қўлимга,

**Қутқарар өөр қиблагоҳимни —
Мен ўзимни бердим ўлимга!**

**Халқым, Сени ўртамасин дард
Бошгинангга келмасин-ку тун.
Аммо билиб қўймоқлигинг шарт
Мен учинчи қизман Сен учун.**

**Сен йир әмас, Корделия — мен,
Фақат абад Сен емагин панд.
Ҳақнинг ўзи сени асрасин
Опаларим янглиғ қизлардан.**

МУАММО

Бутун муаммодир кўлни асрамоқ,
Муаммодир боғни, гулни асрамоқ.
Бошқача қурсак деб таклифлар қатор,
Қийин ҳатто тўғри йўлни асрамоқ.

Эсласанг... хотирга қуюнлар кетгай,
Эсласанг, қораяр кўзларинг олди.
Қийғос боғлар кетиб шамолга беткай
Үрнида яп-яйдоқ далалар қолди...

Ҳар бир сўзни маҳкам, дараҳтдай ушлаб
Силкитгин, ҳар бир сўз берсин садо, ун.
Кўкартири, кўкартири тишингда тишлаб
Тилни асрамоқ ҳам муаммо бугун!

Сўз ташиб, сўз ташиб худди болари
Биз қайгача борсак, сўз-ла борамиз.
Сийрак тортиб қолса сўз далалари
Уни болаларга қандоқ берамиз?

Елкада она тил юклари турсин,
Биз кетавермайлик ўзни кўтариб.
Меҳнаткаш ўзбекнинг боласи юрсин
Пахта билан қўшиб Сўзни кўтариб.



ВАТАН БАХТИ

* * *

*Кимга ўлкам, зориж, бу жунг, бу гина
Қонларимда қолди не болагина.*

Миртемир

Не бир гўдакларнинг заволиман мен,
Бедорликдан маҳрум кўзларимда хоб.
Дунёнинг кўндаланг саволиман мен,
Ҳали-ҳануз ҳеч ким топмаган жавоб.

Сўраманг умримнинг баланд-пастидан,
Умрим — алоқ-чалоқ, босиринқи туш.
Узун умрим бўйи бешик устида
Бедор, қалқиб ўтсам эмасмиди хуш.

Ахир узун тунлар зил, қўрғошин тан,
Оҳ урсам оҳимдан ёстиғим куйиб,
Умрим ўтмадими бир бор тутмасдан
Гўдагимга кўкрак сутимни ийиб.

Мен ҳам аёл эдим мевадек суюк,
Жон-жонимда сўнган ўтларим билан.
Қонларимда қолган не гўдакка ризқ
Кўксимда қуриган сутларим билан.

Дунёга кўндаланг саволдирман мен,
Ҳеч ким жавоб бериб қаролмайди тик.
Ҳам бахтсиз, ҳам хушбаҳт аёлдирман мен,
Қирқ йил-ки елкамда «уруш» деган юк.

Бахтсизлигим, тутаб кетдим гоҳ ўчдан:
«Ёлғиз ўтмади-ку қанча ёш-қари!»

Бахтим шу, уйимни қулфладим ичдан,
Бу ўй судрамади мени ташқари.

Бахтсизлигим шуки, ўтдим ишқа зор,
Кўрдиму, қаддига кўзим тўймади.
Бахтим шу, кўйида сочим бўлди қор,
Ётоғимга ўзга оёқ қўймади.

Бахтсизлигим, умрбод кўз тикканларим
Қирқ йил, қайтмади-ей, сароб бор шукуҳ.
Бахтим, шу туйғуга кўнинканларим
Ҳайратдаман, қандоқ портламади руҳ!

Бахтим... Бахтсизлигим... санчаверди тиғ,
Гарчанд ҳамон бутман, демакки ютдим.
Хузур-ҳаловатли ердан, во дариғ,
Мен ўз-ўзим билан курашиб ўтдим.

ЖАСОРАТНИНГ СҮНГГИ ТУНИ

Майли шодумонлик, ёғорат туни,
Улажакман фақат жасорат туни!

Үлганлар қолган йўқ жанг майдонида;
Мен билан душманни қирдилар қирқ йил.
Қачонки толиқиб кўзим кетган дам
Мен билан ҳаккалаб юрдилар қирқ йил.

Дўстим юрарди бир қизни эгаллаб,
Кун келди оҳ, дўстим қонига ботган.
Тушларимда «Нега ўлдинг, нега»лаб
Қиз ўзин дўстимга отгани-отган.

Тушимда қийқириб, ўртага олиб
Кимdir хотинимнинг хатин беради...
...Инграйман, йигитлар улгурмай қолиб
Танклар босиб-янчиб ўтиб боради...

Урушнинг даҳшатли қўллариридир — дор,
Қирқ йил юволмади дил доғларимни.
Ёраб, кўз юмдимми, ғолиб ҳамда хор,
Осадилар махбус ўртоқларимни.

Қандоғам тўқилмас кул бўлиб кўксим,
Ахир унинг томир-томири куйган.
Касал қўзилардай қўл ушлашиб жим
Чўп гўдаклар борар крематорийга.

Кетаркан бу беҳишт қушлари билан
Бир кун рост-рўёни тамом тарк этсам.
Урушнинг исёнкор тушлари билан
Андармон умримнинг сўнгига етсам.

Ўлганлар қирқ йиллик шаҳидмас, хуним
Тунда ўлгаи оғам, иним бўлади.
Улар билан сўнгги ўтказган туним
Энг сўнгги жасорат туним бўлади.

Йигитлар ўлимга кетган йўллар бу,
Ортига қайтмаган из бор барида,
Шохлар чўзилганча қолган қўллар бу,
Дод солғанча қолган йўл четларида,
Сен бу дараҳтларга меҳрибонроқ бўл!

Қандоқ унутаман, унутай қандай,
Айниқса кўрганда бу — жанг бошини.
Мажнунтол букилиб садр тушгандай
Саннаб йўқлайверса тўкиб ёшини,
Онам, синглим дегил мажнунтолларни!

Яхши ният билан бу уйни қуриб
Улимга кетганлар ўтиб-ўтмай тўй,
Кетганда ортидан кетмаган юриб,
Ўлганда, тўкилиб, йитмаган бу уй.
Эҳтиёт бўлиб кир остонасидан!

Аёл, бу аёллар сокин ўлтирас,
Кўзлари минг бало, қазони кўргач,
Улар бўйдор Ғамни қучиб ўтдилар,
Бўйдор йигитларни ўлимга бергач,
Уларнинг кўзига тик қараб бўлмас.

Йигитлар ўлимга кетган йўллар бу!

ҚИРЧИЛЛАМА ҚИРҚ ЙИГИТ...

Бу жанг асли сув билан оловнинг жангги бўлди,
Очилган жароҳатлар янгидан-янги бўлди.
Тунлар бевақт сарғайиб, ҳижроннинг ранги бўлди,
Белларин кўтаролмай йўллар беланги бўлди,
Қирчиллама қирқ йигит уйга қайтмаган кунлар.

Энди деганларида «қарчиғай йигит бўпти»,
Аста эгилиб қизни ё ўпмади ё ўпди.
Аммо учиб кетдилар лочини бўлиб кўпди,
Аммо юрт қон қақшади, юртда қиёмат қўпди,
Қирчиллама қирқ йигит уйга қайтмаган кунлар.

Қайтмадилар ва лекин «номаълум» деб ёздилар,
Қайда ниҳон юрурлар шунча қишу ёз улар.
Оналари гоҳ ҳушли, гоҳ ақлдан оздилар,
Қондошлар гоҳ кўнглида гўрларин ҳам қаздилар,
Қирчиллама қирқ йигит уйга қайтмаган кунлар.

Юрагимда аччиқ ўт, на гинаю на зарда,
Ерга сиғмай қоламан фақат баъзан кечларда,
Ленинградда ўлган балки қамал, ўчларда,
Балки Бухенвальдадир — одам ёқар печларда,
Қирчиллама қирқ йигит уйга қайтмаган кунлар.

Қирқ йигитни қирқ асов той десам от бўлмади,
Қайтган турналар ичра қирқ қўш қанот бўлмади,

Улар қирқта шон бўлди бирор иснод бўлмади,
Қирчиллама бу ҳаёт аммо ҳаёт бўлмади,
Қирчиллама қирқ йигит уйга қайтмаган кунлар.

Қирқ йигитни дўл урган қирқта боққа менгзадим,
Тўфон келиб ўчирган қирқ чироққа менгзадим,
Юрагимда ўйилган қирқта доққа менгзадим,
Тикланар чоғ қулаган қирқ байроққа менгзадим,
Қирчиллама қирқ йигит уйга қайтмаган кунлар.

Йигирма миллион байроқ, гўрли-гўрсиз қўзғолса,
Совиб қолган ўчиқлар қўрли, қўрсиз қўзғолса,
Мункайган келинчаклар эрли, эрсиз қўзғолса,
Бугунги урушқоқлар, Сиз не дерсиз қўзғолса,
Қирчиллама қирқ йигит уйга қайтмаган кунлар.

ЭСКИ САНДИҚ

Эски сандиқ, эски сандиқ, ёғочмисан, темирми,
Эски уйда макон тутдинг ҳолигина бурчакни.
Нимадир ул сенда туриб келинчакни емирди,
Нимадир ул кўнглин олиб гуллатди келинчакни.

От айланиб қайта-қайта қозигини топгандай,
Сенга қайтиб келаверди келинчакнинг йўллари.
Не узилди кўкрагидан Сени ҳар гал ёпганда,
Кейин нечун қай пайтгача титраб юрди қўллари.

Воҳ, биламан, унинг учун очилсанг — Сен ёрилтош,
Сарғайиб, титилиб кетган эртак чиқиб келади.
Йўқ, кўз очиб кўрганим деб, бир ёстиққа қўйган бош,
Уни қўлда кўтаргувчи эркак чиқиб келади.

Кўтармади, жангга кетди, қайтган сариқ эртагин
Почта қутисидан олди, уруш уни яхлатди.
Дунёларга сифишмаган Гўрўғлидай эркагин
Парчагина қофоз қилиб сандигига тахлатди.

Шу-шу йиллар, сувлар оқди, келинчак ҳам қариди,
Қирқ йил босди шу эртакни кўкракнинг чап ерига.
Балки бугун қушдай енгил, бор ғамлари ариди,
Ахир қирқ йил сир айтди у сандиқдаги эрига.

Шу сандиқни дарёга бир оқизсам деб ўйлар гоҳ,
Ботаётган кунга қараб, артмасданам ёшини.
Ажаб әмас Тоҳирдайин ул тирилиб чиқса, оҳ,
Тоҳирдайин... йўқ Тоҳирдай кўтармас ул бошини...

Эски сандиқ, эски сандиқ, ёғочмисан, темирми?!

ҚАЙТМАЙМАН...

«Қайтмайман, бурчимни ўтаб ўламан»—
Қирқ иккинчи йилдан ёздим күчириб.
Мен бугун тўламан, жомдай тўламан —
Кечмиш тўфонларни қайта кечириб.

«Қайтмайман, бурчимни ўтаб...» во дариғ,
Қоғознинг қолгани кетган титилиб.
Қирқ йил-ки бу кўм-кўк олам сап-сариқ,
Яшайман, қоғоздай бағрим ситилиб.

Қайси тўзим билан ўтказдим бошдан
Қирқ йил қайталаган кўклам, ёзни мен.
Кўкрагимда ёнғин чиққанда тошдай —
Тошдай босдим унга муз қоғозни мен.

Истасанг кўп нарса амалга ошар,
Истадим, шу қоғоз менга эр бўлди.
Фақат қўмсаган чоғ йигирма яшар
Истагим ер бўлди, кўнглим ер бўлди.

Қайтмайман... ҳа, мен ҳам қайтмадим фақат
Умр ўтди ҳижроннинг тутунин ютиб.
Кетяпман, кўксимга муҳрланган хат
Сарғайган шу қоғоз қўлимдан тутиб.

Қайтмадим... мард туриб тугаётир жон,
Қайтиб, Сенга юм-юм ёш қуйсам, қани?!
Мўъжиза бўлса-ю тирилсанг бир он
Қайтиб кўкрагингга бош қўйсам, қани?

Қайтмайман, бурчимни ўтаб ўламан.

ТУРНАЛАР

Сув тинди, гуллар хазон, турналар айтар видо,
Кеч кузнинг сурати бу, кўнизиш ҳам керак-да.
Не учун бу юракда сўнгсиз дард, сўнгсиз нидо,
Куз келмай учиб кетган турналар бор юракда.

Кўзимнинг қирғонига аччиқ ёш бўлиб келар
Зангор ишқ беҳиштига кирмаган турналарим.
Тушимда чаппар уриб боғларга тўлиб келар
Ўнгимда кўзим тўйиб кўрмаган турналарим.

Қай юртда макон топди қай бирининг тупроғи,
Ким билар қай денгизда қай бир чўкиб кетди.
Кеч кузда, хусусан шу турналар учган чоғи
Қайтмаган турналарим кўнглимни сўкиб кетди.

Қайтгани, қайтганига қарайман, тўкиламан,
Бирида бир қанот йўқ, бирида эса бир кўз,
Ярим жон... мен титроқда бисотим титкилайман,
Қаддини кўтармоқча бўлай деб бир тирак сўз.

Қайтганлар, қайтганлар ҳам сийраклашар
кундан-кун,
Ҳув қирда оқсоқланган уч-тўрт турнани, қаранг.
Қузатаркан кўнглингни тўлдирмасми қасос, хун,
Асабларинг тортмасми чолғу симидай таранг.

Ҳеч йўқса шулар ҳаққи лоқайд яшаш исноддир,
Яшашми, енгиб яшаш... бошқаси ортиқча гап,

Ҳар лаҳза тараңг тортиб яшаш бизга қисматдир,
Яшшимиз шарт бизнинг ханжар каби жаранглаб.

Улар-ку қасд қилдилар бизга фидо ўтмоққа,
Бобо мерос қутлуғ қон қандоқ тинч қўйсинг бизни.
Ҳаққимиз борми, айтинг, одамлар, унутмоққа,
Қайтган, қайтмаган оппоқ, оқ турналаримизни.

Сув тинди, гуллар ҳазон, турналар айтар видо...

ҚАМАЛ ҚУНЛАРИДА

Мен ўйлайман, юриб бўлмас Ленинградда,
Сал шарпадан ҳар бир қарич тупроғи додлар.
Ҳар эшикдан чиқаверар кўзлари катта
Эти бориб суюгига ёпишган зотлар.

Хаёлимда кимдир бетин қўнғироқ чалар,
Қарға мурда кўзин чўқиб келаверади.
Тобуту гўр етишмаган гўдаклар, чоллар
Тўп-тўп бўлиб гўрдан чиқиб келаверади.

Ким чидаб жон сақлар, озгин мушугини еб
Ким чидамас, ақлдан озиб қаҳқаҳ солар ким.
Шоир шеърда: «Биз ғалаба қилажакмиз» деб
Мук тушиб иш столида қиласар жон тақсим.

Тушларимда қичқираман, ҳеч ким бермай сас
Арвоҳдай соб, дардин ичга ютиб туради.
Мевалармас, ўликларни ташиб улгурмас
Жасад ортган машиналар ўтиб туради...

Йўқ, фашистлар остоңада қоларлар туриб,
Билолмай бу адo ернинг куч, сирларини.
Мингдан қолган ўн қасоскор тишин ботириб —
Ленинград узар қамал занжирларини!

Мен ўйлайман, юриб бўлмас Ленинградда...

ҚАМАЛ ҚИШИДА

„... Кече менга бир ҳунар мактабининг
дириектори: „дурадгорлик цехидаги болалар
клейни, гулларни еб қўйишди“, деди ...“

Чаковский. «Қамал» китобидан

Ўсмир укам, қўлларингга буюр, ишласин,
Станокнинг музларини эритсин тафти.
Ҳис эт, сенда лаҳза қамал қиши қишлиасин,
Ҳис эт, клей еб тўймаган бола ўляпти.

У синглисини ётқизиб тонгда чанага,
Шошилганди, боғчагамас, уни кўмгани.
Йўл портлади, ўзин урди бомбапанага,
Сингилчасин мурдасини қайтиб кўрмади...

Үйга келса бемор она тошдай қотибди,
Қўл теккизди... совуқ музлар кирган танига.
Онажони ним табассум қилиб ётибди,
Очлик... азоб... оғир дарддан қутулганига.

Шовқин. Ўлик йиғувчилар эшикдан кирап,
Бола чолдай бир амаллаб кўтаради қад.
«Тобут, тобут йўқми Сизда?» бола жовдирап,
«Тобут, тобут отлиқа йўқ», — ғудранар солдат.

Сўнг, судралиб ишга келди, рангпар, қоқсуюк,
Очлик енгиб йиқиларкан, токчани кўрди.
Унда турган қатор гулдан қолди гултувак,
Жон тер босиб клейни ҳам паққос туширди.

Сўнг қулади. Қулади-ю турмади қайтиб,
Улар әкан шишиб кетди, сарғайиб тани.

**Станокдан сўра, додлаб, беради айтиб,
«Нон, нон» дея сулайиб жон берган болани!**

**Ўсмир укам, қўлларингга буюр, ишласин,
Станокнинг музларини әритсин тафти.
Ҳис өт, сенда лаҳза қамал қиши қишиласин,
Ҳис өт, клей еб тўймаган бола ўляпти..**



ХАТО ТАҚРОРЛАНМАС...

*Хиросимадаги атом бомбасининг қурбонлари шарафига қўйилган ҳайкал пойида:
„Тинч ухланг, хато мангу тақрорланмайди!“ — деган ёзув бор.*

Хато тақрорланмас, тақрорланмайди
Одам ўйлаб, кўриб турса ҳар лаҳза.
Ким алаҳлаб келган жойига қайтди,
Баданин куйдириб ўқ лаҳча, лаҳча.

Аёл, болаларни подадай ҳайдаб
Бир саройга қамаб фашист ўт қўйди,
Сен вақт топиб тез-тез бор ўша жойга,
Сен шу култепани юракка ўйгин.

Командирнинг аввал бир кўзин ўйиб,
Қўлларин устунга михлаб қоқдилар.
Кейин бошдан-оёқ керосин қуйиб
Товонидан бошлаб гугурт чақдилар.

Кўз олдида суйгун эри отилди,
Суйгун гўдагига санчилди пичоқ.
Аёлнинг гуноҳи афу этилди,
Аёлга очилди ишқ билан қучоқ.

Шу тун қаро кечди аёлнинг туни,
Болта билан фашист бошини узди
Ва ақли ҳам учди бошидан унинг,
Шодмон қаҳқаҳаси дунёни бузди!

Сўнг бор кийимларин ечиниб отди,
Ёвни излаб кетди, соч ёйиб, дайди!
Агар... шу лаҳзалар чиқмаса ёддан,
Уруш — машъум хато тақрорланмайди...

ҲАЙҚАЛНИНГ АЙТГАНЛАРИ

Кўз ёшингни тўкиб дув
Тўкма тоқат жомимни.
Тагин келдингми, ёҳу,
Титратмоққа жонимни.
Темган қўрғошин ёшдан,
Ўт чиқиб кетса тошдан,
Мен ёниб йўлга тушсан,
Қувониб йўлга тушсан.
Тасаввур қил, бор ҳайкал
Бир-бир ўрнидан турса,
Дала қолса, қолса зал,
Барн ёниб югурса.
Тасаввур қил, ётоққа
Ёнар ўт, кириб борсан,
Ўт сифмайдир қучоққа
Бегонадай боқарсан.
Кўнглим оғриб, ўшал тун
Уйдан бўларман гойиб
Ва ҳайкал дўстларимга
Қўшиларман мунғайиб.
Биламан, Сен ортимдан
Югурасан қоқилиб,
Барча туллар уйида
Бирдан чироқ ёқилиб,
Яланг бош, яланг оёқ
Отилишар кўчага.

Үйлар ёнар, ёнар боғ
Үт кетади кечага!!!
Йўқ, йўқ, мен бу қизиққон
Шеърни қўйдим-да ёзиб,
Эй, мен учун куйган жон
Муносибим, муносиб.
Тун. Уйга қайт-да шерик
Сўзимни сўйлаб ухла,
Бўйимни бўйлаб ухла.
Сени қучолмаган, тик
Эрингни ўйлаб ухла.

ВАТАН БАХТИ

Урушдан қайтганлар, ё қайтолмаган,
Бевақт қўпорилган дараҳт, оталар.
Қайтиб дардин айтган, ё айттолмаган,
Гунг оталар, соқов, караҳт оталар.

Тутун бўлиб қочиб чиққанлар — Ватан
Бухенвальднинг қора мўриларидан.
Гўдакларин ерга экканлар — Ватан
Ленинград. Қамал. Очлик зўридан.

Юпун, оч, қамалнинг изғиринида
Үпкасини совуқ олганлар ҳаққи,
Ҳар ханжарлар ҳали чиқмай қинидан,
Ёв тупроғи аро қолганлар ҳаққи,

Иигитга кўрпадай ёпилган қорлар
Очиқ кўзигача тўлгани ҳаққи,
Тунда ўт-ўлан еб шишган bemорлар
Тонгда қаторлашиб ўлгани ҳаққи,

Ватан, бул яралар кетмайди битиб,
Ватан, Сенинг номинг қон аралаш ШОН.
Сенга келган ўқса кўксини тутиб,
Фарзандларинг шундай бергандилар жон.

Шундан Ватан десам, десам мен байроқ,
Кўксим оғир, оғир, кўп оғир бу баҳт.

Кўксимга ўт тушиб ёнабошлар боқ
Қўпорила бошлар дараҳтлар бевақт...

Менам бир фидойи руҳ ила бир тан
Ез кунларинг ёзлаб, қишингни қишлиб,
Қетяпман, Сен билан қовушиб Ватан,
Аччиқ, азиз баҳтинг тишимда тишлаб.

ҒАЛАБА

Кўкламда қор босди ерни устма-уст,
Бинафша қор аро кўрсатди дийдор.
Мана, шу ғалаба деган иссиқ сўз,
Демак, босолмади ғалабани қор.

Бошимга ёғилди сангি маломат,
Чапламоқ бўлдилар доғ устига доғ.
Қабиҳлар ўқидан қолдим саломат,
Демак, ғалаба ҳам қолди соппа-соғ.

Мен сенинг ўтингда исинганимда,
Ишқ енгар. Ғалаба. Қўзим тинади.
Ишқ менинг жон-жонимга сингганида,
Қонимда қип-қизил гуллар унади.

Қечаман, ороми нақддан кечаман,
Илоҳий бир қудрат берар менга куч.
Бир шеър деб тун бўйи оғу ичаман,
Тонгда келмоқ учун ғалабага дуч.

Ғалаба!
Самовий Янгроқни қара,
Уни деб жангларда қанча дўст қолди.
Йигирма миллион кетди йўқликка қараб,
Ўрнида ғалаба деган сўз қолди.

Бевалар тару талх ҳижронни ичгач,
Жигаридан силқиб қасосу хунлар.
Эрлари фашистнинг ўқига учгач,
Ғалабани қучиб қолди-ку тунлар.

Қай йиллардан келар бул жонбахш нидо,
Бул — шароб!
Бир тўйиб ичмоқлик учун.
Менам жоним нисор, кетяпман фидо —
Уни бир бор тўйиб қучмоқлик учун!

Ғалаба!
Бул қадар чиройли сиймо!
Унинг таърафига борми лойиқ сўз?
Ғалаба келтирсинг Сенга ҳар бир тонг,
Ҳар бир тонг бир қадар юксал, азиз дўст.



ТИЛАК

Она, ўтган умрда баҳтни кўрдинг оз,
Буёғи хотиржам кечсин кунларинг.
Ота, қиёматга қолмаган қасос,
Бор бўлса кўксингдан кетсин хунларинг.

Сенга яхши аёл тилайман, ака,
Биринг икки бўлиб рўзғор гулласин.
Яхши-ёмон кунда келсин кўмакка;
Нон бўл — тўймасин ул, сув бўл — чўлласин.

Синглим, фарзандимдан ортиқроқ синглим,
Қулф урап қоп-қора қошларинг қийғоч.
Сенга бир лойиқ жуфт тилайдир кўнглим,
Тонгда кўзинг баҳтнинг ўпичидан оч.

Сирда, синоатда тушдик жуда мос,
Жон дўстим, сен десам сўзни улайман,
Ҳеч ким менинг каби Сенга фидомас,
Сенга ўзим каби бир дўст тилайман.

Халқим,— дейман дийдам тўлиқиб ёшга,
Гуллар, сўлмас гуллар тилайман Сенга.
Тағин бу гулларни омон сақлашга —
Курашchan ўғиллар тилайман Сенга.



Онажон, ўтири, бир ҳасратлашайлик,
Мен недир айтмадим, нимадир айтдим.
Барчасин унутдим, сен-ла яшайлик,
Югурик йўлларда тўхтадим, қайтдим.

Онам, танҳогинам, ёлғиз ойимсан —
Умринг саволлардир, яккаш саволлар,
Сен менинг кўкракда оғриқ жойимсан,—
Кечир, ололмадим уни даволаб.

Нега, нега сўрар кўзларинг чўкиб,
«Нега»лар сарғайтар рангингни кун-тун.
Сўроқлар остида куз япроқ тўкиб,
Қўклам келаверар, ҚУВОНЧ бермас ун.

Таърифи энг буюк ҚУВОНЧДИР — эрнинг,
Аёл таллинаркан минг дарё кечиб,
Сен ўша ҚУВОНЧни урушга бердинг,
Ўзинг ғамгин буюк ҲАСРАТни қучиб.

Эшикдан эгилиб ҚУВОНЧ чиқар пайт,
Сим қандоқ чидади, кўкрак — тордаги.—
Ёстиқларга тўккан минг дардингдан айт,—
Минг соғинчингдан айт, ёстиқлардаги.

Бошқасин қўявер, ортиғи-ками,
Ювсанг кетадиган қўлнинг гардиdir.
Энг буюк ғам, асли Қувончнинг ғами,
Энг табаррук дард ҳам соғинч дардиdir.

Онажон, ўтири, бир ҳасратлашайлик...

ЧАҚИРИҚ

«Менга ёрдам беринглар»,— тұшагига михланган,
Кампир ёрдам сўрайди, ҳеч ким келмайди етиб.
Ҳеч ким овоз бермайди, наҳот ҳамма ухлаган,
Қават-қават дераза, эшикларин беркитиб.

Қаравотдан дераза, эшикка тортилган ип,
Аммо тортиб очмоққа дармон қани, қўлларда.
Чопқир оёқларини баднафс уруш қўйган еб,
Ленинград. Изғирин. Блокада, йўлларда.

Аввал уруш, очлик, сўнг ёлғизлиги қўшилиб,
Мана, сўнгги йилларда тўшак билан бир бўлди.
Дард бошқа, ажал бошқа кета олмайди ўлиб,
Гоҳ ёрдам ўтинганда юрак-бағри ер бўлди.

Қўшнилар сон-саноқсиз, бир устин ўровчи йўқ,
Унин эшитиб кирмай ўтиб юргани қанча.
Билишарки — ул ойдай ёлғиз, бир сўровчи йўқ,
Шундан уйнинг бўшашин кутиб юргани қанча.

«Оҳ-воҳ» қиласкерманг деб гоҳ ўтишар ҳам яниб,
Ёраб, қичқириғин ҳам айтмоғи шарт шивирлаб.
Менга ёрдам беринглар, уларни олай таниб,
Одамми шу атрофда тинмаганлар, ғимирлаб.

Одамми шу интизор, илтижога кар бўлиб,
Хонасин ичдан қулфлаб илмни қуваётган,
Бир хаёли амал-у, бри хаёли зор бўлиб,
Терлаб олим эрчасин кийимин юваётган.

Одамми эшигига қопағон итлар қўйиб,
Мушугин косасин ҳам тилло қилиб юрганлар.
Шул дераза тагидан кўру, кар ўтиб, суюб,
Ялашиб бир-бирини, ялло қилиб юрганлар.

Ҳой одамлар! Бул недир, анқиётган аччиқ дуд,
Ёрдам керак кечикмай бир-бировга беринг ун.
То имон, эътиқодга тамом кетмасидан ўт,
Блокада кунлари қайтиб келмасдан бурун.

ЧИННИ ҚОСА

Ўғил-қизи гуллаб, кўкариб
Етилганда, одамлар олди.
Ҳар бирини бошда кўтариб,
Она ўзи букилиб қолди.

Бугун улар яшарлар бекам,
Қўндирамаслар киприкка гардни.
Аммо ҳамон дил ўксиган дам
Бориб унга тўкарлар дардни.

Бор ғурбатни — эскими, янги
Айтиб-айтиб ўйга толдириб,
Қайтиб учиб кетарлар, енгил,
Юкларини унга қолдириб.

Оғир, бедор кечар яна тун,
Қўкрагида ортади оғриқ.
Фарзандлари... эсга тушган кун
Хат ёзарлар тилашиб соғлиқ.

Хато, хато, хато бу ҳоллар,
Бу ёзуғни ўзинг ўчиргил.
Турли ёққа эсган шамоллар —
Фарзандларни ўзинг кечиргил.

Ўнта фарзанд ўн баҳтга әга,
Ҳар бирин ўз ишқу ғазали.

**Ўнта гўдак талашиб есан
Битта чинни коса асалим!**

**Тўхтанг, уни тинмасдан ичиб,
Еяпсиз-ку, уни тинмасдан.
Ўн томондан ўнта қуш учиб,
Етиб боринг коса синмасдан.**

**Тўғри, рўзғор нондир, рўзғор сув,
Аммо Она, Онадан нари
Тортарми қиз қўғирчоги-ю
Ўғилчанинг самокатлари...**

**Тўхтанг, бундай яшамоқ таҳқир,
Сизни қандай тақдир кутмоқда?
Ўновингиз ярарсиз, ахир,
Бир кампирни бошда тутмоқقا.**

**Яшаяпсиз гўдакка ўхшаб,
Керак пайтда солмай қошиқ, чанг,
Тўхтанг, коса қолмасдан бўшаб,
Тўхтанг, коса синмасдан тўхтанг!**

МУҚАДДАС АЁЛ

Ошиқларинг пойингга гул отиб ҳам бўлди,
Хилватларда лабингдан бол totиб ҳам бўлди
Ва бу ҳақда кимларгадир сотиб ҳам бўлди,
Сен бари бир муқаддассан,
Муқаддас Аёл!

«Аввал: «Кел-эй, қучогимга тўл, балқ», дедилар,
Унамадинг, аёл ўзи терс «халқ», дедилар.
Ичолмагач юз ўгириб шўр, талх, дедилар,
Сен бари бир муқаддассан,
Муқаддас аёл!

Сен дарёсан, ўпганини қирғоқ яширап,
Жуфтим бўл,— деб чопганини ҳар тоқ яширап,
Жаннатим,— деб қувонмасдан қумлоқ яширап,
Сен бари бир муқаддассан,
Муқаддас аёл!

Асли бу бор эрмакларнинг борар ери Сен,
Росту ёлғон эртакларнинг борар ери Сен,
Асов отдай эркакларнинг борар ери Сен,
Сен бари бир муқаддассан,
Муқаддас аёл!

Чорлашганда сен келсанг, гоҳ бекор келсанг-да,
Маст даврага бир сарин ел, бир тор, келсанг-да,

**Хор келсанг-да, номардларга гоҳ хор, келсанг-да,
Сен бари бир муқаддассан,
Муқаддас аёл!**

**Қимтинасан, астагина кўтарасан бош,
Минг йилликдир кўзингдаги жовдираган ёш,
Гуноҳкорлар мингу битта Сенга тегар тош,
Сен бари бир муқаддассан,
Муқаддас аёл!**

**Ҳарир, хушбўй баданингда тошлар изи бор,
Кўкрагингда әгилган не бошлар изи бор,
Қуёш изи, куйдирган қуёшлар изи бор,
Сен бари бир муқаддассан,
Муқаддас аёл!**

ХАВОТИР

**Жуфт ҳалолим! Кулгуси сим-сим..
Оҳ уруш-эй, кўкайинг синсин.**

**Соб бўлмасдан айрилиқ, азоб,
Наҳот умрим бўлмоқдадир соб.**

**Синиқ-синиқ кўкайимга сен,
Дард-хўрсиниқ кўкайимга сен.**

**Тоғ устига тоғлар қулатиб,
Доғ устига доғлар қулатиб,**

**Бор бахтимни юлиб ўтказдинг,
Кўрмагандай қилиб ўтказдинг.**

**Чимилдиққа кирган дам қани,
Арслонворим, бош эгам қани?**

**Қирқ йил бағрим қийилиб кутиб,
Бор лаззатдан тийилиб, кутиб**

**Сирларимни оқ қорга айта,
Суякларим оқарган пайтда**

**Қим кўтарар тобутимни жим,
Жуфт ҳалолим, кулгуси сим-сим?!**

ТУМАРИСНИНГ АЙТГАНИ

Аёлнинг оғири, қўрғошини мен
Қасос мени ҳам силкитди, қўймади.
Қонли хумга тиқдим ёв бошини мен,
Қонга тўйсин дедим, тўймади!

Мен ҳам нафис эдим, ситора эдим,
Қасосимга бўйинсуимаганимда.
«Замон, замонингга ўт кетсин»,— дедим,
Ханжаримнинг дамин синағанимда.

Набирам, Сенга ҳам етади бу хун,
Асли йўқ нарсани сўрамам Сендан.
Рақиб дуч келганда йиғламай маҳзун
Қон юқи ханжаринг суғургин қиндан.

Қасос ҳаволарин очлик билан ют,
Гарчанд ситорасан, нафис аёлсан.
Менинг гумоним йўқ кетмоғига ўт,
Сен агар «ўт кетсин» дея қўзғолсанг...

ҚҰҚРАГИ ДОҒЛИЛАРГА

Ривоят қилурлар-ки: бир табиб чархлаб пичоқ,
Зоғ кўсини тиларкан кўриб қолибди бир доғ.

Воҳ, кўкси доғлик экан, бул зоғни қўйибди ул,
Дарҳол тутиб келтириб бошқа зоғ сўйибди ул.

Ёраб, бунда ҳам бир доғ, яқосини тутибди,
Ҳайрат билан учинчи зоғ кўксини титибди.

Доғ устига доғ эмиш, учинчи зоғ кўкраги,
Ҳайҳот, шунча дард чекса, қушлар, ҳатто кўқдаги!

Ва жунбушга келиб ул кўксин очмиш минг зоғни —
Оҳ уриб ҳар бирида кўрганида бир доғни...

Беҳол табиб ёзибди «бу дунё кўп қадим», деб,
«Унда бирорта зоғи бедоғ учратмадим», — деб.

...Одамларда бедоғ дил, әгилмаган қад учрар,
Кўкрагида бир доғ йўқ, бедард, бўйи бад учрар.

Аммо менинг шарафим кўкракнинг доғларига,
Кўкси доғлини олдим кўзим қароқларига.

Йўқ, йўқ, беҳудага ҳеч кўкракларга тушмас доғ,
Шифил мевасин ахир кўтаролмай синар шоҳ.

Қатор ўғил-қизини ўстиргунча тик қилиб
Отанинг тик қомати қолгай ахир букилиб,

Үриб қирқта кокилни қизига бергунча то
Онанинг ўз соchlари тўкилиб бўлгай адo.

Йўқ, йўқ, беҳудага ҳеч кўкракларга доғ тушмас,
Бизнинг лаблар соҳта сўз, мақтовларга қовушмас.

Ҳақ сўзимиз рўёни албат ўтажак янчиб, -
Шу ҳақ сўзни айтгач гоҳ қолар кўксимиз санчиб.

Бизнинг юрак доғлидир, ким учундир куйдик биз,
Ким учундир кўкракда оғриқ, дардни туйдик биз.

Соғлом, бўм-бўш қалб билан яшамадик бекорга,
Яраланиб бўлса ҳам малҳам бўлдик беморга.

Сўнгги йўлга кетармиз, шафқатни тишда тишлаб,
Доғли, ярадор, лекин тоза юракни ушлаб...

Онанг қариёлмас, қариёлмас отанг,
Имкон ярат, қарисин улар.
Сен йўл қўйган ҳар битта хато
Зардобдай уларнинг кўксига тўлар.
Токи Сен қоқилиб йиқилаверасан
Ҳар бир тош, ҳар харсанг, ҳар бир қояга.
Қаримоққа ҳаққи йўқ уларнинг
Етиб келмоқлари шарт ҳимояяга.
Дўл урар... ёмғирлар чўқир, бўлиб тош
Улар билан қатъий қилолмасанг жанг,
Чопқиллайверади отанг шўрлик — ёш,
Бўзчининг мокиси бўлади онанг.

Қайда дард әли бўлса мубтало Увайсийман.

Ким билар бу ҳаётда қай тақдир аъло бўлғай,
Шоирга ўз юраги бир умр бало бўлғай,
Қайда дард әли бўлса шоир мубтало бўлғай,
Менам билмам, дунёга ғамми, нурман, моможон,
Мубталолик дардига меросхўрман, моможон.

Гарчанд зикр этганилари булбул бўлган, гул бўлган,
Гарчанд ҳар ашъорига минглаб юрак қул бўлган,
Бедилни билардингиз, дили ёниб кул бўлган,
Нечук сизам шу ўтга кўп шошдингиз, моможон,
Кўра-била ўт билан ўйнашдингиз, моможон.

Ҳазрати Навоий-ку назм бобида шоҳ ўтди,
Мангутакрор ўлмагай энди бу янгроқ, ўтди.
Аммо кўнгил уйида ёқмасдан чироқ ўтди;
Аммо бу соҳир кўнгил доғ ўтди-ку, моможон,
Ёраб, шоҳ йигит умри тоқ ўтди-ку, моможон.

Нодираи Даврон-ку сурардилар давронни,
Шеър ила куйлатарди халқи-ю, Умархонни.
Нечун кун келиб у ҳам жаллодга берди жонни,
Ҳатто **Моҳларойимдай**¹ ойим бебаҳт, моможон,
Айтинг, кимга баҳт берган бу шеърий таҳт, моможон.

¹Нодирани «Моҳларойим» ҳам дейишган.

Йўқ-йўқ, гарчанд то абад дилга оғриқ ҳамроҳдир,
Шеър ўзи энг буюк баҳт, бунга тарих гувоҳдир,
Шеър нурин пайқамаган қай қалб бор-ки, гумроҳдир,
Баҳт ё бир эътиқодда маҳкамликми, моможон,
Бир дардиманд юракка малҳамликми, моможон.

Пушкин шеърда озодлик каъбаларин тиклади,
Сўнг он қадар хор-зорни суяди, қўлтиқлади.
Собит туриб бешафқат ўз ўт кўксин тиғлади,
Аввал-охир шоирни ўтда кўрдим, моможон,
Азал шоир дардини катта кўрдим, моможон.

Бу ўт менга ҳам сачраб ҳар хуш дамни ёндириди,
На ҳар хуш дам, ҳар битта ҳужайрамни ёндириди.
Ҳақ, шеър қолди, қолган бор ортиқ-камни ёндириди,
Қўлланг, менам шу ўтни жонда туяй, моможон,
Қўлланг, то рўзи маҳшар унда куяй, моможон.

ЁЛҒИЗ ҮФИЛ ҲАҚИДА БАЛЛАДА

Сен чақиргин, чақир вақт топганинг дам,
Оралиқда овоз юриши керак.
Йироқ қишлоқдаги мушфиқ онанг ҳам
Үйга кириб-чиқиб туриши керак.
Чақириб бўлса ҳам айбларингни юв,
То уйга бутунлай кетмасин кириб,
Тувакдаги гул ҳам тўкилади дув
Турмасанг сув қуийб, эслаб, чақириб —
Сукутдан суяги симиллаб оғир,
Қийнайди ёлғизлик бўлиб тун келиб
Сезгир қулоқлари кундан-кун оғир.
Эшитмай қолиши қийин кун келиб.
Имиллаб «шукур, ҳар тирик дамга»,— деб
Баъзан кунчувоққа чиқиб ўлтирас,
Эрмак деб, шаҳарлик неварамга, деб
Алвон кўйлакчалар тикиб ўлтирас.
— Тўғри-да, меники ярашмас, қўпол,—
Дейди-ю, бари бир кетади куйиб.
Нимага шу ўғли бўлмади чўпон,
Боласи юрарди тикканин кийиб.
Келин саҳар туриб сув иситарди;
Уқаларди оғриқ оёқларини —
Таяниб, умридан рози ўтарди —
Ўғлининг чўпонлик таёқларини...
Бирдан тикишини йигади беун
Эслаб бир вақт шундай тикканларини —

Келин кўйлакчасин ёқтиргмаган кун
Қўнглининг азият чекканларини —
Йўқлаб келишганди қайсиям бир йил —
Гўдак «бувижон»лаб отилгани чоқ,
Ният қилиб тиккан кўйлакчасин ул
Қизчага кийдириб термулди узоқ.
Қизча чиқди учиб-қўниб атрофга,
Келин ҳайрон бўлди, қовоғин уйди.
Кейин деди «ўраб қўйгандай қопга,
Ойи, бунингиз не балони кийди?!»
Ундаи деманг, болам, ўзим тикувдим,
Деди, дийдалари тўлиб ёшларга
«Менам магазинга кеча чиқувдим
Буни берақолинг қариндошларга».
Кампир ўғли томон ташлаб кўз қирип
Үйга кирди, артмай кўз ёш, жолани.
Эр деди: «Шу ишинг бир оз ноўрин —
Сира ўрганмадинг муомалани!»—

Шу кунларни эслаб, эснаб, толиқиб,
«Шунга ҳам шукур» деб, тоқатни тишлаб
Онанг яшар, борсанг бугун йўлиқиб,
Бугун қайтажаксан, қолмайди ушлаб,
Сен билмайсан, онанг бежон, бедармон —
Ахир сени бир кун тутиб туролмас,
Билмайсан-ей, онанг дили қондир, қон —
Бу қон билан балки узоқ юролмас...
Ўз уйингда ейсан, тўйиб ичасан,
Уни сукут — сиртмоқларга топшириб.
Кун келар, сен талх қон ютиб учасан,
Ул чақириб, қўйгач сени шошириб.
Сен «бу ўлик меники» деб кирган дам,
Бирор сенга кимсан демас, сўз қотмас,
«Вой онам»лаб тобут томон юрган дам,
Тўсадилар, яқинига йўлатмас.
Кейин аза очар унга еру кўк

Бул шўрликнинг паймонаси тўлган деб.
Ерда чироқ ёқкувчиси қолган йўқ
Ёлғиз ўғли аллақачон ўлган, деб!

* * *

Бугун чақир, чақиравер уялмай,
Ҳеч бўлмаса овоз юриши учун —
Йироқдаги онанг ўтириб қолмай
Үйга кириб-чиқиб туриши учун.

БИР АЁЛНИНГ ЎТМИШИ

У бегуноҳ пок аёл бугун,
У эгилган мажнунтол бугун,
Кўзларида меҳр, бол бугун,
Кеча қандайди?

Ой йиғлаган, йиғлаганди ел,
Ўт-қон билан қоришганди эл,
Аммо унинг кўз ёшлари сел
Бўлган эмас бирор пайти.

Жанг бошланар, босиб келар ёв,
Эри кетар бўлмоқ учун ғов,
Ёв йўлига, кечиб сув, олов.
Аёл гулларди.

Уч гўдагин устидан қулфлаб,
Давраларда очиб кўнгил, таъб,
Қора тунлар ичра бўлиб даф,
Танин пулларди.

Каттаси асрай деб жонини,
«Қовурмоч» деб мақтаб номини,
Хом-хатала макка донини
Едиради кичкинтойларга.

«...Қозонда сут ётибди ачиб,
Сиркалабди синглисинг сочи,

**Кетмоқликнинг йўқми иложи
Онаси кетмас бир жойларга?!**

Йўқ, илож йўқ...» қараса бир чоқ
Сингилчаси докадай оппоқ
Шишиб борар... Синглиси, бироқ,
Кетиб қолди, тонгда, жон бериб.

Қулф шиқири, ғимирлар овул...
Аёл кирап тағин очиб гул.
Уввос солған тўнгичини ул
Оғзин ёпди тишлам нон бериб.

У бегуноҳ, пок аёл бугун..

ИЛИНЖ

(Баллада)

Фарзандларингни қабринг устида йиглашлари учун уларни тириклигингда йиглатма.

Пифагор

I

Жанг бошланар, қаттол жанг,
Отланар ёшу қари.
Эри-чи, аланг-жаланг,
Билмасди не қиларин.
Кўп тансиқ ҳаёт нури
Чалғитдими гумроҳни.
Дер, йўқ, елкам чуқури —
Кўрсин дўзах, жанггоҳни.
Ҳар ҳолда ўлмас, дардга,
Оғриққа қилар тоқат.
Қетганлар кетди, ортга
Қайтмоқда-ку қорахат.
Жон ширин кўринди, хун,
Қўрқувга, ўйга ботди.
Бош бармоғини бир тун
Ўз қўли билан отди...

II

Тонгда кетдилар олиб
Итдан баттар этиб хор.
Уч гўдак билан қолиб
Аёл тебратар рўзғор.
Тириклик тошдан қаттиқ,
Нон қаёқда, қовурмоч.
У ҳам мўл бўлса кошки,

Ярим тўқин, ярим оч —
Уруш. Қишаоқда бор иш
Бўлинган аёлларуа.
Ток бўғзини юмшатиш
Белда мадори борга.
— Бақувватроқ бир сенсан,
Кетмонингни ол, Гулнор,
Иш унумсиз. Аҳвол танг,
Боққа тезроқ етиб бор.—
Шундай дер бригадир
Тақиллатиб эшикни.
— Жон болам, иргаб ўтири?!
Чақалофу бешикни
Каттароғига бериб.
Гулнор шошади ишга
Бақувват бўлмоқ керак
Ток бўғзини очишга.

III

Ичи бўш қоп тик турмас,
Шижоат қани тонгги,
Кун чошгоҳга бормасдан
Бўздай оқарап ранги.
Ич-ичи силинади
Кўтаролмай кетмонни.
Овсинлар илинади
Битта зогора нонни.
Нон четидан бир тўғрам
Зўрга ушатиб ейди.
Ноннинг қолганин ўраб,
«Болаларимга»,— дейди.
Зир қақшайди тоқатлар,
Ярим очин, ярим тўқ,
Қамоқдан келар хатлар
Эрнинг ўзидан совуқ:

«Қишдан бир амаллаб чиқ,
Боқ қўшилар молини.
Билгин, қўши қишлоқлик
Гулсуннинг аҳволини.
Ҳамон ҳар тонг, кечада
Кийинарми хил-хиллаб,
Ҳамон бизнинг кўчадан
Ўтадирми қилпиллаб?
Лаванг эри тирикми,
Қора-пора хат йўқми?
Фашист аяпти чоғи
Унга аталган ўқни.
Эрин айтганди бир пайт:
«Эр эмас, бу латта, деб
Менинг ҳолим сўрса, айт,
Гижинглаган отдай деб».

* * *

...Ёраб, келмасидан куз,
Келди сўлмоқ, саргаймоқ,
Сомон бўлди анор юз
Соф юракка тўлди дот.
Рух синганида, бешак
Вужуд ҳам синар охир.
Бунча тортмаса тўшак,
Қомат бунчалар оғир.
Шуми ишқ садоқати?!

Ранги заъфар, зард бўлди.
Номард эрнинг ҳар хати
Уни ийқан дард бўлди.
Кўкракка санчилиб тиф
Азоб, армон аралаш,
Бир тун йўталиб қаттиқ
Тупурди қон аралаш...

IV

Жангдан Гулсуннинг эри
Қайтди бир оёқ бўлиб,
Қайтиб қуриди шўри
Хотини саёқ бўлиб.
Элда кўтаролмай бош
Йигит ёшда синди тор.
Ииқилганга отиб тош
Нопок аёл шармисор.
Қўли етса чанг солиб,
Мингни кўрган бу хотин
Қўлтиқтаёгин олиб
Эрин урган бу хотин —
Кимга вафо қилас деб,
Эл йиғлади, эл кулди.
Талоқ хатини бериб
Мардон чўлоқ қутулди.

V

Гулнор, менинг Гулнорим,
Гуллар чоғ сўлганингни,
Қўша гўдакларингни
Кўз ёшини қайтаман.
Хиёнатнинг ўқидан
Бемаврид ўлганингни
Норасидаларингга
Қай тил билан айтаман?
Сўнгѓи кунлар Сен қўшни
Келинчакни чақириб,
Дебсан:— Эшитинг, тез кун
Паймонам ҳам тўлади.
Ҳушёр бўлинг, жон ўртоқ,
Опам қолмасин кириб,
Бу ғамларим эшитса

Мендан олдин ўлади.
Эрим шундай, ҳар хатда
Сўроқлайди Гулсунни.
Мен-чи, о, мен умрнинг
Қай лаззатин тотибман.
Опам шўрлик боисин
Билмас бул қора куннинг.
Мана, уч ой... бетиним
Кон тупуриб ётибман.
Кеча Хожарникида
Гулсун меҳмон бўлган чоғ,
Дебди «Уч-тўрт кун қолди...
Бу уйга мен эгаман
Эрига-ку, бошидан
Ташлаб қўйганман тузоқ,
Қамоқдан чиқар эмиш,
Келган куни тегаман...
Ёраб, пишак тиловлар
Етар муродларига,
Уч гўдагим қолдириб
Кетиб бораётибман.
Йўқ, фалак ҳам етмади
Кўнглимнинг додларига,
Кўзим очик, дунёдан
Ўтиб бораётибман.
...Шу чоғ опанг кирибди
Кўзларида ёш билан:
— Нафасинг елга кетсин,
Куз дориган баҳорим,
Мени кимга ташлайсан,
Учта жужуқ бош билан.
Ўрнингга мен кетайин,
Опанг ўлсин, Гулнорим.
Шу чоғ қайдан олдинг Сен,
Бул қадар донишмандлик,
Шу чоғ қайдан олдинг Сен,

Бул қадар осойиши.
Дэбсан: менда узилар
Бул ҳаёт билан бандлик,
Жоним опам, қўй энди,
Гулнорингни койиши.
Ўстирсанг, қизим Сенга
Мендек бўлади сингил,
Ўғилларим — суюнчинг
Ҳар учкови сенгадир.
Энди белингни маҳкам
Боғла, бузмагил кўнгил,
Сенга бало эврилса
Шул учкови енгадир.
Норасидаларимни
Фақат сенга иондим,
Учковини улғайтсанг
«Ёлғизман» деб ҳеч кўйма.
Гўдакларим хўрланса
Гўрда ўт бўлиб ёнгум,
Жон опажон, гўримда
Мени қўзғатиб қўйма!
Ўтинаман, уларнинг
Кўзига ёш қўндирма.
Мен кетгач, сен айт, улар
Сени Она десинлар.
Энди хўшлашай, мард бўл,
Гўдакдай йиғлаб турмай
Яқин қариндошларга,
Хабар юбор, келсинлар.

VI

Ақли шунчалар тиник,
Шунчалар тинч асаби.
Гулнор кетди дунёдан
Меҳмонга кетган каби.

Опа йиглар: «Қулф урган,
Тили болим кетди, деб,
Сочи ерни супурган
Мажнунтолим кетди», деб.
— Ёху, «Она» дейди-ю
Қизинг күнгли тўлмайди.
Үғлинг «Она» деганда
Опанг қандоқ ўлмайди?!
Кипригимнинг устида
Гўдакларинг кўтарай.
Сен тирилиб кел, гулим,
Майсадай мен кўкарай!

VII

Уч кун ўтиб эр келди
«Яллама ёрим»ни айтиб.
Қўнглимга ғам сиғмас деб
Важ қилди толганини.
Чошгоҳача ҳам турмай
Шаҳарга кетди қайтиб
Етказдилар Гулсунга
Ўйланиб олганини.

VIII

Кейин...
Кейин, ёраб, ноҳақлик
Билмайдирми чегара.
Ҳали эскирмай туриб
Хижрон, аза-ю азоб,
Улар бошлишиб келди:
«Биз шу ерда турамиз»
Болаларни қолдириб

Сен ўзингга бир жой топ.
— Шунга уйландингизми,
Қуёв, шуни қўйинг сиз —
Гулнор ҳали ўлмасди
Шу ўлдирди илон, ёв.
Рўмолимгача сотиб
Ўтказайин тўйингиз.
Бошқа аёл топайлик,
Шуни қўйинг, жон куёв.
— Нима дединг, Сен бадбаҳт!
Эр келаркан ҳезланиб
Кўни-қўшни ёғилди,
Деб «Сен иблис қавмидан --
Бадбаҳтликини бу уйга
Сен опкелдинг ҳамма вақт!»
Ва яккисин кетма-кет
Ҳайдадилар ҳовлидан.

IX

...Мана шундан қирқ йиллар
Ўтаётган пайтдир бу,
Бугун эр айрилгандир
Кўзларининг нуридан,
Қарз ҳеч кимда қолмайди
Дунё қайтма-қайтдир бу,
Бугун ота хор қайтар
Ҳар фарзанд ҳузуридан.
Соясидан баҳр олар
Хеш-ақрабо кўкариб
Ҳар фарзанд-ки юксалган
Гуркираб худди чинор.
Холаларин юрарлар
Нақ қўлларда кўтариб

Ва лекин ҳар бирида
Унут бўлмас қасос бор.
Ҳеч ким унутилмайди,
Улар жазо олсинлар.
Бу қирқ йил-ку, минг йиллик
Қотиллар ҳам топилсин —

Улар арвоҳдай изғиб
Кўча-кўйда қолсинлар.
Мехр тилаб борганда
Бор эшиклар ёпилсин.
Азал-абад аждоди,
Авлодидан кетсин шон,
Тавқи лаънат тожини
Қийишиб бошларига,
Қанча тирик юрсалар,
Шунча бўлсинлар нишон
Қабоҳат тошларига,
Маломат тошларига!

Қадамидан ўт, куюк
Иси димоққа урсин.
Ўз ўлимни тиласин
Ерда ортиқ юрмай деб,
Шафқат тангриси ундан
Юзин кескин ўгирсин.
Ҳукм қилсин: «Йўқотинг,
Қаро йўл»ни кўрмай деб.
Ўлим ҳам жиркангандай
Аро йўлда ўлса дол,
Тўймас кўзин тупроқ ҳам
Ҳазар қилиб ёпажак.
Қўчасидан ўтаркан,
Үйлаб кетар тенгқур чол.
Шундоқ яшаб ўтганлар,
Шундоқ ўлим топажак!

Тагин ўйимга Гулнор
Қелади, ҳоргин, озиб,
Зоғорадан бир тишлам
Зўрға ушатиб ейди.
Қолганини рўмолга
Ўраб, бағрига босиб,
«Емайман, йўқ, буёғи
Гўдакларимга», дейди.

ИТТИФОҚ

Агар эркак узун кунда аёлини бирор он
Эсламаса ва аёл ҳам яшайверса шундай чоғ,
Демак, улар бир-бирини тушуммагай ҳеч қачон,
Демак, ушбу хонадонда яшолмагай иттифоқ.
Қай уйдан-ки кўзларини ёшлаб Иттифоқ чиқар,
Шул эшикдан ким чиқса ҳам афтодаҳол, тоқ чиқар.

Қиёмат кун қўшинидан дер, яхши-ёмон кун келар,
Қовжираган маҳалларим ул ташламаса соя,
Бу ҳаёт, бу омадлар ҳам гоҳ ёлғен, гоҳ чин келар,
Ёлғон келса, чопиб чиқиб ул қилмаса ҳимоя,
Йироқ қондош-жондошларим хабар топгунича то,
Тўғриликни енгдим-ку деб қаҳ-қаҳ урмасми хато?

Улар ака-ука, сингил, бир бойлам чўп эдилар,
Бугун нечук яшолмаслар бир-бировга бойланиб.
Гўдакликда бир тишламни тўртга бўлиб ердилар,
Бугун бу бойлам тарқалиб, якка чўпга айланиб,
Ёраб, бугун ҳар бирига, мерос, уй-жой етмас, гоҳ
Ерда бутун бир ер юзи, кўкда бир ой етмас гоҳ.

Ҳайҳот, бошда ўқ ёмғири, ботиб қонли кечувга,
Шеригини ўқдан тўсиб ўзи ўққа учган жон —
Руҳи бугун дуч келаркан гоҳо юраги қувга,
Нечун тупроқ ўт олмайди, ерга қуламас осмон —
Жангдагилар ёвлашганлар юрг билан жон талашиб,
Биз гоҳ нега ёвлашамиз мансабу шон талашиб!

Иттифоқ-ки қайдан кетди, шул ерга келгай бало,
Шул балони олмоқ учун аҳилликни сотарлар.
Икки рақиб бир-бирини отмай туриб, аввало,
Үртадаги Иттифоқни жайрон янглиғ отарлар.
То шоирмен, то қонимда бир ғамхўр ўт барқ ургай,
Иттифоқнинг умри учун қайғурганим-қайғурган.

Иттифоқни жигаримдек жон-жоним билан суяб,
Мен тонг билан қичқираман, дунёларни тўлдириб,
Ҳой, одамлар! Бир-бировни аяб яшангиз, аяб,
Ҳой, одамлар! Иттифоқни қўймангизлар ўлдириб!
То қўлин булғамас экан шул жайроннинг қонига,
Одам аро киравергай бир-бирининг жонига.

ҚАСОС

Тўхтанг, учмоқ эрки ҳамиша қўлда,
Эй, пойгода отдай терга ботганлар.
Синчковроқ тикилинг, кўринар йўлда
Маъюс Сиздан кетиб бораётганлар.
Турмуш юкларидан елкаси яғир
Бир-бир босиб ҳорғин, ҳансираган чол
Букчайгандир сизни кўтариб, ахир,
Оёқлари толган сизга ташиб бол.
Бугун ичи ғовак, омонат толдай
Ҳар шамол, тўфондан гичирлаб қариб.
Сиз ғолиблик жомин ичасиз залда
Қип-қизил юзингиз баттар қизариб.
Бир бурда, мункайган мана бу кампир
Жилмайиб турса ҳам хокисор, майнин,
Яримдир, унинг ҳам кўнгли яримдир,
У ҳам кетиб борар Сиздан он сайин.
Эмраниб «жон қўзим» деганларида
Йўқсиз. Қолаверар тиллари куйиб.
Сиз бу пайт телевизор экранларидан
Боқасиз ғолиблик тожини кийиб.
Ўзларига таскин беришар тўлиб:
«Мен боламни дейман, болам боласин!»
Бу таскин гулини ташлайман юлиб,
Сиз ҳам не эксангиз шуни оласиз!
Қаромат қиласман, Сизниг ҳам фарзанд
Донги олар еру кўкдан нарини.

Фақат, ўзи билан ўзи бўлар банд,
Танимайди, қавми, туққанларини.
У ҳам ўз бақувват оёғи билан
Сизнинг юзингизни босиб яшайди.
Дунёда қасосдай бир дор бор, баланд,
Ул Сизни шул дорга осиб яшайди!

ОНАМГА

Ҳамма нарса қувончга пеша,
Яқинлик йўқ зарра ғам билан.
Аммо нега Сизни ҳамиша
Хотирлайман кўзда нам билан?

Совуққонликни қилмай канда
Бўлса ҳамки дийдам қаттиқ тош.
Нега Сизга кўнглим тўкканда
Ўз-ўзидан кўзда қалқар ёш!

Шавқ, ҳасратга юрсам ҳам тўлиб,
Берсам ҳам не балоларга дош,
Нега енгилгина пар бўлиб
Кўксингизга жим қўяман бош,
Нега?

ОНАМНИНГ АЙТГАНИ

Мен-ку ерда яшаганим йўқ,
Демасманам Арши аълода.
Қамчилик йўқ, кўзим-кўнглим тўқ,
Аммо болаларим, бола-да.
Ўғлим-қизим, қуёш-оийм бор,
Ҳам сийнамда айрилиқ тифи.
Сўнг он қадар оғриқ жойим бор,
Бу — бош эгам ўрнин бўшлиги.

ТУҒИЛШ

Ашурбекка

Кечки мажлисни қизғин олиб бораётган Бобожон раис бирдан дудуқланди. Тилдан қолди. Күнгли беҳузур бўлиб, жонсизланаётганини ҳис қилди-ю, стулга чўкди...

Оёқ-қўли ишламай қолган раисни кўтар-кўтар қилиб уйига олиб бориб ётқизаётгандаридан, қўшни хонада, хотинини тўлғоқ тутарди. Хотини жон аччиғида инграр, ҳар инграганда Бобожон раис қўзғалмоқчи бўлиб интилар, катта-кичик болаларига «Онангга қаранглар» ишорасини қилиб имларди.

Вақти-соати етиб хотинининг кўзи ёриди. Ўғил туғилди. Во дариф! Ўйлади Бобожон раис шифтга тикилиб ётиб, тўкилиш, туғилиш... бир лаҳзанинг ицида.

«Суюнчи бейинг, суюнчи бейинг»,— доя кампир оппоқ ўралган чақалоқни «гапиририб» отасига кўрсатгани олиб чиқди. Бобожон раис чақалоқнинг ўзиникига ўхшаш қирра бурни, чўзинчоқ юзи, киприксиз кўзларига тикиларкан, нимадир айтмоқчи бўлиб тутилиб қолди. Кўзи жиққа ёшга тўлди. Унинг интигу зор йиғланган кўзларидан мана бу гапларни уқиш мумкин эди:

Эркакка йўл керак, болам,
Эркак йўлга йўл қўшар.
Бу йўлларга бирор чечак,
Бирор хору хас тўшар.

Бу йўлларга бирор сергак,
Бирор гангид, маст тушар.
Отанг йўлдан қолган куни,
Йўли бўлиб келдингми?

Эркакка эл керак, болам,
Сени қуршаб эл юрсин.

Яхши-ёмон кунингда эл
Сириб боғлаб бел, юрсин.
Энди мен юролмасамам
Элни алқаб ел юрсин.
Отанг элдан қолган куни
Эли бўлиб келдингми?

Эркакка тил керак, болам,
Тили билан тил олар.
Умри бўйи қўшин тортиб,
Қанча-қанча дил олар.
Аёл олар, кўнглин топиб,
Қатор қизу ул олар.
Отанг тилдан қолган куни
Тили бўлиб келдингми?

ОНА САДОҚАТИ ВА ҮГИЛ АРМОНИ ҚИССАСИ

Уруш битди. Келган келди, келмаган йироқларда қолди. Күнгли ярим келинлар қозонларини сувга солди. Кўксини ерга бериб совунган ким, йиглаб боласига алла айтиб овунган ким. Юраклари узилиб, сарғайган ой юзидан кўзёшлари сизилиб гўдагининг бешигини тебратиб ўтирган Сайрам келин бир вақтлардаги гунгурсдай қайнонасининг эшикдан шарпадайгина кириб келаётгани, томоқлари қуриб келаётганини пайқади. «Аҳ, ёмон куни қурсин-а, энам шўрли Равшанимнинг отаси урушга кетмаган пайтлар бир силтаниб уйимга кирса, фармонбардор овози гуриллаб, тахмомидаги кўрпа-тўшагимгача зириллаб кетмасмиди?! Бугун эса... Бугунги кунимга у айборддай, нимага кўзимга тик қараёлмайди?!» Шу аснода бўғилиб, Сайрам келиннинг нафаси қайтди, сўлиб қолган қайнона кон қақшаб, айтломай юрган гапини айтди:

Аввал ўти куюшмаса, деб куйиб юрдим,
Кейин қулуним қўш бўлди, деб суйиб юрдим,
Оting ўчур бу урушам бир илинж эди,
Бўталоғимни тушда кўриб, ийиб юрдим.
Энанг ўлсин, куйганимиз рост бўлди-ёв,
Болам, қора кийганимиз рост бўлди-ёв.

Қулунимни қаерлардан топай энди,
Қулунига қора баҳмал ёпай энди,
Ёлгизимдан ёдгоримни менга бер-да,

**Ит бўл, қуш бўл, сен кўпайгин, кўпай энди.
Тилим тишлаб тош бўлайин, кузатайин,
Қақшаб, ўзим бош бўлайин, узатайин.**

**Келин эмас, шўрли болам, болам бўлдинг,
Жон чиққунча кўксимдаги нолам бўлдинг.
Шу гапларни айтган тилим қирқилса-чи,
Қандоқ узай, жонга боғлиқ толам бўлдинг.
Тилим тишлаб тош бўлайин, кузатайин,
Қақшаб, ўзим бош бўлайин, узатайин.**

**Шамолман мен, уни елпиб эсмоқ учун,
Беланчакман, ётмоғига осмоқ учун.
Энанг ўлсин, ёдгоримни ташлаб кетгин,
Кўксимдаги жароҳатга босмоқ учун.
Тилим тишлаб тош бўлайин, кузатайин,
Қақшаб, ўзим бош бўлайин, узатайин.**

**Буғдой чочсин, тари чочсин, гул келиним,
Йўлларидан ёвлар қочсин, гул келиним,
Бу шўру тор пешонамга сиғмадинг-ку,
Пешонангни оллоҳ очсин, гул келиним.
Тилим тишлаб тош бўлайин, кузатайин,
Қақшаб, ўзим бош бўлайин, узатайин.**

Сайрам келин бу сўзларни тинглаб ич-ичидан инграб, «Хаҳ, тўрамнинг ўлгани, бу хонадонга ортиқалигим сезилибида», деб унсиз фифон чекиб, бу рўзғорга келин бўлиб тушганидан бери биринчи маротаба қайнонасига тик қараб, бу сўзларни сўзлайверди:

**Оҳ, энажон-ей, болам дейсизу алдайсиз —
Ёки ўлсанг ҳам мендан йироқроқда ўл, дейсиз.
Равшанинг отаси ўзингизники эмасмиди,
Қайси тил билан «ўзгага хотин бўл», дейсиз.
Тўрамнинг ўлгани ўнг кўриндими, энажоним-а,
Қўзингизга дўнг кўриндимми, энажоним-а?!**

Ботса, берманг егани бир тишилам көнимни,
Тинч қўйинг, эна, тўнкармасдан осмонимни.
Бунда ёдгорим, бунда-ку ёруғ жони-жаҳоним,
Қандоқ кетайин мен опқочиб ёлғиз жонимни?!
Ҳар тун тўрамни туш кўради бу ёстиқлар,
Ўзга бош тегса, чинқиради бу ёстиқлар.

Майли, умрим — қиши, кураганим — қор бўлсин,
денг,
Фақат ўзга эр номус бўлсин денг, ор бўлсин, денг.
Бегона эркак тўшагимни босган куни
Чилвир соchlарим узун бўйнима дор бўлсин, денг,
Қақшаб, ўзингиз ўтказмасдан тўйим, эна,
Уз қўлингиз билан мени қабрга қўйинг, эна!

Ана, шунда қайнонанинг кўзлари «ярқ» этиб очил-
гандай бўлди. Хаёлида: «Оҳ, шўрлик болам-а, сенинг
хаёлинг бошқа экан-ку, не ҳадикда юриб эдим, бугуни-
ми, эртами бари бир кетади, ёш нарса, неварамниям
олиб кетади, ўт кетди, хонумонимга ўт кетди, деб, тит-
роқларда туриб эдим» каби ўй-хаёлларини ўзича пичир-
лаб, Сайрам келинни бағрига босди. Келинининг би-
лаклари ҳам ток новдаларида унга чирмашди. Ик-
каласининг ҳам кўзёшлари шашқатор. Бироқ бу ғам
ёшими, севинч ёшими — илғаш қийин эди...

...Кунлар ўтаверди. Умр кетаверди. Қазоси етиб
қайнона кўзини юмди. Сайрам келин бир фарзанддай
қайнонасининг иззатини жойига қўйиб кўмди. Равшан
қирчиллама йигитмисан, йигит бўлиб вояга етди. Бу-
тун орзу-армонини шу ёлғиз боласида кўрган она унга
қишлоқнинг олд қизини олиб берди. Ҳою ҳавас билан
уйлантирди. Энди Сайрам келин илгариги пайтлардаги-
дай инграпиб нола қилмай қўйди. Вақти ҳам бўлмай
қолди, шекилли. Ўзиям, келини ҳар йили қўзиладими-
ей. Олтинчи фарзанди дунёга келганда Равшанбек

оғир дардга чалиниб, тўшак тортиб ётиб қолди. Сайрам келин узун тунлар тўшакка михланиб ётган Рустами Достондай бемор ўғли бошида инграпиб нолами, аллами айтиб ўтирадиган бўлди.

Беморнинг аҳволи кундан-кун оғирлашаверди. Бир кечадан кетиб бораётганини сезган Равшанбек хотини, болалари билан тинчгина видолашди. Рози-ризолик тилади. Онаси билан, яқин қариндошлари билан ҳам. Кейин, бир силтанди-ю, равон тилга кирди. Унинг кўзи юмуқ, алаҳсираётганга ўхшар, аммо бу тиниқ, шиддатли сўзлар, ўлим олди алаҳсираши эмаслиги, бутун умр ўйланган, аммо айтилмаган, юракда сақланган дардлар эканлиги билан онанинг, ўтирганларнинг кўнглини алғов-далғов қилиб юборди. Мана бу ўша лаҳзадаги Равшанбекнинг айтганлари:

Энам, сен энадан эдинг ёлғиз қиз,
Не учун мени ҳам ёлғиз ўстирдинг.
Бирровга суюна олмадим, эсиз,
Сениям ҳамиша ғамбода кўрдим.
Укам деб бирровга беролмадим юк,
Синглим деб бирровга айттолмадим сир.
Энам-а, энажон, сендай эна йўқ —
Қийналиб яшадим, менам бари бир.
Одам қизиқ экан, опанг бўлса кеб,
Бошинг силаб, дардга дармон бўларкан.
Эркаланиб «ака, акажоним», деб,
Бирровга осилмоқ армон бўларкан.
Мен-ку, майли, кетиб боряпман мана,
Кўксими мўлжалга олмоқда дард, ўқ,
Энам-а, энажон, бу эмас таъна,
Фақат энди мендай ғамгузоринг йўқ.
Тойлар от бўлгунча юрак бўлар лат,
Менинг гўдакларим ўсганга қадар —
Энажон, энам-а, тўкилма фақат,
Үнгача енгмасин сени ғам, кадар.

Энажон, не учун тегмадинг эрга,
Бир ўғил, ҳеч йўқса бир қиз бўлсайди.
Отамни-ку, ахир, бергандинг ерга,
Акам деб йиғлашга бир кўз бўлсайди...
Бир елка бўлсайди суюнмогингга,
Мен кетгач, эгилиб қолмогинг тайин.
Мен қандоқ чидайнинг сенинг доғингга,
Ёлғиз қолмогингга қандоқ чидайнин?!
• • • • • • • • • • • • • • •

Сўнг сўзни қайтарди тушиб жиқ терга;
Энажон,
не учун...
тегмадинг...
эрга?!»

У, жигарларим-а, ўзи бу дунё ўйласанг, ўтириб ўйлайдиган, тўрт томонидан бўйлайдиган дунё экан. Аммо, манави ҳолда мениям ўйим битмай, ким ҳақлигига кўзим етмай қолди-ку. Кўпдан кўп гап, кўп ақл чиқади. Шуни ўйлаб, бу бовурларимнинг ҳаётини, қандай бўлса шундайича, сизга айтиб беришни маъқул топдим.

БАХШИНИНГ ТҮЙДАГИ КУРАШДА АЙТГАНЛАРИ

Маматқул бахши бир тўйда дўмбирасини четга қўйиб, полвонларга жон ийиб, мункиганни елкаси қорда, зап одатларимиз бор-да, деб кураш томоша қилаётган эди. Давра бошининг кўзи бахшига тушиб қолиб тавозе билан илтимос қилди: «Маматқулбой, мен полвонларни шайлагунимча ўзингиз халойиқقا бир нарса айтиб туринг». Бундай тасодиф таклифни кутмаган Маматқул бахши бир зум жим қолди. Аммо лаҳза ўтмай халқقا ўз дардини тўкиб солди. Ў, жигарларим-а, ҳар кимниям тўйдами, азадами одамларга айтадиган гали бўлсин экан-да...

Кураш дегани ўзи нима,
Асов денгизда талош кема.
Фарқ бўламан-ов, фарқ дема,
Зотинг полвонма, курашгин.

Биронни ортидан отганлар,
Биронни ортидан сотганлар,
У шўрлилар-ку ер қаърига
Faflat уйқусида ботганлар.
Шуларни боласи болами,
Курашсиз кечса олами.
Кўксига ўт қўйиб турмаса

Бобосининг қасос, алами.
Зотинг полвонма, курашгин.

Сенгачаям танг, торда курашган,
Чирсиллоқ қиши, қорда курашган.
Оёқлари ҳавода саланглаб,
Осилиб дорда, курашган.
Ёнма-ён қалашиб яшаса,
Минғиллаб, талашиб яшаса.
Эл куймайдими шуни боласи,
Ёв билан ялашиб яшаса —
Зотинг полвонма, курашгин.

Бугунам паст, тўрда курашар,
Бирори қир, ўрда курашар.
Айтган сўз — кескир қиличи билан,
Бирори гўрда курашар.
Дорларда қотганлар курашса,
Гўрларда ётганлар курашса,
Сен курашмасанг ўлим-ку, болам,
Жонидан ўтганлар курашса!
Зотинг полвонма, курашгин.

Кун бўлар, ишқ жилпанглайди,
Ой деганинг ерга тенглайди.
«Тақдир»,— деб урмай манглайди,
Огинг полвонма, курашгин —
Ёдинг полвонма, курашгин —
Зотинг полвонма, курашгин.

ҚАСАМ

Қимматчилик, қаҳатчилик йиллари...

Кўзи кўр тақдирга ўт кетсин-а, бўлмаса Ойсуловдай сулув жувси бир каззоб, ўгрига дуч келиб қолармиди.

Тун яримлаб қолди, эрдан дарак йўқ. Йўқ, бирдан оғил тарафда тапир-тупир, шивир-шивир, сигирнинг мўнграши, хирқираши аралаш-қуралаш бўлиб кетди. Кейин узоқ жимлик. Эри ҳадеганда келавермади. Ойсулов ой-куни етиб, шиқирлаб ўтирганидан тўшакдан аранг қўзғалиб оғил тарафга ўтди.

Ўтди-ю, донг қотиб қолди. Оғилнинг ичи оппоқ сут... Уйинг куйгур эр ўзининг бир ҳамтовоғи билан бирорвнинг эндигина бўшанганди сигирини ўғирлаб келиб, сўйибди. Гўштини нимталаб, эртага бозорга олиб чиқишга тайёрлаб қўйибди...

Эр чағир қўлмарини ўйнатиб бурчакдан бир бўхча олиб хотинига стди.

— Ма, ийнимга иларим йўқ,— деб қулоқни қоқиб қўлимга бердинг, хоҳлаганингча кий. Ўзиям эртага тўйи бўладиган қизди сепидан, тахмонидан тинчитдик.

Ойсулов бўздай оқариб, бор кучини тўплаб бўхчани ҳовлига улоқтирганини билади, шарақлаб тушган тарсакининг зарбидан деворга бориб урилди-да, илдизидан қўпорилган дараҳтдай қулаб, чўзилиб қолди.

Мана бу унинг ўзига келиб эрига айтганлари;

Бўримидинг, тулкимидинг, эрмидинг,
Шўрим қотмаса мен сени дермидим.
Қўзим чиқсин, кўрмидим — эй, кўрмидим,
Дунёсида энди тирик юрмайман.

Ҳаром есам; тағин ҳаром кийдирсанг,
Тириклайн үтга солиб куйдирсанг,
Шулардан сўнг тағин ўзни сўйдирсанг,
Дунёсида энди тирик юрмайман.

Аро йўлда ўтирипман мунгланиб,
Кўнглим сезар, ололмасман ўнгланиб,
Ҳаром-хариш, қора ерга тенгланиб,
Дунёсида энди тирик юрмайман.

Сеп — умрлик ўй-армондан йигилар,
Томчи тердан, томчи қондан йигилар,
Қўкрагимни ўяр қарғиш, йигилар,
Дунёсида энди тирик юрмайман.

Аро йўлнинг аёнлари бўйнимда,
Илонлари, чаёнлари бўйнимда,
Ўғирлик — юк, чўянлари бўйнимда,
Дунёсида энди тирик юрмайман.

Оҳ, умрим-эй, энди унга абад шом,
Болам «ўғри боласи» деб олмас ном,
Увуз сутим эмизмайман, у — ҳаром,
Дунёсида энди тирик юрмайман.

Эр, сен қашқир тўшагига увлаб кир,
Қодир эгам, агар бўлсанг, кўр тадбир,
У қибламни бу қибламга айлантир!
Дунёсида энди тирик юрмайман...

...Эрталаб кун чошгоҳга келиб ёйилиб кетдиям, Ой-
сулув жойидан қўзғолмади. «Боламнинг бундай кун-

дуз ётадиган одати йўқ эди-ку»,— деб хавотир олган кекса онаси ундан хабар олгани уйга кирди..

Водариғ, Ойсулув ўзи кўрган ранжу аламлардан ҳайратланганда катта-катта кўзлари очиқлигича баданлари музлаб қолган эди...

— Воҳ боле-ем, қирчинидан қирқилиб қуриган, боле-ем, ҳаромнинг касофати урган боле-ем!!!— Кампирнинг аччиқ фарёди қишлоқни ларзага солар, Ойсулув эса ўзининг ёмон қасами, у қибласини бу қибласига айланганидан минг марта розидай тинчгина абадият уйқусига кетган эди.

ҚҰЗИ БОРЛАР ТҮФРИ ЙҮЛДАН ЮРМАСА...

Тағин ўша қимматчилік, қаҳатчилік йиллари...

Тангриқул бахшининг укаси Үролбой муросаси келишмай ўзининг енгилоёқ хотини Қирмизнинг жавобини берди. Янги уйланган хотини Оқбилак тезгина иккиқат бўлиб, ойпарчадай қиз туғиб берди. Туғим — ўлим билан баробар эмиш. Хотини қийналиб туғиб ётар әкан, Үролбойнинг кўнгли олдинги әчкидай ўйноқлаб юрадиган шўх хотинини тусаб қолди. Кечалари уни олиб келиб қўшни хонада айшу ишрат, ўйинкулгу қиласидиган одат чиқарди.

Улар бўлсам Сенгина деб ўлойин,
Сарвдай қоматингни қули бўлойин.
Гулим, тўлдир қучоғимни, қўйнимни,
Чилвир сочинг дори бўлсин бўйнимни.

Эрининг ширақайф, ширави овозда бошлаган ошиқона қўшиғи, Қирмизнинг қиқир-қиқирлари әшитилмасин деб Оқбилак шўрлик уйининг тирқишиларигача беркитиб ўтирадиган бўлди..

Қирмизнинг Үролбойга елимдай ёпишувининг тағин бир сабаби бор эди. Қаҳатчилік эмасми, Үролбой колхоз омборида ишлар, ишдан қайтишда бир сиқим, икки сиқим дегандай буғдой ўғирлаб уйига олиб келар ва бундан албатта Қирмизам бенасиб қолмасди.

Бир кеч, Оқбилакнинг ташқарига чиққанидан фой-

даланиб, Үролбой чақалоқ қизчасини олиб чиқиб Қирмизга кўз-кўз қилди.

«Қирмиз, Қирмиз, қизимни кўр, ўзиям ўлмаса бир қиз бўлади-да!»

Қирмизнинг ранги бўздай оқарди. «Шошма, ҳали менга қизини кўз-кўз қиладиган...»

...Эртаси куни Үролбойнинг пешонасига «буғдой ўғриси» тамғасини босиб қамоққа олиб кетишиди.

Мана, бу сўқир Тангриқул бахшининг ўша кунлардаги чеккан нолаларидан:

Бир отанинг, бир онанинг боласи,
Бири каззоб, бири дарё ноласи.
Ў, битмас-ей, бу дунёнинг чаласи,
Кўзи борлар тўғри йўлдан юрмаса.

Ҳалол қолар бир чеккада мунғайиб,
Ҳаром ўйнар қулоchlарин баҳт ёйиб.
Ҳаром ўтар яғринлари кенгайиб,
Кўзи борлар тўғри йўлдан юрмаса.

Ини аввал суюнчиғинг бўларкан,
Сўнг — оғриғинг, дил санчиғинг бўларкан,
Ҳатто Сендай кўрга чиқим бўларкан,
Кўзи борлар тўғри йўлдан юрмаса.

Қизни асли осмондаги ой денглар,
Қайғу юки босса қадди ёй денглар,
Қайғу балчигида ой ҳам лой денглар,
Кўзи борлар тўғри йўлдан юрмаса.

Кўр кўзимдан ситилиб ғам йиғлайди,
Толеимда ёнмаган шам йиғлайди,
Аёл, гўдак бани одам йиғлайди,
Кўзи борлар тўғри йўлдан юрмаса.

* * *

„Азбархўжа карвонбоши айтди:
„Эй дўстим, ҳамроҳинг аёл экан-ку, аёл-
ни жўрам аўқ деса ҳам бўлади. Шуатиб
айтмаган экансан- да“.

„Кунтумлиш“ достовидан

Сўз экилган элнинг дала-тузига,
Ҳар ким танлар маъқулини ўзига,
Қўсим тушиб манов сарбон сўзига,
Ич-ичимдан таҳқирланган ор келди.

Тўраларга шойи-кўрпа тўшайик,
Тўраларга дарё ёйиқ, кун ёйиқ,
Айтинг, айтинг, қулли ўтган машойих,
Нечук аёл юрар йўли қер келди.

Асли эркак, аёл бирдай йўл излар,
Дониш ақл, улабурон қўл излар,
Айтинг, айтинг, кулли ўтган азизлар,
Нечук аёл кўнгли доим зор келди.

Баланд тоғлар билмас ором, билмас хоб,
Пинҳон-пинҳон тўқаверар кўздан об,
Нечун Одам Атони деб бўлган соб,
Момо Ҳавога бу дунё тор келди.

Азбархўжа туғилмаган онадан,
Балки уни топгандирлар ёнадан,
«Она» дер-ку дард ўтганда женидан,
Нечук аёл шу номардга хор келди.

Майса қоплар қир, қиялар устини,
Қуш тилига ёвуқ келса қуш тили.
Биттага ҳам кўпайтмасин пуштини,
Шунинг ўзи Азбар учун дор келди.

ИУҚЛОВ

Ой деса дегулик Ойхуморнинг сулувлигини таърифи етти иқлимга кетган эди. Аммо кексайиб қолган онаси уни ўзи айтган одамга бермади. Беролмади. Шу сабабми, бошқами, қиз овлоқ пайт топиб ўзини осди. Нима иш биландир оғилга кирган укасининг кўзи унинг саланглаб турган оёқларига тушди. Қиёмат қўпти. Мана, бу Ойхуморни онасининг ўз қизи жасади устидаги бетини қон жўшатиб айтганлари:

Жоним болам, кўзи чарос, қоши ўқ,
Дарё сочин қирқта қилиб ўраддим.
Шуни ўзим түққанманми ёки йўқ,
Бир ишониб, бир ишонмай юраддим.
Туққанимам энди ёлғон шўрлиман,
Ўтда қолган, онгда қолган шўрлиман.

Кийикмиди ҳуркак-ҳуркак қароши,
Ҳуркиб кетиб сиртмоқларга илинди.
Гангитдими мингни келиб сўроши,
Мингниям сўймаслиги билинди.
Қирқин қизга сардор бўлган, воҳ боле-ем,
Талош, бардор-бардор бўлган, воҳ боле-ем.

Минг бўз бола, тенгларини тенг кўрмай,
Кўзларини парда тўсган, болам-ов.

Уйинг қуйгур раис сенга тенгқурма,
Қизи билан ўйнаб-үсган, болам-ов.
Раис ана, болалари қўйнида,
Икки қўлим энди унинг бўйнида!

Кўйлак кийдим, тутунлардан қорайди,
Қора бўлди гулдай болам ёзуғи.
Энди менинг кунимга ким ярайди,
Болам бўлди бир қашқирнинг озиги.
Ордан ўлим авто,— деган, воҳ боле-ем,
Гўдаклигин қашқир еган, воҳ боле-ем!

Тирилтириб бермасин-чи, қўяман
Энди ишим бу юртлардан кўч бўлар.
Сиртлон бўлиб менам кўзин ўяман,
Энди онанг она эмас, ўч бўлар.
Аммо бундан бўлса бир наф, болам-ов,
Яшатардим уни «увлаб» болам-ов.

Бу кунингдан бешбадтар бўл!

Иғи-сиғи, қий-чув бир зум тўхтади. Эшикдан раиснинг хотини шаллақилик қилиб кириб келаётган эди.
— Бечора эримни ёмонотлиғ қилгунча суюқоёқ қизингни тийиб ол эди, қаришақшақ!

Олазарак бўлиб раисни қидираётган оломон унинг хотини устига ёпирилди...

Эшитишумча, ўша кундан бери раиснинг хотини тўшак тортиб ётиб қолганмиш. Раис ҳам у атрофлардан кетибди. Таажжубли жойи шундаки у хизмат пиллапоясида юқорилабди. Чекка бир районда совхоз директори бўлиб ишлаётганмиш...



Мұхаббат ёзи

* * *

Езда күп ишларга мумкин улгурмоқ
Умрингга вақтида кирніб келса ёз.
Ез — бу түлин ойдак ётоққа кирмоқ,
Күкрап кериб юрмоқ — худди оппоқ ғоз.
Ишқ — ақлдан озар ёз тунларида,
Тепангда юлдуз ҳам тик сузиб кетар.
Аёл соchlарининг тұлқинларида
Күмилган әркакни оқизиб кетар.
Езда тез тил топар юрак юракка,
Ез жон билан севса унга фидо бұл.
Оҳинг етган бұлса, юксал юксакка,
Кунинг битган бұлса ёз құлида ўл.
Ез бу түйғуларда кечмоқ фаслидир
Шерік қилиб етук, самовий унни.
Ҳам тугунни албат ечмоқ фаслидир,
Күкламда ечилмай қолган тугунни.
Умримизда ёздир. Қайдасан, мардим,
Сенга чопгум, ишқнинг йўллари билан.
Қўрқаман, не ечиб, нени ёзарди
Куз ўзин қалтироқ қўллари билан.
Езда күп ишларга улгурмоқ мумкин...

ҚҰЗ

Күзлар ҳали ҳайқира олур.

Р е н е Шар

Балли, күзларимдан дардимни уқдинг,
Аммо, күзларимга келмагил кириб.
Дардимни қўймоқقا бошқа жой йўқдир,
Кўзимга қўяман яшириб.

Бунча синчков бўлма, бунча топонғич
Кўзим дарёсига шўнғимагил, жим.
Ахир бу дунёда энг бехавф ва тинч
Дард яширад жойим — менинг шу кўзим.

ШУНДАЙ УЙ БОР...

**Шундай уй бор, деворлари метиндая метин,
Кўрар фақат муҳаббатнинг ўтли ёзини.
Етогида жуда қисқа туюлади тун,
Деворида баҳт пичири қолар ёзилиб.**

**Шундай уй бор, одамдайин бош этган қуёйи,
Устунлари кетгудайин салдан чўрт синиб.
Етогида тун ўтмоғи ажалдан қийин,
Деворида хўрсаниқлар қолар хўрсаниб...**

ИШОНЧ ДАРВОЗАСИДА

Ишонч қўрғонини қуриб кетганлар,
Бу қўрғонда яйраб, юриб кетганлар.
Қимга заҳ кўриниб қўрғон ичи гоҳ
Чиқиб ўнг ё чапга уриб кетганлар.

Уриб кетолмадим ёлғизгина мен,
Ишончингдан чиқдим. Қўрғон ёпилди.
Дарвозага боқиб ҳолсизгина мен
Ўлтирибман, оёқларим чопилди.

Ҳаёт давом этар кулиб гулгун, шўх
Бахтлар чорлайверар, имлайверар шон.
Бироқ, кетмоқликка менда оёқ йўқ,
Бир кун дарвозада беражакман жон.

СОЧИНГИЗНИНГ ЎРМОНЛАРИДА

Ошкор, пинҳон бор йўлим билан
Қўнгил уйингизга кирдим мен,
Силаб-силаб ўз қўлим билан
Сочингизни оқартирдим мен —

Порлайсиз бу оқлар ярашиб
Бахт онида, ишқ онларида.
Мен яшайман тунлар адашиб
Сочингизниг ўрмонларида.

СИЗСИЗ...

Құш ҚУВОНЧ кирмаса яшар ёлғыз FAM,
Шундан Сиз йүқ маҳал уй уимас, хато.
У ғор, мен тушаман эшик очган дам,
Кейин чиқолмайман Сиз келгунча то.

Хоналарга Сизсиз маъюс кираман,
Сизсиз, тувакдаги гул ҳам қарибди.
Эшик тақиллади, мен югураман,
Минг йил ғор азобин чеккан ғарибдай.

МЕН ОРТИНГДАН ИЗ БОСАМАН...

**Мен орtingдан из босаман, қор кўмади, қорда гуноҳ,
Сен ҳақингда куйлай десам, узилар тор, торда гуноҳ.
Мактуб битай десам ногоҳ, синар қалам, синар қалам,
Кўрай десам булут тўсар ва зим-зиё бўлар олам.**

Доим шундай —

**Сен ҳақингда ўйлаганда, нимадир йўқ, нимадир кам,
Иккиланиб босилган йўл, унмас экан, унмас экан!
Иккиланиб из босаман...**

Сени кимлар қилмайди талаш,
Қимлар юрмас ортингдан дайдиб.
У кўп кўрган меҳр, эркалаш —
Бошқаларга насиб бўлсайди.
Бор гап шунда, ўзгалар сени,
Ардоқлашга топмайди имкон.
У ҳаттоки сезмас ҳиссингни —
Интиқ қалбга тўлдирадир қон.
Шу қон билан яшайсан бесўз —
Умидингдан кутиб тантана.
Ўнгда кўрмай хира гортар кўз —
Тушда кўриб шодмонсан яна,
Умр ўтмоқда шу хил фараҳсиз —
У ўзига кўрмас сени эп.
Бирни ўйлаб яшарсан баҳтсиз,
Мингта баҳтсиз яшар сени деб.

* * *

Аллақачон унуганман бари-барини,
«Аллақачон» алдайман мен ўзимни ўзим.
Ортда қолган муҳаббатнинг қўшиқларини
Эслама, деб ўз-ўзимга тилайман тўзим.

Эслаб қолсам, тоқатларим — тўзиган бир пат,
Эгилган ёйга айланар бўй-бўй қоматим.
Эсласам, бу ёруғ дунё — бўм-бўш бир хилқат,
Бир пул бўлар эътиқодим, баҳтим, омадим.

Кулгуларим кинояси зарра сезилмас
«Аллақачон унуганман»... қаҳ-қаҳ ураман.
Ҳижроннинг талх шаробидан ортиқ сархуш, маст.
Баҳтилардан баҳтиёроқ яшнаб юраман.

Аллақачон унуганман, унуган маъқул.

* * *

Сиз билан миннатдор хайрлашаман..
Неники шароб деб ўйлаб югурдим,
Сароб бўлиб чиқиб, қоқилдим йўлда.
Қаердаки кўм-кўк жаннатни кўрдим,
Учиб етгач ҳайрон, тентидим чўлда.

Нени ой деб ўйлаб, кўзимни тикиб,
Заррин шуъласига юз тутдимки зор,
Ой деб ўйлаганим ёй бўлиб чиқиб,
У отган ўқлардан кўксим ярадор.

Неники мангудеб ушлаган пайтим,
Балиқдай сирғалиб чиқди қўлимдан.
Ортиқ олди, аммо бермади қайтим,
Савдогарлар чиқиб баъзан йўлимдан.

Қай боғ қоровулин ғафлатки олди,
Боғни талон этар ўғрию каззоб.
Бу кун дармон кетиб тизларим толди,
Сизки ёнимдасиз, ёнимда азоб.

Ким мен қушча мисол талпинган дамим,
Қарғадай хўмрайиб ташлади назар.
Бу кун уларда бор ўчим, аламим,
Бу кун мен улардан қиласман ҳазар.

Ишқингиздан қолди юрагимда доғ,
Англадим ишқингиз ўтсиз эканин.
Порлаб кўринган гул бўлдию янтоқ,
Кўнглимни қон қилди унинг тикани.

Агар ишқингизда бўлса эди ўт,
Бу қора қуюнлар қилмас эди кор
Ва менинг қалбим ҳам қолармиди бут,
Минг битта балога бўлмай гирифтор.

Бу чигал хатолар тўйдирди жуда,
Тилагим оқ, сизга дуч келсин баҳт, шон.
Аммо менга айтинг бир оғиз видо
Ва узилсин бизни боғлаган арқон.

Сиз билан миннатдор хайрлашаман..

Сизга ишқим, Сизга қарғишим,
Үзга излаб мендан топмас из.
Бу дунёда менинг бор ишим —
Сизга тушди, бир Сизга ёлғиз.

Адашдим-да, ёлғонга йўйдим —
Ишқингизни, қўл силкдим, «бекор!»
Шошиб ғурур гултожин кийдим,
Энди бошдан олиб қўймоқ ор.

Энди дунё ишин қарангки,
Ишқ ортидан қўл бўлармиш шоҳ.
«Унутдим», деб сарғаяр рангим,
«Севмайман», деб жим чекаман оҳ.

Сиз деганда мен синмас торман
Кута-кута кўзим йўл ўйиб,
Умрим бўйи қарғаб ўтарман —
Умрим бўйи жонимда суйиб.

Гарчанд ҳижрон талхдан-талх майдир,
Мен ичардим, бўлганда ҳам қон.
Қарғишларим Сизни ургайдир,
Софинчларим сақлайдир омон.

* * *

Қайдан ҳам йўлимда келгандингиз дуч,
Айқаш-уйқаш қилиб ўнгу рўёни.
Топдим, Сиз, ёлғиз Сиз, қолган дунё пуч,
Йўқотдим, қайтадан кўрдим Дунёни.

Қайта кўрсам кўзим куиб кетар, чин,
Армон тўлқинлари кетгайдир кўмиб.
Қайта Сизни кўриб қолмаслик учун
Кетяпман умрбод кўзимни юмиб...

Мен Сиздан сўрайман бу кеч кечирим,
Хижрон бўлганим-чун, бўлмайин висол.
Гарчанд умрингизнинг тонги, кечини —
Аралаш қилдим мен қарталар мисол.

Уйлайсизми, мени қилди деб атай,
Сизга бурилмасдан кетганим-чун тик.
Мен дардли кўксимни ёриб кўрсатай —
Борми унда Сизга зарра ёмонлик.

Гарчанд, оқлай олмас ўзин айбдор дил,
Ишонинг, сезмасдан қолдим мен у чоқ —
Табиб бўлайин деб бўлганим қотил,
Малҳам бўлайин деб урганим пичоқ.

Беаёв ишқингиз ўтин ўчиредим,
Кечира олсангиз агар, кечиринг.

ҚИРИБ БОРМОҚ

Чуқур кириб борманг ўйларингизга,
Ундан қайтиб чиқмоқ қийиндир ахир.
Ҳар ишда, мана, шу маслаҳат Сизга,
Чуқур кириб бормоқ — меваси тахир.

Айниқса юракнинг йўлаклари тор,
Йўлнинг ярмига ҳам бормасдан қайтинг.
Кейин хонангизнинг тўрт ёғи девор,
Уй, юрагингизда сақлангиз тартиб.

Бу йўл-йўриқ Сизга, мен сизни енгдим,
Ўзимга бу сўзни айттолмайман мен.
Шеърга чуқур кирдим, уйқу йўқ энди,
Тонггача бу йўлдан қайтолмайман мен.

МЕНГА АЙТ...

Сен ойга қўлингни чўзиб толмагил,
Ой, ой-да, ўрганган, ёлғиз ҳол, кетар.
Қуёшга дардингни тўкиб солмагил,
Қартайган қуёш ҳам ҳолсиз чол, кетар.

Сен тоқقا қилганинг билан арзи-дод
Тоғ — тоғ-да, сир бермай тургани турган.
Чўққидан кутмагил бирор-бир имдод,
Эгилган чўққини айтгил, ким кўрган?

Жилғага сир айтсанг тоқатинг битиб
Чулдираб, шўх қаҳ-қаҳ отиб кетади.
Тош, харсанг оралаб, паналаб ўтиб
Қимгадир сирингни сотиб кетади.

Менга айт, менинг бир қалъам бор тинч, кенг,
Бу юрак, мен уни чуқур ўяман.
Ва Сенинг сирингни ўшал қалъанинг
Энг хавфсиз ерига кўмиб қўяман.

Менга айт...

**Уйимизда сукунат оғир,
Тошқин денгиз шовқини тинди.
Бу сукутдан түйғулар оғрир,
Энди қандай яшаймиз, энди?**

**Дараҳт япроқ түқаётган кез
Жунжиккан ел күксимга кирап.
Иягиға қўлин тираб куз
Рўпарамда маъюс ўтирадар.**

**Ерилгудай юрагим, йўқ, йўқ,
Денгиз кетди, келгил қайтариб.
Йўқса сўзлар санчилгучи ўқ,
Кўринишлар ярадор, ғариб.**

**Денгиз кетди, кетди иноқлик,
Икки кўнгил икки ёнда хун.
Менинг умрим денгизга боғлиқ.
Сен гирён у кетгани учун.**

**Тўлқинлари қирғоқни ювиб,
Ул чайқалиб топар-ку бизни.
Аммо қачон сукутни қувиб,
Қайтарамиз уйга денгизни.**

Уйимизда сукунат, оғир..

Кузнинг ёноқлари намли туюлар,
Кўргошиндай оғир куз сўроқлари.
Юракка нимадир ҳазин қуюлар
Ва кўра бошлайсан аниқ, доғларни...

Авж гуллаган кўклам, саратонли ёз,
Кечагина эди пойимда бари.
Шу — дириллаб турган сариқ япроқ рост,
Тушдай ўтиб кетди олдингилари.

Афсусларни узоқ ўтириб, чекмай,
Шошиб қўзгаламан, тўзғиган тўзим.
Энди унга дардим айтай кечикмай
Кетиб қолмай япроқ ва ё мен ўзим.

Кузнинг ёноқлари намли туюлар...

Бу эркак аёлнинг осмони эди,
Ери эди унинг чопқиллаб юрган.
Кўз очиб кўрган илк жаҳони эди,
Таоми эди у илк бор қўл урган.

Уруш ялмоғиздай солиб келиб чанг
Осмонини ютди, ерини ютди.
Нима олса шу аёлдан олди жанг,
Унинг илк таоми — эрини ютди.

Сўнг аёл таомдан бош тортди, толиб,
Силкиниб, ярқираб тарамади соч.
Уша-ўша аёл муаллақ қолиб
Осмон-ердан айру яшаётир оч.

Бу эркак аёлнинг осмони эди.

УЯТ

Бошингни силаган осмон уятли,
Сўймай, куймай яшаш осон, уятли.
Ишқ — шу бир дард билан чиқишолмасанг,
Дунёда дардларинг бесон, уятли.

Қирғоқ бузиб, тошиб, тўлмасанг уят,
Ким учундир адо бўлмасанг уят.
Яшашда яшарсан нени десанг деб,
Улганингда ишқ деб ўлмасанг уят!

Ёнаётган бу ўт бўлмас сира кул,
На қор, на бўронда сўлмайдир бу гул.
Йўқдир бу ҳаётда бирор-бир мушкул,
Сен менинг қўлимдан тутганда, жоним.

Юрак дарз кетмайди, девор қуламас,
Бахт жоми лиммо-лим, тўлуғ, силамас.
Кимки кетган бўлса ортга қайтар, бас,
Мен сени нигорон кутганда, жоним.

Ҳаёт абадий деб гуллар тераман,
Қучасан, ўзим ҳам гуллайвераман,
Бу не чанқоқликдир, чўллайвераман,
Сен менга ишқ жомин тутганда, жоним.

Барига, барига тикилиб санчил,
Мен дейман, бир куни қолсак биз тинчиб,
Эҳтимол, бу ҳаёт бўлар ўткинчи,
Иккимиз дунёдан ўтганда, жоним.

Йўлдан чиқма, йўлдан чиқма бир қадам,
Бир қадам чиқдингми, шўринг қурибди.
Чунки йўл четининг майсалари нам,
Унда капалаклар ўйнаб юрибди.
Сен йўлдан бир қадам кетдингми, бўлди,
Қайтиб келмоғингга минг йил керакдир.
Кўксингда тик йўлнинг Дарфаси ўлди,
Кўксинг аросатда қолган юракдир.
Чиқдингми, бўм-бўшсан, видо айтгин, бас,
Йўлга тушолмайсан қайта дил ўқлаб.
Бирор тун йиғлаш ҳам ёдингга келмас
Кўксингдаги ўлган Дарғани йўқлаб.
Энди тик йўл йўқ, бор йўлсизлик, ўйдим,
Ўзингдан қўлтиққа қўл ургин, ювиб.
Тик йўл — кийик эди, олдириб қўйдинг,
Энди яшайвергин, капалак қувиб...

СЕВИНЧ КУЧГАН УЙ

Кўчиб кетди кўнглингдан севинч,
Сен кузатиб қолдинг шамингни.
Бундан бўёқ яшайдирсан тинч
Илинимасдан шавқу ғамингни.

Силамагай сочингни шамол,
Тун шивири тўхтагай таққа.
Ишқ — бошидан сирғалиб рўмол —
Бир-бир босиб кирмас ётоққа.

Кўзларингдан армонлар томур —
Очилмайдир гарчанд бу парда.
Фақат, қандоқ ўтаркан умр
Севинч кўчиб кетган уйларда?!

УРТАДАГИ ДАРЁ

Тушун ахир, кўзингдаги нур,
Айтар сендан кетолмасимни.
Уртадаги бу дарё — чуқур,
Айтар менинг ўтолмасимни.

Бир кун чалғиб, Сени этсам тарқ,
Қолар бўлсанг ёлғиз, ғам чекиб,
Уртадаги дарё қилар гарқ —
Жасадим ҳам бўлар сеники.

* * *

Сўзамолсиз... йўқ, бермайсиз гал,
Сўзда жавлон ураверасиз.
Узун кунни тугатиб тугал
Гапни тунга улаворасиз.

Нафрат билан мен жуфтлайман лаб,
Йўл бермайсиз...
Жаҳлим — жаҳл, ўч-ўчимда қолар.
Яхшиям, мен Сизга айтар гап
Айтилмасдан ичимда қолар.

Бўлмагандай боғларда бўрон,
Барг тўкилиб, шохлар сингани.
Қуёш кулар, қуёш олар жон,
Нурлар келар Сенга сингани.

Гуллар ишқни ўргатар қушга,
Сув тупроққа ёзар баҳтларни.
Дараҳтлар дуч келмаган қишига
Кўргани ёз, бу дараҳтларнинг.

Қучогига чорлайди кўча
Хотири жам, тиниқ асаби.
...Ва сен билан мен ҳам ҳеч қачон —
Сен-менга ҳам бормаган каби.

БИР ХАТО ИЗТИРОБИ

(*Бир аёлнинг кундалигидан*)

У келар бағрига солиб ишқдан ганж,
У келар бағримда сайрайди қумри.
У билан уйимга келади юпанч,
Ярим соат менинг юпанчим умри.

Ўзимга жой топмай қолиб шошаман,
Үнга отиласман севиб, ўкиниб.
Ярим соатгина тўлиб-тошаман,
Ярим соатгина... сўнг қолгум тиниб.

У қўл соатига қарайди маъюс,
Қўксимда нимадир қад кўтарар даст.
У чиқиб кетади, деразадан куз
Мунғайиб қўзимдан қўзини олмас.

Кейин туйғуларим тутаман тунга,
Қўкрагим бир ўтдан ачишади, бас.
«Ўзимники бўлинг» дейман мен унга,
«Меникисиз» демоқ қўлимдан келмас.

Кейин узун тунлар ўйга толаман,
Туш кўраман, қўзим илингани он.
Тушимда оқ каптар бўлиб қоламан,
У ўз қўлларида тутар менга дон.

Ўйғониб кетаман, уйғониб **«Нега?..»**
Фалаёнли ўйлар келар бостириб.

Нечун ўз үйига бўлолмас эга,
Эшигимдан ошкор келолмас кириб.

Наҳот инсон ўз айб, ўз хатосининг
Бир умр ўйнаса ўйинларига.
Наҳот бир умр, ўғлим, ўз отасининг
Ошкор осилолмас бўйинларига?!

Шу қисматни право кўрдими ҳаёт,
Қиздирсин деб ғийбат, гап ўчогини.
Гулдай таним билан бир умр, наҳот,
Иситиб яшайман тун қучогини...

Оҳ урсам, оҳимдан ўт кетар тунга,
Қарғамай десам-да ёшлиқ, мастиликни.
Ўша мастилик — МЕНИ тутқазган ҮНГА.
Менга «МЕНИКИСИЗ» деёлмаслики..

ИНТИҚОМ

Бир томондан ловуллаб бир қиз ташлар кўз қириш,
Бир томондан шўх йигит, меҳр талаб, ишқ талаб.
Тиллашдилар, жуда тез тушундилар бир-бирин,
Тушунарли тил бўлган ҳамиша ҳам ишқ тили.

Кейин беҳишт боғлари ерга кўчди, кўкарди,
Одам хушбахт қуш бўлар, ишқ болини тотган кун.
Кейин куёв келинни бошларида кўтарди,
Сиғмадилар дунёга, гўдак, сени топган кун.

Шундай, аввал кўп ташна, ишқни суйиб ичдилар,
Аммо... ўртада совуқ шамол эсиб ўтган дам,
Бир-биридан илдамроқ бир-биридан кечдилар,
Нафрат тили ҳамиша — ханжар, кесиб ўтган дам.

Улар-ку иш қилдилар ё билмайин, ё қасддан,
Ўз-ўзларин ўйлашиб, ўлда-жўлда сен қолдинг,
Улар икки томонга кетдилар тўхтамасдан,
Тўхтаб, қўлларинг чўзиқ, аро йўлда Сен қолдинг.

Қутлуғ ҚУВОНЧ эдинг сен, оҳ бошингга етдилар,
Қушим, бу не маҳзунлик, кексайиб улгурисан.
Ош-нонга зор бўлмаган замонда зор этдилар.
Меҳр тилаб турибсан, шафқат тилаб турибсан.

Улар бири бирига беролмай қолсалар дош,
Ажралса бир-биридан иккиланмай, кўнгил тўқ,

**Нечун Сенинг кўзингда қалқимоғи керак ёш,
Сенга тегмоғи керак, нечун улар отган ўқ?**

Уруш йиллардагидай етим қолдинг тонгларда,
Гўдак, энди кўзингни соғинч, армон тўлдиргай.
Битта фарқи — урушда ота ўлган жангларда,
Битта фарқи — онани азоб, ҳижрон ўлдирган.

**Сенинг отанг — онанг-чи, юарлар гашт суришиб,
Бўм-бўш уйдай кўксини кундан-кунга тутиб тик.
Бахт барбоду отангнинг иши кетган юришиб,
Бахт барбоду онангнинг гул-гул ёнгани қизиқ.**

Нега дунё қораймас, бу ҳақсизлик чангидан,
Нега ҳамон дард туғар бу омонат ишқу шон.
Улар фарзанд топарлар янги бахтдан, янгидан
Янги ота-онани Сен топмайсан, болажон.

Ҳали гўдак кўксингни не туйғулар доғлайдир,
Хотиранг осмонида улар юргайлар сузиб.
Ўйланасан, ўй Сени улар билан боғлайдир,
Йўқ, улардан ўзингни олгин ажратиб, узиб.

Сен уларга фарзандмас, ҳеч ушалмас армонсан,
Икки кўнгил тубида битмас яра, ўчмас чўғ.
Сен уларга ўқилган умрлик айб, фармонсан,
Кетказиб бўлмас доғсан манглайларига ёзу.

Мен қўрқаман бу доғни ювмоқ учун етмас сув,
Қор ёққач из, интиқом доим кетмас босилиб.
Сенинг иккита қўлинг дор арқони бўлару
Отанг-онанг бир тонгда унда қолгай осилиб!

Улар ўзи ғишт қўйди шу ёзуқса, асосга,
Гарчанд ҳамон яшайсан ишқ, шафқатга оч, илҳақ.
Энди қутлуғ ҚУВОНЧ — Сен айлангансан ҚАСОСГА,
Ҳукм қатъий, ал-қасос-ул, ал-қасос-ул миналҳақ!

ХАЛҚОНА ОҲАНГЛАРДА

Ингласангиз ингланг ҳушёр, сергак учун,
Не бир яхши, ёмон кунда тиргак учун,
Опам, синглим кўз ёш тўқманг сира-сира,
Аёлга баҳт беролмаган эркак учун.

Эркак ўзи кимлигини билармикан,
Бир сирли, тилсимилигини билармикан?
Ишқ гавҳарин аёлига асролмаса
Шўр пешана, шумлигини билармикан?

Йўлга чиқсанг йўлинг берса, бойланмаса,
Хаёлларинг тинийверса, лойланмаса,
Эркак — эркакмидир аёл жилга бўлиб
Уни айланиб оқмаса, айланмаса.

Дупур-дупур тулпор келар тоғлар билан,
Эркак келар дупурлаб ўнг-соғлар билан.
Аёл қўли ёлларини силамаса
Тулпор кетар кўкайида доғлар билан.

Тулпорларим, укам-акам, оталарим,
Минг-минг уйли халқа эҳсон, атоларим.
Ҳали мунглув аёл кўнглин топмапсизми,
Босган изи хатоларим, хатоларим!

Бекор жангуда хунлар учун аза очинг,
Ёлғиз ўтган тунлар учун аза очинг.

Ҳатто тоғнинг айиқлари жуфт ахтарар,
Сиз сўққабош кунлар учун аза очинг.

Йўқса аввал Сизга қарғиш тегар бир кун,
Ёв ёприлиб келиб Сизни эгар бир кун.
Ҳали мунглуғ аёл кўнглини топмапсизми
Кўпаймаган эл камайиб тугар бир кун.

Эл қолмайдир фақат бойлик, ерлар билан,
Одам топиб кўр-чи на сим, на зар билан.
Гумоним йўқ, қай эл қолса яшаб қолар
Аёлинни элим деган эрлар билан.

Йиғласангиз йиғланг ҳушёр, сергак учун!

ҲИЖРОН ЁБОНЛАРИДА

Битиб кетар кўнгил ярамиз,
Ўртанувчи зорлар кетади.
Гулга кирабошлар орамиз,
Орамиздан қорлар кетади.
Мен ҳижроннинг ёбонларида
Сарсон кездим, қоматларим ёй.
Сен ҳижронлик ёбонларида
Гул ўшликни тамом бердинг бой.
Мен айрилиқ саҳроларида
Бир савдойи бўпман, қарасам.
Сен айрилиқ саҳроларида
Мункиб, қумга ботиб борасан.
Азобига қандоқ берай тоб,
Азобига кўксим, кўзим лиқ,
Пичоғини кўксимга қадаб
Турган ғамнинг номи «айрилиқ».
Айрилиқнинг қўллари узун,
Қучар, истар исиб, совушим.
Айрилиқнинг йўллари узун
Илма-тешик бўлар ковушим.
Товонимдан тирқирайди қон,
Қоним қолар ўт, гул барида.
Йўлни қонга бўяш ёзилган
Айрилганлар манглайларида.
Қон-ла тонгга, тунга ёзаман,
Яқинлашиб борар орамиз.
Чиқаётган кунга ёзаман:
«Битиб кетар кўнгил ярамиз».

ҚУМУШНИНГ ҮЛИМИ

Отабекнинг Зайнабга айтган „талоқ“ сўзини эшигданда жон талвасасида; ётган Кумуш „ярқ...“ кўзини очди ва қайта юмди...

Абдулла Қодирийнинг „Ўтган кунлар“ романидан.

Узун қабоҳат қўли юлди сарву суманни,
Заҳарга қўшиб қорди оташ ширин суханни,
Келган жойи шу бўлди ишқ деб йўлга чиққанни,
Кумуш, кўзларинг қайта юмилмаса бўлмасми?
Шундай сарв тупроққа кўмилмаса бўлмасми?

Оҳ аёл, биз аёллар ишққа гирдикапалак,
Шу ишқ ортидан куйиб бўлдик доимо ҳалок.
Ойдай Кумуш «Бегим...»лаб ўлиб бораётган чоғ,
«Ойи...», «Дада...» ул икки меҳрибондан йироқда,
Гўдаклиги гувранган Марғилондан йироқда.

Гарчанд Отабек билан яраса ҳам барқ уриб,
Ул кундошли тунларни ўтказди михда юриб,
Ахир сочидан хушбўй район ҳидин уфуриб,
Естиғига ёлғиз бош қўймоққа маҳкум эди,
Отабекдай бегидан қун ора маҳрум эди.

Аммо ишқнинг ғолиблик куни яқинлашарди,
Сезган сайин икки дил туйгулари тошарди,
Сезган сайин Зайнаб ҳам ортиб бораркан дарди,
Узди, яшноқ вужудни жоҳил қўл билан узди,
Икки шаън шеър сатрини чизди, устидан чизди!

«Гулим», ёнар Отабек ичдан қулаб кетган тоғ:
— Зайнаб! Сенга минг лаънат, талоқсан Сен, кет,
талоқ.

Кумуш ярқ қўзин очди бу сўзни эшитган чоқ,
Қайта юмди... Ё раббий, шу сўзмиди бор илинж?!

Сўнг Отабек кўксига бош қўйиб жон берди тинч.

Кулимсираб худди-ки уялгандай жон берди,
Шу сўз балки докадек юзга қайта қон берди,
Шу сўз балки шу хилда ўлмакка имкон берди!
Тирикликда бу сўзни эшитсайди бирор кун,
Билмам, яшолармиди кўтариб бу баҳт юкин.

Энди ишқмас, тобутни Отабек қон кўтаргай,
Бу ишқ шарҳин Қодирий, ўртанган жон кўтаргай,
Ҳали ҳануз ишқ дардин дардкаш инсон кўтаргай,
Қай аёлки оҳ уриб ишқин айтиб келадир,
Хаёлимда у билан Кумуш қайтиб келадир.

Сиз бугунги Кумушлар, аёл зотин сараси,
Сочингизни то абад ишқ йўллари тарасин,
Сочингизни то абад ишқ қўллари тарасин,
Осон эмас экан-ку абад асралмоқ, суймоқ,
Осон экан-ку ахир Сизни бой бериб қўймоқ.

Узун қабоҳат қўли юлди сарву суманни.

ҚИРГОҚ

Дарё янглиғ олдга чопаман
Ейиб ташлаб қирқ кокилимни.
Еқиқ-ёниқ суюб ўпаман
Соҳилимни, сен — соҳилимни.

Хаёлимга қайси бир дамда
Қирғоқ бўлиб келдинг, чамамда.

Мен-ку сенга берганман изн,
Икки ёним қирғоқ — маҳкам, банд.
Мен оқмайман қирғоқни бузиб,
Асов шиддат бермас сенга панд.

Сен ҳам озод шиддат бер сувга,
Шубҳа билан олмай сиқувга.

Қирғоқ сирдош, қирғоқ — суюнч тоғ,
Дарё оқар унга бош уриб.
Бир кун сочинг оқарар оппоқ
Шул дарёни қўриқлаб юриб.

Оқар чоғ ҳам мангалик ёққа,
Лаб босгум сен — метин қирғоққа.

КЕТМА!

*Замонлар аёлин доди бу садо:
„Жонгинам, мен сенга не қила қолдия“,*

Марина Цветаева

Севмоқ, севилмоқлик баҳтми ё оғу,
Оғу, баҳт аралаш сўзимдан кетма!
Аёлнинг минг йиллик нидосидир бу:
«Қелавер, келавер изимдан, кетма!»

Кетсанг ўзлар хомуш, базм айлагай ёт,
Қадимий сукутда чинқиргайдир ёд,
Харсанглар тил битиб, дод айлагай, дод.
Мендаги бу тоқат — тўзимдан, кетма!

Уни шон кутарми, ё кутарми қон,
Эсламайдир ҳуркак, титроқдаги — жон,
Кетсанг мендан ўсиб кетмоғи аён
Ҳатто келмаганлар, тизимдан, кетма!

Паноҳсизни ҳар ён тортқилар шамол,
Қай бирор баҳт излаб мени кўрса, лол,
Ўз жаннатин менда қилмасин хаёл,
Менинг сирли, ўйчан кўзимдан, кетма!

Шиддатин йўқотган дарё — тинар куз,
Япроқдай сарғайиб жим хўрсинар куз,
Алвидога кўнар, ғамга кўнар куз,
Менинг рангпар, сўлғин юзимдан, кетма!

Бироқ, мен кўнмасман, баҳтми бу оғу,
Наҳот қуримоққа маҳкум ишқ боғи.
Сенингман, сенингман, не бўлса ҳам у,
Үзимман, Сен менинг ўзимдан кетма!

ҚУЛИНГНИ БЕР

Қўлингни бер, танҳоликни йўл ёқтирмайди,
Қўлингни бер, бизни танҳо кўрмасин яшин.
Одам ахир ўзи учун гуллар термайди,
Ўзи учун ичмайди ишқ, изтироб ёшин.

Ҳисларимни юрагимда қотмасин десанг,
Қўлингни бер, туйғуларим тўкиб кетайин.
Қўёшимни ном-нишонсиз ботмасин десанг,
Сен дарё бўл, мен дарёга чўкиб кетайин.

Биласанми, қўкрагингда қанча дуру зар —
Агар сенга мен чўкмасам улар йитгайдир.
Топсам, олиб чиқа олсам ул жавоҳирлар
Иккимизнинг яшшимиз учун етгайдир.
Қўлингни бер!

Қизиқ түйғу, қилолмассиз даф,
Юксалиб, гоҳ толиб яшайсиз.
Бехавотир яшайман, сабаб
Сиз хавотир олиб яшайсиз!

Суяман мен, сийланаман мен
Гуллар сочиб йўлларингизга.
Бехавотир суяноман мен
Чирмаб олган қўлларингизга.

Сизга ҳукмин ўтказолмас Вақт,
Сиз муқимсиз, Бахт тоғларидаӣ
Мен ўраниб яшайман хушбаҳт
Хавотирнинг қучоқларида.

ИИГИТ ИЗТИРОБИ

Қушим, Сени овчи отди
Дегандим, йўқ, совчи отди.
Юксакдан-ку сен қуладинг,
Тошлар нега менга ботди.

Совчиларнинг тили бурро,
Мен хору зор, хасга тентман.
Қўқдан-ку Сен тушдинг, бироқ,
Ер бағирлаб қолган менман.

Энди йўқдир ишқ — қўлловчи,
Энди йўқдир йўлим менинг.
Ёраб, сени отган овчи
Билмайдир бу — ўлим — менинг.

БИР ХОНАДОНДА

„Хавфли ёш“ фильмини кўриб

Эркак маъюс эшикдан кираар,
Аёл чиқиб кетади маъюс.
Ташқарида кўклам қулф урар,
Хонадоннинг ичкариси — куз.

Эркак ўзи билан андармон,
Аёл ўз иши билан шошар.
Бунда гўдак бир бегуноҳ жон,
Иккисига талпиниб яшар.

Не иккисин кўкрагида доғ,
Бу ишқдаги не тур сағирлик,
Икки нураб бораётган тоғ
Бир гўдакка қилар оғирлик.

Бунда бойлик, давлат қатма-қат,
Жондан бошқа топилар, сўз йўқ.
Иккисини боғлаган фақат
Ишқ, ўртада — учинчи дўст йўқ.

Гўдак бир вақт ўша дўст сабаб,
Бунга келган, севилган жондан.
Кейин билмас, ўтди нима гап,
У дўст кетди бу хонадондан.

Эркак, аёл, шукуҳсиз кун-тун.
Йироқ экан унишг ўтидан.

**Гўдак кетар әртами-индин
Шу — УЧИНЧИ ДЎСТНИНГ кетидан.**

Иўқ, бир ўзи беролмайди тоб,
Ишқ яшаса қайдадир, сагир.
Ахир икки қулаётган тонг
Бир гўдакка оғир, кўп оғир!

ОЛОВ САРИ

Афтга бериб жиддиятнинг тусини
Эшигингга сиртдан, ичдан қулф уриб,
Ташқарида қолдириб гул исини
Вазмин кетадирсан уйингга кириб.
Бу ҳолатдан ғунча кулар қиқирлаб,
Ғунча нима, ўйлаб кўрсанг танангга.
Тун ҷоғлари бир-бирини «юр-юр»лаб
Ой нурлари кирмоқ бўлар хонангга.
Қизиқ, тўсиқ бўлмас экан нур учун,
Қўя қолса бўлар сиртдан мўралаб,
Бу ой нури саркаш боладай нечун,
Ўтаверар панжаралар оралаб.
Хоналарга жони сиғмай бола хит,
Тушларида чорлар дала, ўнгирлар.
Ойнинг нури сенга берар ҳалақит,
Бу нур балки уйдан бир не ўғирлар.
Нурдан қўрқув, қўрқув гулдан, қуёшдан,
Бор қўрқувни бир қулф билан енгасан —
Ҳадик таниш, нотанишдан, тенгдошдан
Сен ҳадигу битта қулфга эгасан.
Мана, шундай дилингга ҳам қулф солиб,
Ўтаяпсан бир кимсани йўлатмай.
Бир кимсани бағри аро йўқолиб,
Бир кимсани бир дараҳтдай гуллатмай,
Сирдош бўлиб тақдирингга йиглайман,
Дейсанки, кўп бу ҳаётда олғирлар.

Қўрқасан-ки, бермасинлар тағин панд,
Олмасинлар юрагингни ўғирлаб.
Йўқ! Айт менга, кимга деб беркитурсан,
Дуру гавҳар сандигидай уйингни.
Асраб-асраб, қайга олиб кетурсан,
Райҳон ҳидли дуру жисму, бўйингни.
Мен қўрқаман, оёқ босмасдан бирор
Қулфли уйинг захлаб чўкиб қўймаса
Ва юрак ҳам бўлавергач сабр-ғов,
Куз гулидай баргин тўкиб қўймаса.
...Бир кун келиб, уйинг очсанг, кўксинг дуд,
Унда аён бўлар кўпнинг кирмаси.
Унда, унда сўраганлар сендан ёт,
Кетар ўзга оловларга чирмashiб.
Йўқ, йўқ, тушмоқ аянч тоқат тоғидан —
Уй, дил қулфин бузиб чиқмоқ ташқари.
Қочмоқ керак ёлғизлик қучогидан,
Кетмоқ керак олов сари, ишқ сари!

Улар бир-биридан кетаётган вақт
Ҳамма нарса талаш ўрталарида.
Бугунги кунида йўқдир бугун баҳт,
Эртанги баҳт йўқдир эрталарида.

Ҳамма нарса талаш: уй ҳам, мебель ҳам,
Ҳар бири истар-ки кўпроғин олса.
Тоғдаги қор талаш, боғдаги ел ҳам,
Йўлин топсалару сумкага солса...

Қаттол кураш кетар, жанг-ки шиддаткор,
Ҳар бири денгиздай тортар қаърига.
Ўрталиқда битта митти гўдак бор,
Ҳеч илож йўқ шуни бўлмоқларига.

Албатта, курашиб олади бири,
Хурсанд олиб кетар бағрига босиб.
Аммо бўлинди-ку гўдак тақдири,
Ўрталиқда Уни қўйдилар осиб.

Энди баҳти нимдир, толеи нимдир,
Ота-она унинг бошига етди.
Ким билан қолса ҳам кўнгли яримдир,
Чунки ярим кўнгли узоқлаб кетди.

* * *

Бир вақтлар кетардик баҳорлар томон,
На баҳор, гуркираб виқорлар томон.
Энди темир бўлгин, энди мунғайма,
Энди йўлларимиз қор, қорлар томон.

Баҳорлар кўрсатдик шавқ, мастилик кучин,
Виқоримиз тоғдан тикроқ келди чин.
Энди йўлларимиз қор томон экан,
Қўлингни бер, тойиб кетмаслик учун.

Фикр этсам, кўрмаган, кўрган эканман,
Умр ўтса-да йўлу уй тиклайман деб.
Сездим, ҳаётингга кирган эканман,
Сени қорли кунда қўлтиқлайман деб.

* * *

Бу аёлнинг соchlари узун,
Узундир, узундир бармоқлари.
Қуюқ тортар ғира-шира тун
Ул сочини ёйган чоқлари.
Узун-узун бу соchlар билан
Унга пешвоз чиқолмайди у.
Фамлари-қувончлари билан
Унга кўйлак тиколмайди у.
Ҳавас билан, ачиниш билан
Кузатади... қўшни ёш жувон
Ўз эрининг кўйлагин тикмас,
Истамайди пешвоз чиқмоқни...
Эри ишдан келади ҳориб,
Қўлда папка, ишнинг чаласи...
Тушлар кўриб ухлайди жувон,
Пашшасини қўрир боласи...
Аёл ўйлар.. умр-ўқлигин,
Гарчанд тайёр жонин тикмоққа
Ва ўйлайди... ҳаққи йўқлигин
Бу эркакка пешвоз чиқмоқقا...

ИШҚ

Мен кузга алвидо айтаман шошмай,
Япроқлардан кўнгил уза оламан —
Хайрлашув хатини сира адашмай
Ёза оламан.

Бегам, эҳтиётсиз дўсту душмандан
Сўраб, сўрамай ҳам оладирман хақ.
Ҳар қандай армондан, пушмондан
Устунман мутлақ.

Қўлим узун бўлар, ғоятда узун,
Энг юксак чўққига кўнглим тикаман.
Менга минг сирини очар ҳатто тун,
Тундан қизил гуллар тақиб чиқаман.

Сезмай босиб ўтгум ҳасад тифини,
Писандмас кимнингдир бергани фириб.
Менга дунёнинг бор устунлигини,
Ишқ, Сен берадирсан ёнимда юриб.

Дунёларга сиғмай, яшасам бойиб,
Гуркираб, Сен кучга тўлган бўласан —
Мабодо, етимдай қолсам мунғайиб —
Шул кун кўксим аро ўлган бўласан.

* * *

**Билмам, адашдимми ё тўғри қилдим,
Бағрингга япроқдай тўкилдим.**

**Аслида бу байтни мен ёзганим йўқ,
Менинг умрим — мўлжал сари кетган ўқ.
Вақтида келдим ё бевақт, анча кеч,
Афсус айтганимни эшиitmадим ҳеч.**

**Бўлмасни бўлдиргум деб қиласман қасд,
Мен яшаш сурурин шундай деб билдим.
Аросат, бу сатр менини эмас:
«Билмам, адашдимми ё тўғри қилдим».**

**Қамон эгилдию отди — учяпман,
Йўқ, иккиланиш ё бир сўз айтиш йўқ.
Майли, шароб ёки зардоб ичяпман,
Мен отилган ўқман, ўқقا — қайтиш йўқ.**

НАЗОҚАТНИНГ ДОСТОНИ

1. ЕЛҒИЗЛИК

Бир вақт шошқин ёнимга келган әдинг йўл топиб,
Қелганингга қадар ҳам яшаганман Сен билан.
Тунларда уйқу эмас, ёдинг кўзимни ёпиб,
Тонгларда уйғонардим тушда ўпичларингдан.

Келдинг, кўп ўтмай Сендан айрилиб қолдим, бироқ,
Қайдан қалб кўзи билан қолдим мен Сени таниб?
Бизлар бирга яшаркан, кетиб борардим йироқ,
Бизлар бирга яшаркан, борардим яккаланиб.

Гарчанд ҳамон биргамиз, аммо асли йўқсан Сен,
Наҳот бу ҳаёт энди қабул қилмас таҳририм.
Бир гуруллаб тафт бермай ўчиб қолган чўғсан Сен,
Наҳот жунжикиб ўтмоқ — энди менинг тақдирим?!

Гарчанд энди кетмоққа — йўл топмоққа шошмассан,
Айт, қачон булут янглиғ қопладинг осмонимни?
Биргасану, йўқ, йўқ, жон-жонимга туташмассан,
Қайғусин қиласман шу ёлғизгина жонимни.

2. АЛАНГА

Гумоним йўқ, алангадай севдинг ютоқиб,
Сўзларингда, кўзларингда аланга тафти.
Мен билмабман, бу оловда умрим бутоги,
Япроқлари секин-секин куя бошлапти.

Ҳаётимга алангадай кирдинг бостириб,
Ҳаётим бу алангадан исинди, ёнди.
Мен ўч эдим ўтлар билан ўт суҳбат қуриб
Ўтсанг шу баҳт эканига қаттиқ инондим.

Мен ўч эдим, ўчлик тутди ўтнинг барини,
Бугун ногоҳ ўтмас, сувни эм кўраяпман.
Бугун ногоҳ умримнинг кўк кенгликларини
Қиёқ тилли алангага ем кўраяпман.

Ва бир хаёл ўйларимга ўрнашиб олган
Такрор этиб ишқнинг ўтлиғ, мунглиғ сасини:
— Чироқ йўқми бир дунёда сақлаб қололган
Куйдирмасдан ўзин урган парвонасини?

3. ҲИЖРОН ҚУНЛАРИДА

Ҳеч кимсани чақирмайман ўзга кўмакка,
Ҳожат борми, ўтири, дардим эшит демакка,
Чунки мени сен тушунмай қолдинг, мен якка.

Ҳолбуки сен... бир қарашда кўриндинг совуқ,
Бир қарашда... кейин ўзинг бўлдинг чирмовуқ,
Айб йўқ эмас менда ҳам, мен деёлмадим йўқ.

Энди мени ҳар қадамда висол кутарди,
Ҳар қадамда кучли қўлинг аршга кўтарди,
Шодмон эдим, чунки йўлдан Сен-ла ўтардим.

Бу йўл чети дараҳтларда қушлар чувиллаб,
Кеча ғужғон ўйнар эди, бугун ҳувиллаб
Қолган бу йўл, чунки... чунки мен бўлдим гуллаб.

Йўқ, ҳали ҳам якка эмас, сирдошим бордир,
Ул — ёлғизлик, қучоқ очар, қучоғи қордир,
Воҳ-ки, бугун менга Сенмас, у муштоқ, зордир,

Толе экан, тушдим бир сўз, қорлик, музликка,
Қўрқдим, тағин алданмай деб айри сўзликка,
Мен тоабад кўнгил бердим шул — Ёлғизликка.
Ҳеч кимсани чақирмайман...

* * *

Тегма, менинг кўнгил ярамга тегма,
Тегсанг кўкрагимга тош қулаши бор.
Вақт ўтган. Бу ўрам-ўрамга тегма
Тегсанг, у тик, мағрур бош қулаши бор.

Унинг-чун кар бўлдим, қай бир тонгми, шом
Эшийтмай деб жавоб, саволларини.
Тағин... унинг учун кўр бўлдим, тамом
Кўрмайин деб камол, заволларини.

Бу фаровон дарахт — менга ўхшар ул,
Дарди ниҳон, яшнаб, бир кун қулайди.
Менинг ҳам... кўксимда чақ-чақ қизил гул
Одамлар кўзини алдаб гуллайди...

Тегма, менинг кўнгил ярамга тегсанг,
Бу гулларни янчиб тош йиқилади.
Вақт ўтган. Бу ўрам-ўрамга тегсанг,
Ўралашиб, мағрур бош йиқилади.

5. КЕТАМАН

Сен ишқимга қилганда гумон,
Дил-дилимни босганда туман,
Келганида жаҳлинг — Ёсуман,
Мен кетаман, бадар кетаман.

Боғлар аро бошланар ҳазон,
Ишқнинг қадри, қиммати арzon.
Ишқ ҳовучлаб яшайдирми жон,
Уртаб-ўртаб қадар, кетаман.

Ишқ оҳудир — отиб қўйдинг Сен
Ишқ Сир эди — сотиб қўйдинг Сен,
Гумон лойдир — ботиб қўйдинг Сен,
Сўнг бор ташлаб назар, кетаман.

Севдим, аввал ўт бўлиб севдим,
Сен ишқники бўларсан девдим,
Сен гумонга кўнгил бердинг жим,
Энди қилиб ҳазар, кетаман.

БИР ҚАДАМ

Баллада

Мен бағрим ёқиб бўлдим, сел каби оқиб бўлдим,
Неча бор қайта ўлдим бу ҳолат тасвиридан.
Нақд бер деб йиғламаган, тахт бер деб йиғламаган —
Бахт бергин деб йиғлаган Бодомгул тақдиридан.
Үй олдида машина, юк ортишар қўшнилар,
«Бу қиёмат қойим» деб, ғам тортишар қўшнилар.
Эри четда ҳангуманг, эри четда ҳоли танг,
Балки ораларига тағин тушар қўшнилар.
Бодом ҳам бир чеккада яраланган қуш янглиғ,
Гоҳ ҳушига келгандай, гоҳ маъюс, беҳуш янглиғ.
Қўш гўдаги пинжига суқилади жовдираб,
Кечаги бахт, гўдаклик бўлди бугун туш янглиғ.
«Балки ораларига... тушмасин йўқ, Бодомжон.
Сен кўксимда ишқ әдинг, энди сен ўқ, Бодомжон.
Ёмон санчдинг кўксима, энди бегинг ўлгандир.
Мен учун ҳам уввос сол, ёшингни тўқ, Бодомжон,
Эртак әдим мен Сенга, поймол бўлди эртаклик,
Эркак әдим мен Сенга, поймол бўлди эркаклик.
Дерлар-ку ахир: «Гулни узсин қўша-қўшгани»,
Ҳайҳот, қандоқ кечирай узганини бошқани».
Юрак-бағри тўқилиб Бодом бетус йиғлайди.
Ул шўрликка тикилиб бор эл-улус йиғлайди.
Ҳасан-Ҳусан зорлайди, отасини чорлайди,
Ота боролмас, сим-сим атрофда куз йиғлайди.
Юклар тайёр. Йўл олди Бодом қаддин тутди ғоз:
«Тузингизни кўп ичдим, хизматларим бўлди оз,

Рози бўлинг, бегим», деб бир-бир хайру хўш қилар.
«Бу қай кун»,— деб ёқасин ушлар қўни-қўшнилар.
Катта-кичик тикилиб қолган қирда-қиёда,
Қўш гўдаги қўлида, Бодом олдда, пиёда.
Орқада юк машина, бу йўл шундай бошланди,
Қараб туриб кекса-ю ёшнинг кўзи ёшланди...

* * *

Қанча ўтди, билмайди, эр келганда ўзига,
Битта-яримта юлдуз чиқиб кўкнинг юзига,
Шом қоронғуси ўтиб қуюқ тун тушар эди,
Унинг бўм-бўш қалбига ўчми — хун тушар эди.
Чап кўкраги санчиди, Ҳасан-Ҳусан жойими,
Сувда ой чил-чил синди, унинг кўнгил ойими?!
Кейин кечаги тунни эслаб кетди ҳовлиқиб...
Ярим тунда қайтарди у шаҳардан толиқиб,
Уйга яқин келганда эшитилди қичқириқ —
Ланг очиқ деразадан уйга ўзин отди тик,—
Ҳайҳот, колхоз раиси, кўп ардоқли дўст уйда!
Хотинига канадек чиппа ёпишган кўйда,
Қучоғидан чиқармас, ўпарди сўриб-сўриб,
Хотини жонҳолатда юлқиниб, ўзин уриб,
Жилолмас, уй ичига сочилган бир даста пул,
Ўзи ҳам сезмай қиндан пичноқни суғурди ул!
Мана сенга, раиснинг муруввати, бояқиш,
Туғишгандай, ўртоқдай куйиб-қўллаганлари.
Кўнглинг овлабу авраб топиб бирор зарур иш,
Икки куннинг бирида шаҳар йўллаганлари,—
Ҳайҳот, менинг кўнглимга ғоят яқин эди у,
Шул яқинликдан туриб, юрагимни еди у!
Унга ҳам омонлик йўқ! Пичноқ айтди сўнг сўзни.
«Единг» ушбу сўз билан раис ҳам юмди кўзни...

* * *

Ёлғиз қари онаси кўз ёш қилди куюниб,
Шўрлик Бодом ҳам олди беваликни кийиниб.
Қўш гўдагим етим, деб етти букилар эди,—
Ич-ичидан кун-бакун тутдай тўкилар эди.
«Раис босқинчи бўлса, менинг айбим нимадир,
Наҳот севги оқибат тошга тегар кемадир.
Бегим учун туманли ишонч бўлдим оқибат,
Туҳмат балоларига нишон бўлдим оқибат.
Оллоҳим дер эди-ку, мана, оллоҳ хор, она.
Қўш олчадай яшаймиз дегани бекор, она».
Ҳасан-Ҳусан кўзига жавдирамоқдан толди,
Гулдайгина келинчак силга чалиниб қолди..

* * *

...Сўнг ҳам узоқ ётмади, бир чошгоҳда рўйи рост,
Муштипар онасидан шундоқ қилди илтимос:
— Она, кўп бўлгучийди Сизнинг ғазал, байтингиз —
Гўдак чофимдагидай бугун алла айтингиз.
Фақат ғазалингизда бўлмаса алам-ангиз,
Кейин... менинг юзимга дока ёпиб қўйсангиз...
Фақат узоқ айтасиз, бир эшитай мириқиб.
Кекса онанинг ранги бу гаплардан синиқиб,
Ҳаёт бебаҳт қизидай мотамсаро туюлди,
Алла айтди, жоладай кўз ёшлари қўйилди,
Уттиз яшар гўдаги қанча истаса айтар,
Унинг маъюс алласи найдай инграган пайтлар
Она юраги билан сезди, қизи силкинди,
Ё уҳ тортди, ҳар қалай, бир зум нафаси тинди.
Ул докани тортганда бир титроқ сезиб тизда,
Қизи тинчиб қолганди, ўтин бўлиб ўттизда.
Ёраб, гуллаб-гулламай нураганни кўрдим мен,
Ўлим олди «алла»ни сўраганни кўрдим мен.

* * *

Битта қадам, не учун шошиламиз қўймоққа,
Битта қадам ва лекин бўлади-ку тийилсак.
Фақат биз бирорларни ўрганолсак сўймоққа,
Фақат биз бирорларга бирозгина қийилсак,
Ўз нафсин йўлида гоҳ юҳо бўлади инсон,
Гоҳ қаноатда событ, даҳо бўлади инсон.
Одамзод-ку аслида бу дунёга мард келди,
Бир қадамидан гоҳо тифи паррон-дард келди!

* * *

...Қўш гўдакни етаклаб кампир кетиб боради —
Қулаган устунини зиёрат қилмоқ учун —
Она бу хил ўйларни унга элтиб боради,
Болам, шундай гаплар,— деб унга эгилмоқ учун.
Ҳасан-Ҳусанлар бўлса тушунмас бу гапларга.
Ҳасан-Ҳусанлар бўлса гўдак дили қонаган,
Қачон она сут бермас бу аччиқ алафларга.
Қачон бу хил қотиллар туғилмайди онадан,—
Йигитмисан йигит эр бир ўқдан ўлди маънан.
Бодом гулидай Бодом бўлди шу ўқ қурбони.
Раис шу бир қадамда бу дунёи гулшандан
Олиб кетди ўзию ўзгаларнинг ҳам жонин.
Бодом, гарчанд, тухматнинг тошига бермадинг тоб.
Гарчанд ноҳақликлардан адо кетган бир жонсан.
Аммо ўшал қора кун эл кўзидан ўчди хоб,
Ўшал кундан дилларда учқунланган исёнсан.
Майли, гарчанд сендан бир маъюс овоза қолди,
Аммо ишқни букмадинг, аммо ишқ тоза қолди.
Мен бугун хотирлайман сени оппоқ ўлим деб,
Ишқ, номусга жон нисор шаҳид, қизил гулим деб.



Бир шеър керак

БИР ШЕЪР КЕРАК...

Бир шеър керак, шундай шеър битта,
Ёзгач, тағин умр сўрамай,
Уша шеърдан гурлаган ўтда
Ула олай ортга қарамай!

Бу боғнинг гуллари оқ-ки худди қор,
Қўнгил жим. Ахтарсам сабаби бисёр.
Бирдан ҳушёр тортиб қоламан, ҳушёр,
Бу түфёnsиз умр меники эмас.

Севаман, севгимда хотиржам бир ўт,
Қуйлайман, куйимда сино шавқ, сукут.
Юрак парчинланмас, юрак доим бут,
Парчин, қонсиз умр меники эмас.

Севгилим, дарёдай кетяпман оқиб,
Қирғоққа бўй бермай, тошиб, тутоқиб,
Оқяпман, ич мени, ичгин ютоқиб,
«Ишққа — жон»сиз умр меники эмас.

Тафаккур, ёлғиз Сен тақдиримда ганж,
Сенсиз умрим ғариб, аянчдир, аянч.
Шеърият, кўксимга ханжарингни санч,
Бу қурбонсиз умр меники эмас.

Аввал ўқигандим ушбу китобни,
Бу тун тағин унга әгилдим сўйиб.
Сатрлар қуварди кўзимдан хобни,
Сатрлар ортидан борардим куйиб.

Ногаҳон, бошимга урилади қон;
Китоб варақлари олинган йиртиб,
Бўғилиб бўғзимга келаётир жон,
Бахт эди, бу баҳтни кетдилар кемтиб.

Ногаҳон кўксимда бир тундлик туйдим,
Кутганим — хушбаҳт он бўлмади насиб.
Мен ахир хўп тўйиб йигланмоқчидим —
Ушал варақларни кўксимга босиб.

О кўнглим, ўзингдан бер менга хабар,
Асрасам ҳам кўзим қароқларидаӣ.
Кирмадими Сенга фаҳми кўру кар,
Йиртмадими китоб варақларидаӣ.

Тушмадими бирор жароҳатли из?
Тун бўйи бағримга бўйлаб қолдим мен.
Йўқолган шу китоб варағи боис,
Кўнглим бутунмикин... ўйлаб қолдим мен.

ТИНЧ ФОНТАН ҚОШИДА

Қандай гўзал йиғлайолардинг?!

Томчи-томчи билурдай бегард,
Йигилгандир, кўзёшингни тўк.
Гоҳ мени ҳам куйдирап-у дард,
Йиглолмасман, кўзёшларим йўқ.

Қайғуларинг яшириб ногоҳ,
Сир сақламоқ бўласан нега?
Йиглаб-йиглаб сен бўлгансан шоҳ,
Сен бўлмассан қувончга эга.

Сенга ором бермас баҳтли най,
Сеникимас бу ҳаётдан кеч.
Шоир куймай туролмагандай,
Шоир баҳтли бўлмагандай ҳеч.

Қандай гўзал йиғлай олардинг?!

БЕДИЛОНА

Ёшланмаган бирор кўз учратмадим,
Бемор қалбга малҳам сўз учратмадим.
Ўзимнинг бўл, дедим, ҳар ўзгага, лек,
Ўзга, ўзга бўлди, ўз учратмадим.

КУЗГИ ТАСКИН

Деразага қарасам боғни куз қилмиш ишғол
Олтин зиракларини бутоқ-шохларга илиб.
Деразадан қарасам куз — энг ёқимтой аёл.
Боғда маҳзун кезинар япроқлари тўкилиб.

Ёқимтой аёл айтмас кўксидаги шавқ, ғамларни,
Саболар этакларин тортқилашиб юрибди.
У мевасин узиши шарт бўлган бу дамларни
Қачон келиб қолганин тушунолмай турибди.

Боғ бурчидан буралиб чиқиб келар наво, най,
Қушчаларнинг қўшини юқорилар кўк сари.
Ўйнаб-ўйнаб юмалаб ухлаб қолган гўдакдай
Ерда там-там мевалар, кетсанг севиб, кўтариб!

Серҳосил дараҳт шундай маъюс тортар куз киргач,
Энди умри — учқури тинмай юргурган каби.
Қатор ўғил-қизларин турли боқقا учиргач
Ўзи бўш қолган уйдай хўрсиниб турган каби.

Кўклам, ёз-ку қулф урдинг ёзғирмасдан тақдирдан,
Ичдинг ширин май каби умрнинг хуш кунларин.
Олтин кузим, ё бехос англаб қолдингми бирдан
Гал келиб қолганини қайтармоққа барини.

Бир бошга бу дунёда ҳисоб берар бир кун бор,
Бу ур-сурли оламда минг ютқаздик, минг ютдик.

**Ё дунёдан кичик нур ўғирлаб биз ўтдик хор,
Ё ўз кичик нуримиз олиб дунёга тутдик.**

**Ростдан кўра кузим Сен, ўхшайдирсан афсунга,
Киприкларингни кўтар, ҳорғин руҳинг ёнсин шан.
Ахир Сен тақир эмас, Сен келдинг-ку бу кунга
Офтобда маст ухлаган ғуж-ғуж гўдаклар билан.**

Икки қуш бор: қувонч, ғам қуши,
Яшолмайман юзим ўгириб.
Келар бир-бировин қувишиб,
Бирин ташлаб, учади бири.

Ғам қушининг ранги қоп-қора,
Қаро тун ҳам илғаб титрайман.
Учиб келар туманлар аро —
Қувонч қуши, яйраб потрайман.

Мен бир овчи, ношуддан-ношуд,
Бу икки қуш ҳам баҳт, ҳам шўрим.
Отдим, қаро қуш бўлмас нобуд,
Оппоқ қушни тутолмас тўрим...

СИРДАРЁ БИЛАН СУҲБАТ

Сирдарёning соҳилида боғлар туташ,
Гоҳ шодумон, гоҳо маъюс чоғлар туташ,
Бахтлар туташ, юрак дарди, доғлар туташ,
Ер, эл билан бирга оққан оқинимсан,
Яқинимсан, она дарё, яқинимсан.

Мен биламан, сен беҳиштдан чиққан дарё,
Инсонни бир инсончалик уққан дарё,
Камолига термулиб кўз тиккан дарё,
Оқа-оқа толмасликка сўз бер менга,
Мангу қуриб қолмасликка сўз бер менга.

Оқадурсан эл оралаб, пиёдалаб,
Айт, ҳеч ерда кўрмадингми ноҳақ талаб,
Нопок қўлин ювмадингми эй чашми-об,
Мангулик де, гуллаб ўтган ҳар хуш дамни,
Кўрмадингми жаҳолатдан кўзи намни?

Минг йилликсан, пайтлар бўлган қонлар боцқан,
Разолатдан гоҳо шаҳид жонлар оққан,
Жонлар билан эътиқод, имонлар оққан.
Жабрдийдам, сувларингда ўт ёқдингми,
Бугунгидай дилга дардкаш оқдингми?

Соҳилингда алпзодалар, алплар яшар,
Сукут эмас, жаранглаган зарблар яшар,

Үртангувчи, ўртагучи қалблар яшар,
Бундайларга ҳақ бир байроқ, бир туғ бўлар,
Ҳақ деганинг мартабаси улуғ бўлар.

Тасаввур қил, сенсиз ғариб юрмагимни,
Соҳилисиз, дарёсисиз севдик кимни,
Сен бир бурчи Ўзбекистон — юрагимни,
Кўз қиймасим, сен — жон ерим, Она дарё,
Шул юракда қон томирим — Она дарё.

Энди кучга тўлаётган шул юракка,
Ўзбекистон — шул навқирон гулдиракка,
Айланмоқлик учун таянч бир тиракка,
Яшамоқ шарт ўлмасликка қасам ичиб,
Мангу қуриб қолмасликка қасам ичиб.

Сирдарёning соҳилида боғлар туташ...

БОБУР

Урушдан ҳеч ким ҳеч нарса ютолмаган ҳеч қачон,
Ютқазгани кўп бўлгандир, аммо, унда инсонни.
Битта мисол, Бобуршоҳ авж гуллаган чоғ беомон —
Қўшин тортиб босиб олди, дейлик, ярим жаҳонни.

Жанггоҳлардан, курашлардан топса умрбоқий шон,
Кезмас эди вужудан шоҳ, қалбан парчин, ер бўлиб,
Машварату майшатлар забт этганда бегумон
Устувор қилиб қайтгач маҳзун, тўкилмасди шеър бўлиб:

«Толе йўқи жонима балолиг бўлди,
Не ишни-ки айладим хатолиг бўлди.
Уз юртни қўйинб ҳинд сори юзландим,
Ераб нетайин, не юз қаролиг бўлди».

Гарчанд, суюк, буюк инсон, гарчанд собит ирода,
Уз юрти деб ўртамаган бирор они бўлмади.
Бу ҳолатни қайси тақдир ортиқ қилур ифода,
Ярим кўнгил ҳатто ярим жаҳон билан тўлмади.

Тожу тахтлар қутқармади қийноқдан митти жонни,
Уз кўнглида туйиб ўтди жаҳоннинг бор фироғин.
Гарчанд ақли ёритса ҳам ярим рўйи жаҳонни
Еқолмасдан ўтган каби ўз кулбасин чироғин.

УСМОН НОСИРГА

Шоирнинг юбилей кечасида ўқилган

Мен ўйловдим етмиш ёшда қуйиласиз,
Етмиш йилнинг етмиш ўйи ахир бошда.
Сиз-чи бу кеч ўша Усмон туюласиз,
Йигирма беш, ё йигирма олти ёшда.

Ақлан айтса Сизни бобо демак керак,
Аммо бобо сўзи эриш туюлмасми?
Усмон Носир деганингда ўйнаб юрак,
Унга ишқий шалолалар қуйилмасми?

Усмон Носир деганингда гуллар сўраб,
Ишқ келмасми, қимтиб ҳассос лабларини.
У айтмасми кўзи билан чирмаб, ўраб,
Бир ишқибоз йигитнинг шўх гапларини.

Усмон Носир деганингда шарт кесилган —
Бошдай қуёш «ерга қулаб» кетмайдими
Ва бир юрак, ҳар бурчини туйғу тилган —
Қонлар сирқиб кўз олдингдан ўтмайдими?

То тириксан дилим боғлан шул юракка,
Фидоликда топилмагай унга тараф —
Усмон, шараф Сендек оний гулдиракка,
Она халқим, Усмон учун Сенга шараф!

«Олти-етти йил ёзди» деб кўрсатмишлар,
Қай буюк куч бул юракдан олганди жой.

Биз-чи етти йилни баъзан кўнгил хушлаб,
Етти дона шеър ёзмасдан берурмиз бой.

«Олти-етти йил ёзди» деб этурлар қайд,
Етмиш йиллик меҳнат-ку бу, ақлу ҳуш лол.
Сезганмикан тун сафосин, оқшомги пайт,
Сезганмикин, тонг, қай ёндан эсар шамол.

Йўқ, сезмаган, сезганида муқим туриб,
Улимларни ҳар лаҳзада ўлдирмасди.
Бешафқат ўз юрагига ханжар уриб,
Соб бўлгунча ҳар лаҳзада тилдирмасди.

Йўқ, сезмаган, сезмаганлар бўлсин омон —
Бу телбалик, телбаларча суйиб ўтмоқ.
Бу етуклик, унга бўлсин то абад шон,
Бу етуклик — сўнг он қадар куйиб ўтмоқ!

Куийиб, суйиб елда ўйнаб тимқора соч,
Бу кеч чақнаб ўлганидан тониб келди.
Она халқим, ичиккансан, бағрингни оч,
Усмон деган ўтинг қайта ёниб келди!

Мен ўйловдим етмиш ёшда қуйиласиз...

ОҚАР ДАРЁ

Faғұр Fулом хотирасига

Шаҳрим, Сендан бир дарё оққан әди арслонвор,
Билмам, қачон шиддатдан, шижаатдан толди ул.
Шаҳрим, бу кеч мен Сендан сўрайдиган сўзим бор,
Айт, қачон, қай бурчингда мангу ухлаб қолди ул.

Балки ухлагани йўқ, ёдлаётир «Ёдгор»ин,
«Ўғригина бола»си балки шу том устида.
«Қиз қилиқли бўлар» деб тўкиб ишқининг борин,
Балки ҳамон қалами авжи илҳом устида.

Навбаҳор, атр бўйлар урилмоқда димоққа,
Е қай чаманда ниҳон, шеър ёзар ими-жими...
Е қўшни қиз боғидан ўрик ўғирламоққа
Ҳамид Олимжон билан девор ошиб кетдими?

Балки, балки минбарда фашистга ўлим тилаб
Гулдираган шеърлари қайга ўқилаётир.
«Сен етим эмасссан» деб ўзгалар бошин силаб
Уз Жўрасин ғамидан тутдай тўкилаётир.

Қандоқ фифон тортмади, лаб босиб туриб чўққа,
Қандоқ тиклолди етти ердан синган жонини.
Ким етти букилмайди ногоҳ учирса ўққа
«Бўйларига гул ўлчаб ўстирган» ўғлонини.

Балки карвон йўлида «етим бўтадек» бўзлаб,
Меросий соғинч — сўзга сўзни улаётиби.

**Информбюромизнинг башоратидан сўзлаб,
Балки ғолиб, ялангтўш «Шарқдан келаётибди».**

Балки мендан сўнг ҳам Сен болаларга бўл деб бош
Учирма қушларимни етказгил деб вояга,
Илк кўклам чечагини, кипригида қалқиб ёш
Қўш-қўллаб узатмоқда Муҳаррамхон аяга.

Балки «червонец» олиб белидаги чорсидан
«Қиз юракнинг қони» деб қўйиб ишқу биносин
Бугун катта тўй, тонг-ла, келтиргандир Чорсудан
Суюк Олмос опанинг қўлидаги хиносин.

Гарчанд бу кеч соғинчдан кўзимизга дунё тор,
Гарчанд бу кеч соғинчдан бўғзимизда шўру талх.
Айтинг, шундай отани қайси фарзанд унутар,
Шундай содиқ ўғлондан кўнглин узар қайси ҳалқ?!

Ўзбекни ўз-ўзига бек деган Faфур Fулом,
Шеърлар ҳар хонадонга оқар экан тонг билан.
Халқим, бу кеч мен Сени қутлайин айтиб калом,
Faфурдай мангу оқар, арслонвор дарёнг билан.

УСТОЗ ОЙБЕҚКА

Бу катта-катта кўзлар кўзми ё катта исъён,
Дунёнинг гоҳи майда ишларидан ҳайратда.
У минглаб харсангларга урилиб синмаган жон,
У уриб турган юрак, ўзи қолдирган хатда.
Айтилмаган сўзларниң қолмоғига офарин,
Тилсиз сўзлаб... дунёни олмоғига офарин!

Кўзлар чақнар... кўнглимга ёмғир кирап, дўл кирап,
У ўтган даҳаларга бошлайди менинг йўлим.
...Йўлчи жасади узра Шокир ота гулдирап:
«Унсин болам, қайғурма, бу жуда катта ўлим».
Катта қувонч ва катта йифи бўлиб ўтдингиз,
Халқимнинг бошда тутган туғи бўлиб ўтдингиз.

«Кумуш ўлиб қолди» деб, қон йиғлаган Қодирий,
Гулнор ичган заҳардан сизам ичиб қўйгансиз.
Мен-ку ҳануз тушуммам ижод сирин, баҳт сирин,
Сиз тушуниб суйгансиз, сиз тушуниб куйгансиз.
Куйиб кул бўлмай ўзни қай ўтларда ёқдингиз,
Ўлган Йўлчига қандоқ ишқ узугин тақдингиз?!

Йўлчилар, Навоийлар порлаб яшади Сизда,
Ҳақ деб чопган элчига тўлди олди, ортингиз.
Инқилобчи бир юрак асраб қўкрагингизда
Коммунистик сафларниң энг олдида бордингиз,
Юрт юкин кўтардингиз катта жонингиз билан,
Эътиқоди тик Ўқтам, Анорхонингиз билан.

Бердингиз шу саф учун иккиланмай, ўртаб жон,
Бор бисот, «наъматак»дай гулингизни бердингиз.
Кейин... билмадик, бизни не бир ғафлат босган он,
Қай қабоҳатга бийрон тилингизни бердингиз.
Мунис халқимга ҳам бу бўлгай мангу сабоқ, ун,
Бошқа бийрон тилларин эҳтиёт қилмоқ учун...

Бугун ҳам Марказкомда муддао ўша-ўша,
Ки ҳар оддий инсонга эссин нажот шамоли.
Биз ҳам худди сиз каби у билан жигаргўша,
Бугун ҳам буюк орзу — қўрмоқ инсон камолин.
Шу бирликка ўргатган Сиздек ҳар шон ўлмагай,
Сиздек Даҳо ўстирган Ўзбекистон ўлмагай!

СУРУР ҚҮНФИРОГИ

Ҳалима Носированинг 70 йиллиги муносабати билан

Аввал мен ўзим суйиб кўзимнинг қаросидай,
Арзир сўнгра бу залга, десам «оёққа қалқинг».
Ҳумо қушдай чарх уриб курашлар орасида
То абад қўли баланд, кўкраги баланд халқнинг
Фурурининг боиси — шан ўти бори келди,
Ўзбекистон санъати бир байроқдори келди!

Азал тоза инжулар тўрт тарафга сочилган,
Андижонга тушгани балки Сизга теккандир.
Шундан кўксингизда эрк, кураш гули очилган,
Шундан юрак тикланиш азобларин чеккандир.
Сиз майдонга чиққансиз қувонч — доғингиз билан
Бўғзингизда яширин, қўнғирогингиз билан.

Ёраб, қўнғироқларни кўп олдилар нишонга,
Фойиб бўлди майдондан ким севса ўз жонини.
Сиз ўз кўзингиз билан кўриб тўлдингиз қонга
Турсунойнинг муқаддас «эрк» деб тўйкан қонини,
Айтинг, қандай куч Сизнинг қаддингизни эгмади,
Кўксингизни кўзлаган ўқ неча бор тегмади?

Нурхон, Турсуной тушди кетма-кет тузоқ-тузга,
Ким айтди учинчи кун Сизнинг ўлмасингизни.
Ўн беш-ён олти ёшда ким шивирлади Сизга
Осонликча бу йўлда қурбон бўлмасингизни.
«Олға» деган сўз ҳар бир ҳужайрангизга сингиб,
Кетиб бораётисиз бу йўлда ҳамои енгиб.

Шундай, байроқларимиз гоҳ қонларга ботибди,
Аммо қуламагани олдга нигоҳ тикканлар.
Бу кеч кўзим олдидан бир-бир ўтаётиби,
Бу саҳнага ўртада ЖОНни қўйиб чиққанлар.
Бу саҳна абад Сизнинг, бу шон абад Сизнингдир,
Халқ ишқидан қўйилган нишон абад Сизнингдир.

Мукаррама, Тамара, Лутфихон қай чоғлари
Сорахоним келадир Сиз билан пичирлашиб.
Ҳассос она халқимнинг сурур қўнғироқлари
Бул табаррук саҳнадан янграгансиз бирлашиб.
Бул қўнғироқлар ҳали уйғотар кўп юракни,
Кўнгилларда чақнатиб орому гулдиракни.

«Шогирдларим кўп», дейсиз гўдакдай қувонч билан,
Бари ўт, аммо Сиздек ўт бори учрамагай.
Баланд, гарчанд шогирдлар парвози бугун баланд,
Аммо халқ Ҳалимасин такрори учрамагай.
Дўстлар, оёққа қалқинг шу ўт борлиги учун —
Ўзбек совет санъатин байроқдорлиги учун.

ЯНГИ ЙИЛ ҚЕЧАСИДА ҚҮНГЛИМДАН ҚЕЧИРГАНЛАРИМ

Ҳар янги йил киrar экан, жомсўз айтгали
Қадаҳига ҳар ким маҳзун бир зум тикилар.
Жомсўз асли бир баҳона, ортга қайтгали
Шу лаҳзада юрак әзгин, юрак тўкилар.

Бир йил ўтди базм янглиғ қисқа умрдан,
Тағин бир қур баргларини елга берди боғ.
Йил ўтибди... сергак тортиб қоламан бирдан:
Мен йил бўйи яшадимми ишқ билан иноқ?

Ўйлаяпман... гоҳо боис турли сабаб, сас,
Унинг менга, менинг унга маҳтал кунимиз.
Узоқмикан... ахир икков бир кунда кетмас,
Иккимизнинг сўнг кунимиз, маҳшар кунимиз.

Сиз-чи, айтинг, ул әшикдан учиб кирган он
Учиб-қўниб қучоғига отилдингизми?
«Келдингизми?» шу бир сўзни титроқларда жон,
Ҳайрат билан айтмоқликка ботиндингизми?

Келдингизми, шу бир сўздан бағри бут бўлиб,
Қўш жилғадай ул шошдими, Сиз шошдингизми?
«Келдим, келдим» ул кирганда ёниб, ўт бўлиб,
Бир ўт каби Сизам унга туташдингизми?

Шул туташув онларида жомдай тўлай денг,
Тўкилай денг, тўкилмаслик, тўлмаслик гуноҳ.

Паноҳ бўл денг, мен бир умр қарам бўлай денг,
Ишққа қарам шу лаҳзани яшаганлар — шоҳ.

Хаёлингни оппоқ қорлар ўраган тунда,
Йўқ, ҳавои ҳавасларга ичар вақт эмас.
Минг, миллионлар яшаётган бу кенг заминда,
Ул қидириб Сизни топди — бу кам баҳт эмас.

Энди эса... тағин кўп гап айтар қорли тун,
Бу бирликнинг кипригига қўнмасин деб гард.
Оралиқдан ҳижрон ўсиб чиқмасин учун,
Сиз узлуксиз туташ яшаб бормоғингиз шарт!

Чегарада солдатлармас, мен ўйлаган дам,
Чегарада эркак-аёл қад тиклаб тураг.
Улар туташиб турсалар, қучишиб маҳкам,
Ёв бу юртга қай томондан йўл топиб кирап?!

Улар туташ яшаганда қучишиб маҳкам,
Шамолидан баҳра олиб ўсар гўдак, боғ.
Шу бирлик тик турганида ғамми — қолган ғам,
Шу бирлик уй, юртни ёвдан тўсар юксак тоғ!

Бу янги йил туни, йилнинг энг илк ишқ фасли,
Инсон буюк — ишқнинг буюк сирлиги учун.
Бу дунёни тутиб турган шу бирлик асли,
Қўтарингиз, эркак-аёл бирлиги учун!

ЯНГИ ЙИЛ БОШИДАГИ ИСТАКЛАР

Тишда дов-даражтлар бурканар оққа,
Қорга лаб босадир ўйларим маним.
Қадрдон қаламим оппоқ вараққа
Пичирлаб тұқадир құйған, сүйганим.

Күйдирған, сүйдирған дүстларим, салом,
Бул кун барчанғизни чорлайман бир-бир.
Бул кун оқаради куррайи олам,
Муруват құлинини чұзади тақдир.

Тишда қор бўралар, давра қизийди,
Суҳбат кетаётир нари-беридан.
Ким шуҳрат тожини эртароқ кийди,
Қимлар силжимади турган еридан.

Тож кийған қўймасин тожин тушириб,
Тож остида бошни асрасин кўпроқ.
Туриб қолган кетсин чопиб, чарх уриб,
Қуласин елкадан босиб турган тоғ.

Кимки фарзандсизлик доғида юрса,
Рўшнолик келсину етиб куну ой,
Биби Фотимадек қўш фарзанд кўрсинг,
Қўш бешик ўртаси бўлсин унга жой.

Ким айтмади битта сўзни ийманиб,
Шу сўз учун унга тилайман журъят.

Кўйманган кетмасин доим кўйманиб,
Енгил нафас олсин тиклай-тиклай .

Ўксиган гўдакка кўзим тушган чоғ,
Садоқати буюк йил келсин дейман.
Қай бир иттифоққа солсалар нифоқ,
Сиёсати буюк йил келсин дейман.

Хаёллар чарх урар бошимда маним,
Эрта кун қолмас деб ерда доғли зоғ.
Эрта бажо бўлар менинг айтганим,
Серғавғо дунё ҳам бўлгайдир бедоғ.

Эрта кун бу дунё бўлгай деб беҳишт,
Жимжитгина боғлар қиласр ишора.
Бу қор ҳам шуларни айтмоқда, эшишт,
Бу қор ҳам шунлай деб қиласр башорат.

Мен беҳишт шамолин яшириб сўзга,
Сўзладим, сўзларим ўпсин ер шарин.
Пири бадавлатлик, Оталар, сизга,
Хотиржам баҳт сизга, Онажонларим.

Жаннат жилғалари боғларда чопсин,
Йигитлар бўлсин деб Гўрўғли келбат.
Қимки танҳо, бу йил баҳтини топсин,
Бемор дўст соғайиб кетсин деб албат.

Янги йил, оппоқ қор сўзлаган тунда,
Базм суронларин кузатаркан жим,
Бегам ўтсин дейман йилингиз шундай,
Суидирган, куйдирган дўст-ёронларим.

ШОИРА СИНГИЛЛАРИМГА

Опангиздан ўтибди, гоҳ сархуш, гоҳ ғаш юриб,
Ниш урган гул-чечакни сезмай қолаёзибди.
Ўз-ўзи билан машғул, хаёл аралаш юриб,
Ортдаги келажакни сезмай қолаёзибди.
Балки сизга сал бефарқ боқиб кетган опангиз,
Хаёл дарёларида оқиб кетган опангиз.

Сезиб қолдим, Сиз мени таъқиб этасиз тинмай,
Яқин-йироқдан руҳим, шеърларимга мўралаб,
Чиқиб келаётисиз кўринниб, гоҳ кўринмай,
Қишлоқ, пахса деворлар орасидан оралаб.
Келинг, айланиб келинг, юлдузим, ойларимга,
Ё мен тавобга борай туғилган жойларимга.

Ўзингизни кўрмасдан шеърингизни танидим,
Биламан, қайлардадир рақс тушяпсиз эшилиб,
Қайда бўлса ҳам ҳар хил нигоҳлардан панада,
Балки ой ёруғида қушлар билан қўшилиб,
Дараҳтларнинг шохида ялангоёқ ўйнайсиз —
Гўдакликнинг боғида дайди, саёқ ўйнайсиз.

Ўйнай-ўйнай бир куни тонгда келаркан кириб,
Сизни жиддий нигоҳда кутиб олади шаҳар.
Қўксингизни тартибли ўтлар билан тўлдириб,
Бора-бора борингиз ютиб олади шаҳар.
Аста-аста кўнишиб, сизам шуни хушлайсиз,
Тунда ҳаммадек ухлаб, кундузи тинч ишлайсиз.

Кейин севибми, севмай бир йигитга тегасиз,
Кейин... ўғил-қиз қатор... ҳар тарафдан бой бўлиб,
Бир куни қарайсиз-ки ҳамма баҳтга эгасиз...
Сўнг тўлиша бошлайсиз ўн беш кунлик ой бўлиб.
Ҳайҳот, ул кун йиғларман дилимга доғ бўлди, деб,
Бу тўлишган вужуднинг руҳи ҳалок бўлди, деб.

Дейсиз, шоир ким ўзи, қандоқ шоир бўлгансиз?
Йўқ, шеър ёзай деб ёзиб кўчирмаганман оққа.
Ундан кўра сўрангиз қай ўқлардан ўлгансиз,
Қайси ўқлар қайтадан қўйган Сизни оёққа.
Сўранг, юрагингизга қачон санчилган тиғлар,
Ахир азага борган ўз дардин айтиб йиғлар.

Шоир эса... йўқ, фақат ўз дардидан куймайдир,
Узга ғамдан сарғаймай, ўртамаган вақти йўқ.
Токи ерда бир инсон ғам ўтида куйгайдир,
Дегайман, бу дунёда шоир зотин баҳти йўқ.
Аро йўлдасиз, синглим, ё шеър денг, ё тинч баҳтни,
Кўрмадим бу иккисин бирдай кўтарган таҳтни.

Бургут полапонларга учмоқни ўргатган чоғ
Аямасдан ташларкан энг юксак қоялардан,
Менам сизга бор гапни айтиб турибман шундоқ,
Сиз устунсиз юмшоқ сўз, мижғов ҳимоялардан.
Қоялардан тушганда қолгаймикансиз тирик,
Унда бир тишлам нонга сизу биз абад шерик.

Унда мен олдиндаги тоғлар умрин тилар чоғ
Суюниб ҳам қўяман, ортда ҳам тирик бор деб.
Хотиржам кетажакман, бир кун тоғдай қулар чоғ
Ортда мендан ортиқроқ куюнчак юрак бор деб.
Қачон етиб келдингиз Сиз ортимдан куюниб,
Қачон олақолдингиз балоғатни кийиниб?

Опангиздан ўтибди, қандоқ сезмадим Сизни...

ИЛҚ ХАТО

Кимданdir айб ўтди, хато сўз айтди,
Айтишдик, сўнг хато кетди қалашиб.
Биз йўлнинг ярмида айрилдик, қайтдик,
Қайтдик, йўқ нарсалар учун талашиб.

Кимдир хато қилди, эрми ё хотин —
Сўнг қўшилаверди хатолар қўш-қўш.
Сўнг ҳувиллаб қолди хонадон бир тун —
Икки юрак қолди ҳувиллаб, бўм-бўш.

Кимдир хато қилди, сўнг бошланди жанг,
Кейин ўликлардан кўтарилиди тоғ.
Жаҳон урушин ҳам аслин сўрасанг,
Кимдир ўйламасдан йўл қўйган хато.

Муҳими илқ хато, кейин қасдма-қасд,
Кураш мушкул уст-уст уруш қорини,
Йигирма миллион шаҳид, ҳамма ҳам билмас
Урушнинг дастлабки сабабкорини.

Илқ хато, сўнг келар ҳижрон, ўлим тиф,
Бевақт бебаҳт қолар не бегуноҳ жон.
Балки бу дунёда улуғдан-улуғ
Ўзин илқ хатодан тиёлган инсон.

УЛМАС ПУШКИН ЁНИДА...

Пушкиннинг рафиқаси Н. Н. Гончаровага

Билмам, Пушкинни севмоқ — баҳтсизликми ёки баҳт,
Хоним, Сизга ҳам яшаш тушмагандир осонга.
Аммо битта түйғуга ионганман ҳаммавақт,
Сизни ҳумо қушидай у кўтарган осмонга.

Наталья!

Ким яратган Сизни қўл билан чизиб.
Сиз илоҳий ҳусн билан шоирни әтаркан ром.
Улкан фикр дарёсин қирғоқларини бузиб,
Офтоб келди Сиз билан, ҳам ёнма-ён келди шом.

Сизни иситмадими бериб бор дил чўғини,
Энг қайноқ туйғуларин баҳш этмадими Сизга?
Порлоқ шон-шуҳратини, қанотли довруғини
Сочмадими гуллардай пойи-қадамингизга.

Турли иллат, ғамдан гоҳ қуйласа ҳам ўксиниб,
Сизгача шоир ҳатто ёқарди-ку аёзни,
Нечун Сизни севгач гоҳ руҳин қаноти синиб,
«Шеър йўқ, куплар ўтипти. Шеър келмайди» деб ёзди.

«Майли, не ўтса ўтган, ўртада бир аср бор»
Дейман-у этолмайман бу фикрга ўзни жалб.
Кечиринг, шу ёзуғдан туюласиз гуноҳкор,
Балки, Сиз сабаб совий бошлагандир даҳо қалб.

Қандоқ нафас олгансиз устун келиб бўҳтон, кин,
Ортдан шоир номусин сатаётган пайтларда.
Ёвуз рақиб мўлжаллаб унинг дурдай юрагин
Ҳатто қўли титрамай отаётган пайтларда.

Оҳ аёл, биз аёллар ширин сўзга бунча ўч,
Гоҳ бор хушомадгўйнинг бўламиз кўнглин олмоқ.
Балки ўша лаҳзадан танҳо севгилимизнинг
Кўкрагида биз учун бошланади йўқолмоқ.

Кейин худди Сиз каби ғурур, ишқдан олисда,
Оҳлар уриб чорлармиз етим қолган ишқ, сирни,
Бир лутфига арзирми Дантес деган олифта,
Ҳатто Сиздек париваш бир шеърига арзирми?

Ул-ку ҳуснингиз куйлаб ёндириди оломонни,
Ҳалок бўлди тождор эрк, ишққа туширмай соя,
Ул худодай сиғиниб, Сизга, ишққа инонди,
Сўнг машъум он не учун ишқ қилмади ҳимоя?!

...Ўйласанг келаверар шу хил турфа туйғулар,
Асли бугун Сизни ҳам олқишлиймиз туриб тик.
Ахир юз йил, минг йилда Пушкин битта тугилар —
Бахт эмасми шу улкан Даҳога ёстиқдошлик.

Сиз ҳуснин овозаси юз йиллар оша кетган,
Кибор рус оламининг санамларин бирисиз.
Йўқ, йўқ, Сизни уларга тенг қўйсам хато кетгум,
Сиз Пушкиндай инсоннинг севгиси, тақдирисиз!

Юз йилда бу типроқдан минглаб сулувлар ўтган
Беҳишт боғлари аро сим-сим саболар каби.
Нозик сарв қадларин бул кун тупроқ беркитган,
Бул кун кимлиги унут, унут наслу наслаби.

Аммо Сиз-чи, тирик ўт бор экан то қонида
Одамзод Пушкин билан тоабад айлар висол.
Демак, Сиз ҳам тоабад ўлмас Пушкин ёнида
Порлаб келаверасиз тоза, ҳарир гул мисол.

Айтинг, Пушкинни севмоқ баҳтсизликми ёки баҳт?!

МОСЛАШУВЧАН ОДАМГА

Бир вақтлари чарсу чапани,
Ўз сўзидан қайтмас эдинг Сен.
Қапа дердинг турган капани,
Бошқачароқ айтмас эдинг Сен.

Қирраларинг ўткир туюлиб
Ўргандилар, қотирдилар бош,
Қирраларинг бир-бир ейилиб,
Бўлдинг силлиқ, юм-юмалоқ тош.

Энди уни айтмоқлик учун
Ном қидириб гоҳ очасан фол.
То ўзгариб кетмасин мазмун
Капага ҳам келмасин малол.

Энди йўлинг топиб олдинг чин
Қатнаб чўпу чўпчакларига.
Энди яшайверишинг мумкин
Кириб ҳатто чўнтакларига.

МАРҲУМНИНГ АЙТГАНЛАРИ

Умидим шулмиди, Сизни кўрган чоқ
Пойингизда гулдай қўкарсан дэвдим.
Кунлар ботиб, тонглар оқаргунча оқ
Сизни қўлларимда кўтарсан дэвдим.
Бўлмади, қўлларда кетдим қабрга
Сизга кўтаририб ҳижрон юкини.
Энди сабр берсин Сизга, САБРга
То ечгунингизча эрнинг кўкини.
Чунки ўшангача кетмасман бундан,
Унгача қўнмаса кўкрагимга доғ,
Айниқса, гапимиз қовушар тунда,
Бағримга кирасиз ловуллаб, қувноқ...
Иўқ, йўқ, ёри жоним, қолмассиз якка,
Мен олдингидан-да ғамхўр бўламан.
Яшириниб олиб уйга, бурчакка,
Кирсангиз отилиб, қучиб оламан.
...Шундай, кетолмасман бесас, бенаво,
Сиз нечун кўндингиз бу кўк тулликка?!
Қисмат Сизга уни кўрди-юраво
Мени танладими қоровулликка?
Кетолмасман. Үлим бизга бўлмас ғов,
...Қай бир тирик мени суриб келмаса!
Сизни қўлларида кўтариб бирор,
Қай бир тун ётоқقا кириб келмаса...
Унда дунёнинг бор йўллари билан
Қочаман, ўликлар — ожиз, бу бор гап.
Сизни кўтарган шу қўлларим билан
Чувалган кафаним тортқилаб, судраб...
Умидим шулмиди, Сизни кўрган чоқ...

Тағин қийғир, қумри ўнгир, қиёда,
Тағин бургут юксак ўрлар зиёда,
Тоғларга етдингиз пою пиёда,
Ота, оппоқ тоғлар фасли бу фасл.

Дерсиз «кўп гапириб ёқмасман Сизга»,
Ўгитингиз нури — тўтиё бизга,
Саркаш фарзандларни солингиз изга,
Она, қўнғироқлар фасли бу фасл.

Фиркўк ёли бўрон янглиғ учарак,
Қўзларида ўт, шон янглиғ учарак,
Омаддан бир нишон янглиғ учарак,
Ака, учар чоғлар фасли бу фасл.

Сева-сева севилмоғинг оширдинг,
Бекам, ўзни қай ўғлонга топширдинг,
Ү не тутди, кўксинг аро яширдинг,
Синглим, юзда доғлар фасли бу фасл.

Ишқ қирғоқдир асли топса жойини,
Кетмоқликка қўймас Сизни ёйилиб,
Ҳар ўтганга кўз солмассиз қайрилиб,
Ука, ишқ-қирғоқлар фасли бу фасл.

Ўнда-мунда ухлаб қолган гўдаксаҳт,
Чимга нақш олмалар тўкибди дараҳт,

Гўдакларни ердан кўтарадир баҳт,
Юртим, тўкин боғлар фасли бу фасл.

Соғмисан, ишқ билан, баҳт билан оғри!
Не тонг бу, кўзимга юлдузлар ёғди,
Бу фасл шоирмас, кимики соғдир,
Шоирлар, носоғлар фасли бу фасл.

ҚЕЧАГИ ҚУН

Тинчлан, кўнгил, бўлма дилхун,
Ором топмадинг сира.
Майли, гарчанд кечаги кун
Бугунни қиласар хира.

Бошқа эди кечаги кун,
Сен уними йўқлайсан.
Чақирганда бермадинг ун,
Энди нечун йиғлайсан?

Кечаги кун қуёш бошқа,
Бошқа эди, тун, майса.
Бугун бошинг уриб тошга,
Самар топмай излайсан.

Бу тунги ой ортиқ маъюс,
Кундуз қуёш ортиқ шўх.
Гуллари ҳам бошқароқ тус —
Кечагидай тортмас, йўқ.

Үтган ўтди, дил, таскин топ,
Бўлса ҳамки худди туш.
Кечаги чекилган азоб,
Бугунги қувончдан хуш.

Дил, бугунги боғларга қўн,
Бўлолсанг бўл, асира.
Гарчанд, дилда кечаги кун
Бугунни қиласар хира.

БУ УЙЛАР

Бу уйлар уй эмас, бирдай тўлишиб
Яшайверсанг, бир бор сўлиб чиқмасанг.
Бу майдон майдонмас, ҳар куни тушиб,
Юз тирилиб, юз бор ўлиб чиқмасанг.

Эй шоир, яшаш-ку тинмас қураш, жанг,
Майли, тинма, иқбол берсин, гурулла.
Навоийда минг дард, бирин айтмасанг,
Сен бу шоирлигинг хашакка пулла.

Йигит, мен билмайман, сенда қанча зарб,
Аммо содиқ эрсанг халқдай даҳога,
Илтижо қиласман, бошланаркан ҳарб,
Ҳеч йўқса айлангинг Бобур Мирзога!

Гарчанд бугун сўймоқ, куймоқ дарди кам,
Ёраб, эртага ҳам тўлиб ўтмаса,
Бу дунёда йўқ денг Ҳалимани ҳам
Камида Ноцира бўлиб ўтмаса.

Бу уйлар уй эмас...

БИР ЗИНАДАЙ ҚОЛУРМАН

Мен кетаман, мен кетаман
Қай бир кеч ё эртада.
Менинг куйим бўлар тамом
Қимдир тушар ўртага.
Шул, ўртага тушгувчига
Қалам тутиб ўргатай.
Гоҳ ошкор-у гоҳ ичимга
Дардим ютиб ўргатай.
Ўргатайин, мушкул ҳаёт
Қўймасин деб тиндириб,
Четга тортиб қай жоҳил зот
Бир чўпдайин синдириб.
Ўзига йўл очиб олиб
Тўпга ўзин урмасин.
Тўпга зўрлар кирсин ғолиб,
Зўравонлар кирмасин.
Шу ўй билан шул гўдакни
Ўз елкамда опичиб,
Ўрталиққа кирайпман
Шон кечиб, гоҳ қон кечиб.
Етгунимча умр кетади
Сочим бўялар оққа,
Аммо... гўдак эр етади,
Гўдак туарар оёққа.
Ўрталиқда... шод бўларман
Бонг урса ул ёвқур, мард.

Балки шул кун... мен ўларман
Кетиб армон, кетиб дард.
Ва... жон бериб қўлида мен
Тупроқдан жой олурман.
Ул юксалар, йўлида мен
Бир зинадай қоларман.

БИР ҚАДАМ ОЛДИНГА

Хаёлим ногаҳон кетди-ю порлаб,
Елғиз кўтаролмай хаёлларимни,
Яшадим — бир қадам олдинга чорлаб
Дунёнинг қимтинган аёлларини.

Бир қадам бўлса ҳам олдинга ташланг,
Таклифми, қарорми, чама олдинга,
Қўйнинг терисини уқалаб, ошлаб,
Кунгайда ўтирган момо, олдинга!

Эркакнинг дилига йўл олган аёл,
Қўнгил эшигида туриб қолма тик.
Бол эмассан, аммо бўлаолгин бол —
Бир қадам олдинга ташла беҳадик.

Гарчанд сахий ердай бўлиқдир танинг,
Доим ҳам сочингни силамас ҳаёт.
Ераб, хоин чиқди Сенинг туққанинг,
Бир қадам ташла-да уни ўзинг от.

Қоплаб келаверсин ерларни булат,
Етмас, туташолмас Сенинг барингга,
Индира Гандидай бир қадамга ўт
Саккизта гул қадаб кўкракларингга.

Илоҳам, ёнаркан кўксингда ўч, кек,
Қасос майдонига келаркан кириб,

**Бир қадам олдинга ўт, Тўмарисдек
Ёв бошини қонли хумга ботириб.**

**Тақдирлари лавҳин қон билан ёёса
Ёзган, хиёнатда кўнгил ёзмаган.
Бир қадам олдинга ўтганилар озса
Ақлдан озганлар, йўлдан озмаган.**

**Бугун ҳам бир қадам олдинда шу гап,
Саратон, қаҳратон ивиб қор, қонда
Ерни, гўдакларни ўқдан панараб
Жасорат ўтирас Гренем-Коммонда.**

**Улар фидо, улар адо, эркка қул,
Қучоғингда шоҳдай шод ўсганларинг,
Ҳаёт, Сени асраб қолганлар ҳам шул;
Бир қадам олдинда қон қусганларинг!**

**Бир кун буюк ҳайрат этар бизни лол,
Мурод-манзилига этар жами халқ.
Бир қадам олддаги қасоскор аёл —
Ўз онаси билан кетар жами халқ!**

ДАРАХТ ҮЗ ЖОЙИДА

Дарахтлар доим ўз жойида муқим,
Үйламай бир қадам ташламас хато.
Дарахтлар кўтарар доим ўз юкин,
Бир мевасин ортмас бирорвга ҳатто.

Яхшиям дарахтга битмаган оёқ,
Тил йўқ, миннат қилмас, сақлайди тўзим.
Воҳ, бу дархтлар-ку тушунар, бироқ,
Гоҳ бу одамларга ўтмайди сўзим.

Ёраб, дарахтга ҳам оёқ битса, шан
Наҳот инсон қайтган жойдан қайтадир.
Қайда Она қолиб, қайдадир фарзанд
Ўзи ўйнаб юрар қайдадир?!

СИЗ МИХСИЗ...

Сиз отсиз, минишиб чопишар пойга,
Сиз михсиз, қоқишиб истаган жойга.

Ғаддор, ғаламусга тез келасиз кор,
Бирорни қилмоқчи бўлса ярадор.

Ўзи бирор кўзин силаб қўяди,
Лек Сизнинг қўлингиз билан ўяди.

Аммо Сизни лақма деб бўлмас қўпам,
Сизда истак бордир шуларга кам-кам.

Яъни бирор айтди ёнар бир сўз, гап,
Ўйлайсиз йўл топиб, қилмоқ керак даф.

Бирор бирдан тошиб, нақ денгиз келар,
Шунинг қадамини қирққингиз келар.

Буни сезиб, кимки бош кўтарса каж,
Танобин тортмоқча қидирасиз важ.

Сиздаги оғриқ ер — мана шу хуллас,
Буни чуқур билар ул ғаддор, ул кас.

Шундан қурбон излар, Сизни тиф қилиб
Ва истаган жойга қоқар мих қилиб...

Сиз отсиз.. мүнишиб чопишар пойга.

ҚАРИ ОТНИНГ АЙТГАНЛАРИ

Чарчадим, қоришиб кетяни ер-кўк,
Бунчаем узайиб ётмасанг тош йўл —
Йўл бўйи миямга урилар тақ-туқ,
Бунча туёғимга ботмасанг тош йўл.
Мен нетай, мениям тинмай юргим йўқ,
Танбал аравани етаклаб, осиб.
Аравага нима, яшар кўнгли тўқ,
Ичиға хўп тиқиб, бедани босиб.
Устига эгамнинг ўзиям чиқар —
Эгамга ҳам нима, ухлар донг қотиб,
Гоҳо уйқусираф кимнидир сўкар,
Гоҳ йўл бўйи кетар хаёлга ботиб.
Аммо эгамга ҳам баъзан қийиндай,
Билмам, у эгамга бошлиқми ё ёв,
Қора терга тушиб биз етсак тунда,
Ўшқирап «тонггача яна бир қатнов»,
Менданам бу шўрлик эгамга азоб,
Бехавотир ўйнаб-кулган куни йўқ,
Бошлигининг қопи — худди ўпқон қоп —
Иил бўйи гашиймиз, тўлган куни йўқ.
Эгам йигит эди, оқарди сочи,
Мен ҳам шўх той эдим бугун қари, пўк.
Кўрганимиз шу йўл — бизни кўз очиб,
Бошлиқнинг уйидан ўтганимиз йўқ.
Йўлда шамол кўзни тўлдирап қумга,
Шундоқ ўйлаб бориб, шундоқ қайтаман —
Эгам бу гапларни айтмас ҳеч кимга,
Мен ҳар қалай Сен тош йўлга айтаман.

ГОҲ ҚУНЛАР ҒАРОЙИБ...

Гоҳ кунлар ғаройиб, шарҳига йўқ сўз,
Таъми талх шаробдай жоминг тўлдирап.
Дуэлга чиқарди аввал юзма-юз,
Энди бир-бирини зимдан ўлдирап.

Аввалги ошиқлар кўзларида қон
Ишқи учун жонин қўярди гаров.
Эндиги ошиқ гоҳ чамалар имкон,
Қийинроқми, йўлдан қайтади дарров.

Аввалги ошиқлар кўкрагида оҳ,
Майдонга кирганлар ғурур, шон учун —
Бугунги ошиқлар туюлади гоҳ
От солаётгандай мансаб, ион учун.

Тагин энг қизифи, фақат пардали,
Пардали суярлар, пардада юрар.
Кўнглидаги қаҳрни ҳеч ким зардали,
Қаҳр билан айтмайди, пардага ўрар.

Парда орасида кетяпмиз ҳориб,
Йўл солаолмасдан ошкор бир ёқса.
Журъат тарқ әтмоқда бизларни, бориб
Дўстга «Мен соғиндим Сени» демоққа.

Журъат тарқ әтмоқда бизларни гоҳо,
«Пичоқ кесар, ўткир бўлса дами» деб.

Бировга бермаймиз муносиб баҳо,
Бошқаси аразлаб қоладими, деб.

Журъат тарк әтмоқда бизларни баъзан,
Гарчанд гоҳ меҳрдан кўнгил ёшланар.
Сор бургут мадад сўз кутмоқда биздан,
Улуғ парвоз балки шундан бошланар.

Мадад сўзсиз бургут учса-ку учди,
Гоҳ бургут кексаяр шу сўзни кутиб.
Ожизмиз, биз қўллай билмадик қушни,
Аянчмиз, «йилт» этган нур кетди ўтиб.

Мен ҳаммага аввал журъат тилайман,
Муқим журъат олган қалбни, қалъани.
Душман душманлигин ошкор олсин тан,
Дўстим ошкор бўлсин кўнглим малҳами.

Журъат нима, журъат ўзи асли ўқ,
Нишонни урмасдан қўймас отган дам,
Кўп раҳмим келади ошкор фикри йўқ,
«Пардали» шеър ёзган шоирларга ҳам.

Гоҳ кунлар ғаройиб, шарҳига йўқ сўз...

Қуёш жуда эрта ботди, қилади алам,
Номозшом гулидай сўнди тез бугунги кун.
Қасдма-қасди тунга кириб дейман «ассалом» —
Дўстлашаман қуёш эрта кетгани учун.

Мен қуёшга қилмайдирман гарчанд хиёнат —
Аммо усиз яшамоққа етар бардошим.
«Бунча эрта йўқотдим?»— деб ёзар бўлсам хат,
«Қайтарми»,— деб йўлларида тўкилса ёшим.

Қўз ёшимни шамолларда қуритиб олиб,
Езганимни йиргиб-йиртиб четга отурман.
Куйим билан ҳатто тунга ғулгула солиб,
Унинг тундай юрагини боғлаётирман.

Туннинг сукутини бузиб, алёрлар айтиб,
Куйлатаман унинг ҳар бир ҳорғин онини.
Қуёш мени қайта топмас келганда қайтиб,
Қўзёш тўкар эслаб мени йўқотганини.

Мен тик, ўжар ғурур ҳаққи, кўтараман жом,
Ўчлик билан яшаганга тилайман барор.
Энди қуёш қуёш эмас, мен учун тамом,
Уни тунга алмаштиридим — шу бўлди қарор.

УРТАЛИҚ

Хўп юксалмоқ — кетмоқлик тубан,
Хўп юксалмоқ — ерга кирмоқдир.
Омад қанча сийламасин шан —
Тақдиримиз ерда юрмоқдир.

Кўкрагимиз хоҳ ер, хоҳи тоғ,
Узилмаган ердан пойимиз.
Ер қаттиғу осмон кўп йироқ,
Урталиқдир бизнинг жойимиз.

Мунғаймагин, гап даромади,
Шўрлик, ерга кетмассан кириб.
Ҳаволанма, сен ҳам, омадли,
Кўкка бошинг олмассан уриб.

* * *

Минги келса қошиқ кўтариб,
Битта-битта олганида ҳам,
Таги кўринади қозоннинг.
Еб битиришмадими Сизни
Бугун элга урф бўлган шоир,
Синчков қаранг бисотингизга
Қолган бўлса бирор бутун шеър.
Бу минг олғир қаттиқ ишлади,
Узлаштиromoқ, ҳазм қилмоқ фасли,
...Бу шеърни ҳам бир чети кемтик
Қошиқ теккан унга ҳам асли.

* * *

Ҳаётнинг кўзидан ўпид, суюниб,
Уни «Ў, ҳаёт!» деб ёзганлар ўтди.
Илк тун, у келиндай оппоқ кийиниб
Кирганда, бағрига босганлар ўтди.

Шундайлар ўтди-ки... ўтиши енгди,
Ўтгандай боғ томон, ўтлоққа томон.
Шундайлар ўтди-ки... қолганлар энди
Мардроқ бўлиб қарап... ўтмоққа томон.

ТҮФОН

Қўлларинг дарёга ташланган тўғон —
Оқяпман, қўлларинг қолар-ку тутиб.
Қўрқаман, мен қўрқиб ҳовучлайман жон,
Эҳтимол, сирғалиб кетарман ўтиб.

Қўлларинг дарёга ташланган тўғон —
Оқа-оқа бир кун етаман —
Фақат қўлларингдан балиқлар йўсин —
Қўрқаман, сирпаниб чиқиб кетаман.

Қийин, билсанг менга бўлар кўп қийин,
Дунёни қорайтар фикрим тўзони.
Айт, қай дарёларда оқаман кейин,
Тутолмай қолса гар қўлинг тўғони?

ДУГОНАМ САОДАТНИНГ СҮЗИ.

Агар айтсанг, хушбахт онинг йўқ,
Агар айтсанг, хону монинг йўқ,
Айтмасликка ҳам имконинг йўқ,
Бир сўзинг бор ёруғ дунёда.

Агар айтсанг, ҳазон сендек гул,
Агар айтсанг, яшноқ боғинг кул,
Айтмаслик ҳам мушкулдан мушкул,
Бир сўзинг бор ёруғ дунёда.

Гарчанд у сўз Сендан кўп йироқ,
Агар айтсанг кукун тошу тоғ.
Айтмасанг, бир умр ўртар доғ,
Бир сўзинг бор ёруғ дунёда.

ШИРИНЛИК

Бу дарахтнинг меваси шакар,
Талх бир ғам йўқ, йўқ алам-ангиз.
Узингиздан кўринг Сиз агағ
Нафсингизни тиёлмасангиз.

Юзингиздан шиннини қириб
Ташлолмайсиз, битмас чаласи.
... Кимни кўзлаб келар бостириб
Бу чивиннинг гала-галаси.

ЕЛГИЗ БОШНИ...

Минг хил чиқит қўшилмоқда оқар **сувларга**,
Саёз тортиб кўринмоқда Оролнинг қуми.
Мен қўрқаман қўшилишиб дили қувларга
Юракларга чиқит-қувлик кирмаяптими?

Ёмғирлар-ку, япроқларни кетмоқда ювиб,
Бизлар уни тупроқ билан қормаяпмизми?
Биз кундалик «ур, ҳо-ур»нинг кетидан қувиб,
Меҳран тугаб, қалбан тугаб бормаяпмизми?

Дил тубидан туйғуларни оларкан қириб,
Бир кун тақир йўлга ўхшаб қолмасмиканмиз.
Бу талотўп, «қув-қув», «чоп-чоп» ҳолдан тойдириб,
Бир кун бўм-бўш уйдай бўшаб қолмасмиканмиз?

Бу шошилинч, бу тезликда кўрмай хосият,
Мен қўрқаман, ноаниқ бир ҳислар кемирац.
Мен ойлар-ки, ўз онамни кўрмадим, уят.
Мана, шундай пайдо бўла бошлар темирлар.

Ойлар-ки, мен ўз онамни кўролмай караҳт,
Демак, болам йиллаб яшар мени унутиб.
Мунча тансиқ тортиб қолди дийдор деган баҳт,
Ютқизиқлар кўп, нимани оляпмиз ютиб?

Айттолмайсиз, айттолмайман менам бошим хам,
Аммо биламанки, нафас ростламоқ даркор,

**Билмоқ керак, ёнди кимнинг юрагида шам,
Билмоқ керак, ёғди кимнинг юрагига қор?**

**Йўқса бизнинг ҳар биримиз бир улоқчи, ёт,
Шериги йўқ, йўқдир битта узангидоши.
Азал-абад кўпкарида тоқ чавандоз мот,
От остида қолиши бор ёлғизнинг боши.**

**Кечикяпмиз, бу гал аммо, Сиз шошиб келинг,
Кўзлар тўлсин ишқининг рангин бўёқларига.
Хой одамлар, имилламай жисплашиб келинг,
Ёлғиз бошни бермайлик от туёқларига.**

Бу қуш нимадандир сайрар безовта,
Гўдак ҳам айтмоқчи недир, хуш эмас,
Аммо катталарнинг оёғи овдан,
Қулоғи қийқириқлардан бўшамас.

Уй ёни, ғарамга тушди лаҳча чўғ,
Ногаҳон безовта ит қолар ҳуриб,
Үйда қозон қайнар, ҳамма гирт маст, тўқ,
Остонадан итни қуварлар, уриб.

Гўдак, Сен улгайсанг кўзинг катта оч,
Улар бўлса, бу рўйхатда бўлмагин.
Қочгин, бу тўдадан, бир амаллаб қоч,
Ит бўл, қуш бўл, бироқ катта бўлмагин.

Бу қуш нимадандир сайрар безовта...

ҚАЧОН?

Кўклам,
Сен унинг номини ёзолмайсан,
Кўклаб кетар.
Ёзда журъат қилолмайсан. Ёзгирасан.
Куз куйиниб, ёзмоғингни чеклаб кетар.
Қишда қийин —
Қачон ёзиб улгурасан?

* * *

Ишдан кетди, шундай оддий ҳол кечди,
Илк бор кўрди сўнгги сўқмоқларини.
Ҳокимлик либосин жимгина ечди,
Четга қўйди ғазаб тўқмоқларини.

Не ҳол юз берганин ўйлаб кўрган он,
Рост, бир ҳақиқатни ўртаниб туйди:
Энди қайта тахтга чиқмас ҳеч қачон,
Бу тўқмоқлар ерда чирийди.



ЯРИМ УМР ҮЙЛАРИ

Оҳ, умримда яшагандан яшамаган умрим мўл,
Ўртар мени яшамаган кунларимнинг армони.
Ахир ҳаёт бошдан-оёқ тик тортилган узун йўл,
Толғин кунлар ҳам ҳисобда — қуриганда дармоним.

Ўттиз йилни яшасайдим ҳар он шуур сипқариб,
Бегам, беҳис ўтган кунлар ўчса эди ҳисобдан.
Мен уларни ўз умримдан ташлай олсам чиқариб,
Бир оз халос бўлардим бу бўғизловчи азобдан.

Бир лаҳзалик ҳордиқ учун балки бир йил олдим дам,
Бир лаҳзалик суҳбат учун балки йилни сарф этдим.
Кекса шотут соясида кўзларимга қалқар нам,
Балки бир кун қолар жойда ўн йиллаб қолиб кетдим.

Кунлар ўтди рост баҳтни ҳам ёлғон деб, гумон айтиб,
Заволига қолдим балки не ифорли гулларнинг.
Гоҳ-гоҳ шеърлар ёзган бўлдим жиддий, ўтга шон айтиб,
Ўзим ўтсиз суҳбатларда ютқаздим не йилларни.

Балки кимдир зор кетгандир меҳрим, кўнгил тафтимга,
Ўлтирибман яшаб ўтган умрим қисқа туюлиб.
Ярим умр ўтди, олдим, юрак, сени кафтимга,
Фамгин шотут бошин силаб шом келаркан қуюлиб.

Сен ўзинг-ку ичкин нурим, бошимдаги порлоқ туғ,
Утинаман, бутун бўлгин, бутун, бўлмагин нимта.
Юрак, айтар сўзларимга бергин ёниб турган чўғ,
Ён: беармон ёниб ўтай, қолган ярим умримда.

Оҳ, умримда яшагандан яшамаган умрим мўл...

АГАР ҚҰПРИҚ БҮЛСАНГ...

Күпrik бўлсанг менга шу бўлар нафинг;
Нариги одамга ўтиб олайн.
Кузат, мендан олдин ўтмасин гапим,
Унга аввал ўзим етиб олайн.
Айтган-у айтмаган гапларим «гуллаб»,
Кўпайиб, у ёқقا ўтиб турмасин —
То мен ўтганимда ДЎСТМАС, талай гап
Тиқилган ҚОП мени кутиб турмасин.

ТҮРТЛИК

Қиз соллона юриб ой томон кетди,
Үғил чаппар уриб сой томон кетди.
Кўзи кўрмас ота йўл тимирскилаб,
Каловланиб, мункиб лой томон кетди.

ҚАТЪИЯТ

Бу дарахт тезгина гулга кирмайди,
Осонликча ҳосил бермас бу дарахт.
Баданлари караҳт, япроги караҳт,
Зўрлаганим билан юрмайди.

Тилга киргизаман Уни бари бир,
Чунки менга ором бермайди, илинж,
Ула-ўлгунимча мени қўймас тинч
Уни сўзлатмоқлик хуни бари бир.

* * *

Мен ҳали-бери ўлмасам керак,
Ҳар довондан минг бор ўлиб ўтаман.
Сизнинг ўйнаб-ўйнаб етган манзилга,
Мен адойи тамом бўлиб етаман.

Бир дардим бор — учмоқ, муттасил учмоқ,
Шундан фориғ бўлсам, соғлик ўлдирап.
Отдай соғлигимни лаҳза ўтмаёқ
Тўхтаб қолгандаги оғриқ ўлдирап.

МЕН ҲАМ СЕНДАЙ...

Мен ҳам сендей япроқ қиёсли,
Титраб турган битта жоним бор,
Утавермоқ мумкин деб, босиб,
Үлмайди деб бўлма, умидвор.
Мен ҳам Сендей кезарман ношод
Етмай бахтнинг баҳраларига.
Мени ҳам кўп қувади ҳаёт
Омадсизлик саҳроларига.
Порлаб қолсан қувончда, ўтда,
Сенга дунё туюлмасин тор,
Унутмагин, мени ҳам битта,
Титраб турган битта жоним бор.

СҮЗЛАР ПИША БОШЛАР...

Сўзлар пиша бошлар ичимда,
Битта-битта узиб чиқаман.
Иссиқ қувонч, иссиқ ўнимдан
Дастурхонга тизиб чиқаман.
Қувончимда бир кескинлик бор,
Бир ачиқлик, ўнимда менинг,
Ширинликдан бўлманг умидвор,
Шинни пишмас ичимда менинг.

Кўп қизғанаверманг, бўлинг серҳиммат,
Шубҳа қиласкерманг ҳар ҳол, ҳар кезда.
Мен дидлаган молнинг баҳоси қиммат,
Ундан тоза инжу на қилсан Сизда.
Титраманг, молингиз қолсан фойдага,
Ҳар кимни ўзимга пир қилмасман мен.
Сиздаги арзимас майдада-чуйдага
Теккизиб, қўлимни кир қилмасман мен.
Лермонтов айтгандай, оҳангларни мен
Кўкдан ундираман, йўлин топиб хўп.
Қисқа умримдаги бор жангларни мен
Бир шарҳин битсам ҳам бўлгай талотўп.
Кўп қизғанаверманг...

МУНДАРИЖА

Коммунистлар, олдга

Бу Ватан	3
«Ватан Сенинг йигирма миллион...»	5
Халқимга	6
Коммунистлар, олдга	8
Рус халқига	10
Саманталинг портрети	14
Учинчи қиз	16
Муаммо	18

Ватан бахти

«Не бир гўдакларнинг...»	20
Жасоратнинг сўнгги туни	22
«Йигитлар...»	24
Қирчиллама қирқ йигит	25
Эски сандиқ	27
Қайтмайман	29
Турналар	30
Қамал кунларида	32
I. «Мен ўйлайман...»	32
II. Қамал қишида	33
III. Хато тақрорланмас	35
IV. Ҳайкалнинг айтганлари	36
V. Ватан бахти	38
Фалаба	40

Садоқат

Тилак	43
«Онажон, ўтири, бир ҳасратлашайлик»	44
Чақириқ	45

Чинни коса	47
Муқаддас аёл	49
Хавотир	51
Тўмариснинг айтгани	52
Кўкраги доғлиларга	53
«Онанг қариёлмас...»	55
Бу ўт	56
Елғиз ўғил ҳақида баллада	58
Бир аёлнинг ўтмиши	61
Илинж (баллада)	63
Иттифоқ	73
Қасос	75
Онамга	77
Онамнинг айтгани	78

Туғилиш

Туғилиш	79
Она садоқати ва ўғил армони қиссани	81
Бахшининг тўйдаги курашда айтганилари	86
Қасам	88
Кўзи борлар тўғри йўлдан юрмаса	91
«Сўз экилган...»	93
Йўқлов	94

Муҳаббат ёзи

«Езда кўп ишларга...»	97
Куз	98
Шундай уй бор	99
Ишонч дарвозасида	100
Сочингизнинг ўрмонларида	101
Сизсиз	102
Мен орtingдан из босаман	103
«Сени кимлар...»	104
«Аллақачон...»	105
«Сиз билан...»	106
«Сизга ишқим...»	108
«Қайдан ҳам...»	109
«Мен сиздан сўрайман...»	110
Кириб бормоқ	111
Менга айт	112
«Уйимизда...»	113
«Кузнинг ёноқлари...»	114

«Бу эркак...»	115
Уят	116
«Ёнаётган бу ўт...»	117
Тик йўл	118
Севинч кечган уй	119
 Уртадаги дарё	120
«Сўзамолсиз...»	121
«Бўлмагандай...»	122
Бир хато изтироби	123
Интиқом	125
Халқона оҳангларда	127
Ҳижрон ёбонларида	129
Кумушнинг ўлими	130
Қирғоқ	132
Кетма	133
Қўлингни бер	134
«Қизиқ туйғу...»	135
Йигит изтироби	136
Бир хонадонда	137
Олов сари	139
«Улар бир-биридан...»	141
«Бир вақтлар...»	142
«Бу аёлнинг...»	143
Ишқ	144
«Билмам...»	145

Назокатнинг достони

1. Елғизлик	146
2. Аланга	147
3. Ҳижрон кунларида	148
4. «Тегма, менинг кўнгил...»	149
5. Кетаман	150
 Бир қадам (баллада)	151

Бир шеър керак

Бир шеър керак	156
Ҳолат	157
«Аўвал ўқигандим...»	158
Тинч фонтан қошида	159
Бедилона	160

Күзги таскин	161
«Икки қүш бор...»	163
Сирдарё билан сұхбат	164
Бобур	166
Усмон Носирға	167
Оқар дарё	169
Устоз Ойбекка	171
Сурур құнғириғи	173
Яңги йил кечасида құнглымдан кечгандарим	175
Яңги йил бошидаги истаклар	177
Шоира сингилларимга	179
Илк хато	181
Улмас Пушкин ёнида	182
Мослашувчан одамга	185
Марҳумнинг айтганлари	186
Куз	187
Кечаги күн	189
Бу уйлар	190
Бир зинадай қолурман	191
Бир қадам олдинга	193
Дараҳт ўз жойида	195
Сиз михсиз	196
Қари отнинг айтганлари	197
Гоҳ кунлар ғаройиб	198
«Қуёш жуда әрта ботди...»	200
Урталиқ	201
«Минги келса...»	202
«Ҳаётнинг...»	203
Тұғон	204
Дугонам Саодатнинг сүзи	205
Шириилик	206
Елгиз бошни	207
«Бу қүш...»	209
Қачон?	210
«Ишдан кетди...»	211
Ярим умр ўйлари	213
Агар күпприк бўлсанг	214
Тўртлик	215
Қатъият	215
«Мен ҳали-бери...»	216
Мен ҳам сендай	217
Сўзлар пишабошлар	218
«Кўп қизғанаверманг...»	219

На узбекском языке
ХАЛИМА ХУДОЙБЕРДИЕВА
СВЯЩЕННАЯ

Стихи

Редактор *М. Ҳайдаров*
Рассом *Б. Жалолов*
Расмлар редактори *А. Мамажонов*
Техн. редактор *М. Миррахабов*
Корректор *С. Тоҳирова*

ИБ № 3647

Босмахонага берилди 06. 01. 87. Босишига руҳсат этилди 03. 12. 87.
Р 17808. Формати $70 \times 90^{1/32}$. Босмахона юғози № 2. Адабий гарнитура.
Юқори босма. Шартли босма л 8,19. Шартли. кр.-оттиск 8,48.
Нашр л. 6,04. Тиражи 10000. Буюртма 1062. Баҳоси 90 т. Шартнома 191 — 86.

Гафур Гулом номидаги Алабиёт ва санъат нашриёти, 700129, Тошкент,
Навоий кӯчаси, 30.

Узбекистон ССР Нашриёт, полиграфия ва китоб савдоси ишлари
Давлат комитети «Матбуот» полиграфия ишлаб чиқариш бирлашмасининг 1-bosmaхонаси. Тошкент — 700002. Ҳамза
кӯчаси, 21.